

山東通志

卷二百



山東通志卷二百

雜志第十二

通志十二之二

流寓

范蠡字少伯南陽宛人事越王句踐滅吳霸越遂扁舟泛海入齊變姓名稱鴟夷子皮耕於海畔致產十餘萬齊聞其賢聘以爲相因喟然曰久受尊名不祥乃盡散其財以給鄉黨而懷其重寶以去止於陶稱陶朱公今肥城西有陶山山西谷有墓曰陶朱墓唐貞觀二年立碑恐後人之所附會也

莊周蒙人少嘗爲漆園吏學本老子楚威王聘之不應後隱於曹州南之華山著莊子因名其書曰南華經

荀卿趙人年五十始遊學於齊齊以卿爲祭酒或譖之於是適楚
山東通志卷二百
雜志 流寓 一
春申君以爲蘭陵令遂家蘭陵著荀子

慎到趙人遊稷下與田駢爲遊談之士見稱於時或謂魯欲慎子爲將卽其人然無實徵也

齊貌辨不知何所人客於齊靖郭君善之齊貌辨之爲人也多疵門人弗悅士尉以証靖郭君靖郭君不聽士尉辭而去孟嘗君又竊以諫靖郭君大怒曰剗而類破吾家苟可慊齊貌辨者吾無辭爲之於是舍之上舍令長子御之且暮進食

羊角哀左伯桃燕人也共爲死友聞楚王賢往事之至義城阻風雪衣食不足計不兩全桃併衣食於哀入空樹中凍餓死而葬於范

甘茂下蔡人爲秦相向壽公孫奭譏之亡奔齊齊相之茂死於齊

其孫甘羅年十二事秦相文信侯以言激張唐相燕說趙王得五
城秦而封羅爲上卿後還齊卒於齊今在平張達屯有甘羅墓

郭巨河內人寓居肥城家貧事母竭力有子三歲母嘗減食與之
謂巨妻曰貧不能供親安能及子子可再有母不可再謀與妻共
埋之掘三尺餘見黃金一釜上有字云天賜孝子郭巨官不得奪
人不得取後其母卒於孝堂山有北齊時勒石

姜肱字伯懷彭城廣戚人家世名族與二弟俱以孝行著桓帝時
寓青州賣卜給食

趙岐字頌卿京兆長陵人少明經有才藝黨禍起宦官唐衡緝黨
人岐與焉避難賣餅於北海市中安邱孫嵩識之載歸家藏之於
複壁中注孟子黨禁解乃歸

山東通志

卷二百

雜志

流寓

二

山東印加公司印

晉劉伶字伯倫沛國人容貌甚陋放情肆志常以細宇宙齊萬物
爲心與阮籍嵇康遇欣然神解攜手入林時稱竹林七賢嘗乘鹿
車載酒使人荷鍤隨之曰死便埋我遊蘭山沂水間卒葬其地今
嶧縣東北有劉伶墓

成昇上谷居庸人遷居北海其子洪仕南宋爲撫軍府中兵參軍
孫淹字季文好文學有氣節仕北魏官謁者僕射

楊弼字世弼北平無終人長於吏事仕北魏官青州別駕加輕車
將軍杜洛周陷城弼隨南渡後仍返居青州終值邢杲叛被殺

申纂魏郡人北魏皇始初攜家南奔居濟陰及在無鹽宋明帝用
爲兗州刺史魏破懸瓠纂守無鹽孤城宋不能救死焉

唐李白隴西成紀人或云生於任城本傳中無考也少年遊齊魯

娶婦於任城生子伯禽女適農人白歿於江東子孫皆在魯代宗時贈右拾遺訪其子女欲使女改適士人女不可皆復其家

張玠鄧州南陽人客居兖州杜甫至兖州省親與之親善及安祿山反玠結客治兵誅賊將定數縣聞祿山陷長安明皇幸蜀諸城多復爲賊守玠遂散客南遊祿山敗口不言功子建封有文武才杜甫有別張十三建封詩云乃吾故人子是也建封以功名顯節度汴徐時韓愈在其幕府吳少誠李師道皆畏之卒贈司徒有侍妾曰關盼盼居燕子樓爲守義而死

蕭子美少貧不自振客齊李邕奇其才先往見之

劉义不知何許人少放肆爲俠行嘗避罪流入齊魯始讀書能爲詩然恃所自負不能俯仰貴人間聞韓愈善接天下士步歸之作山東通志卷一百

雜志

流寓

三

山東印刷公局排印

冰柱雪車二詩出盧仝孟郊右樊宗師獨稱揚之時有求退之作墓誌者有酬金义曰此諛墓之金只可供劉某酒食之用遂挈其金以去後不知所終

五代華溫琪身長七尺少從黃巢爲盜巢敗自顧其狀貌魁偉恐爲人所緝乃投白馬河流數里不死河上人援出之又自經於桑林枝折有田父見之乃匿之於家歲餘濮州刺史朱裕募勇士爲兵溫琪往應之旣而仕梁以戰功遷棣州刺史終鎮國軍節度使高漢筠字時英齊州歷山人曾祖詣爲邑令因家焉少好書傳嘗詣長白山講肆會唐末齊魯交兵朱梁方強乃擲筆往謁焉尋納於軍門出爲衛州牙校晉高祖入洛詔徵入覲遷左驍衛大將軍內客省使天福三年卒於東京長子貞文仕宋爲開封少尹

郭崇韜代州雁門人事唐莊宗官至侍中樞密使同光元年梁晉相拒河上崇韜從莊宗破梁後有平蜀功寓居朝城

李全忠范陽人廣明中爲棣州司馬有蘆生其室一尺三節怪之以問別駕張建建曰蘆茅類生於室公茅土兆也其生三節必傳三世乎後秩滿還鄉事節度李可舉爲牙將可舉卒衆推全忠爲留後遂授節度使果傳三世

宋夏侯嶠字峻極其先幽州人高祖秀爲濟州鉅野鎮遊奕使因家焉幼好學弱冠以詞賦稱太平興國初舉進士眞宗時擢爲江南巡撫使卒年七十二贈兵部尙書有集十五卷

范仲淹字希文其先邠州人後徙蘇州仲淹幼孤隨母適長山朱氏讀書於長白山醴泉寺先名朱說舉進士疏請復姓乃改名仲

山東通志

卷二百

雜志 流寓

四

山東印刷公司排印

淹宋史有傳

胡瑗字翼之泰州海陵人號安定先生與孫復石介同讀書泰山攻苦食淡終夜不寢一坐十年不歸得家書見有平安二字卽投之澗中不拆觀也後遊太學然講解與孫復不合往往兩人相避范仲淹重其學薦之授校書郎改湖州府教授而湖州之學以興孫復字明復平陽人讀書於泰山亦稱泰山人石介師之每出爲捧杖當時學者多宗之稱爲泰山之學富弼歐陽修皆重之年五十乃取杜祁公之女石介作慶厯盛德詩孫復曰介禍始於此矣陳師道字無己彭城人紹聖中以婦翁郭槩知曹州寓曹二年與教官晁无斁多唱和詩

顏岐字仲從呂榮公學呂居仁爲濟陰主簿時蘇仲在曹南嘗

贈居仁詩云念昔從學日同升夫子堂夫子謂榮陽公也居仁歸
留別彝仲云昔日同升夫子堂於今俱是鬢滄浪蓋用贈詩語也
李辛山西樂平人元豐間攜妻閻氏領子寓費之栗村卽今葛峪
村也值歲饑開倉設粥以賑貧人邑人爲立石本村以頌其德今
舍飯臺尙存

段楫天興時居嘉祥子證入元仕濟甯總管

元好問字裕之太原秀容人年十四從陵川郝晉卿學淹貫經傳
百家六年而業成登興定五年進士第官尙書省左司員外郎金
亡不仕元初寓於冠六年爲邑令趙天錫作墓碑有趙莊賦杏花
別冠氏諸詩當時稱北元南陸謂陸游也

元楊奐字煥然乾州奉天人金末舉進士不第乃作萬言策指陳

山東通志

卷一百

雜志

流寓

五

山東印刷公司排印

時病念無可語者未上而歸教授鄉里歲癸巳金元帥崔立以汴
京降元奐微服北渡冠氏師趙壽之延爲上客待以師友之禮東
平嚴實聞其名欲見之奐終不詣太宗召試諸道進士奐試東平
兩中賦論第一耶律楚材奏薦之授河南路徵收課稅所長官兼
廉訪使卒諡文憲著有還山集大興近鑑正統書

張仁義東安州人金末徙家益都以定河南功授管軍元帥賜爵
關內侯

曹安仁字從乂北平人官棲霞縣尹致仕後家於蓬萊

甯秀河間人授朝列大夫同知般陽路總管府事致仕遂家焉

許衡字平仲懷之河內人幼有異資稍長嗜學金末兵亂避居徂
徠山後遷泰安之東館故顏其齋曰魯齋教授弟子必以二帝三

王之道孔孟之學講說以程朱爲宗學者稱魯齋先生爲元代大儒官集賢大學士

張祐覃懷人寓居平原仕至中書省參知政事封上護國清河郡公有墓在陵縣東

孟祺字德卿宿州符離人父仁先寓濟州魯臺後徙東平值嚴實召試生徒祺登上選辟掌書記後授嘉興路總管以疾歸東平至元十八年授浙東按察使不赴卒諡文襄

劉興祖淮西廬州人壬辰年元兵南下驅居鄒平祖父伯叔並罹於難興祖年十六撥拾遺骸權厝一所語人曰余不幸一門殞斃豈不大可痛乎賃身爲酒家傭服役艱瘁積十餘年置爽塏之地一畝以昭穆敍列葬曾祖以下凡六喪人皆感其孝葬之日義而助之不約而集者八十餘人

山東通志

卷二百

雜志

流寓

六

山東印刷公司排印

秦彥良河南汝陽人先世避紅巾賊之亂徙居東阿彥良登順帝至正間進士第授東平路總管府判官軍紀清肅餉儲不匱佐理精勤自守廉介至元末殉難因葬東阿子孫蕃衍後爲巨族

潘毅碭山人徙居嶧州成宗大德間任滕嶧二州牧羌庫使以廉勤稱後有潘昇者隱居不仕樂善好施子孫至明爲巨族多以儒術鄉舉顯世

蔡榮字榮之陝州人遷於嶧榮幼年嗜學業儒及壯從軍屢建奇績授萬戶府軍法曹歷建康路陶金提舉再爲饒州路提督皆以能稱念母老解職歸養克盡孝敬年八十而終預定卒期賦詩別諸族親有八十年來如一夢飄然歸去趁清風之句

吳昇本女直吾古論氏世居臨洮乃以吾作吳因姓吳曾大父吳珍仕金爲滕陽軍判遂家焉昇以孝廉辟薦累官邵武興化二路推官廉明有聲至治元年以朝列大夫泉州路治中致仕

史惟良字顯夫其先亳州人金末避地居鄆惟良由掾吏位至中書左丞集賢院大學士時左丞弄權朝臣莫敢逆之惟良危言正色不爲屈卒抑權奸杜倖門上甚重之爲國老成以壽終

晁顯字顯卿其先衛輝人至元間父望避亂徙鄆顯少有異才由掾吏進身擢兩浙鹽運使以兵部尙書致仕卒謚清獻

潘惟粹字元用其先婺州人祖爲鄆城主簿因家焉有學行仕至翰林學士

徐倚魏平陽侯晃之裔白金貞祐間避地於曹之齊陰家焉

山東通志

卷二百

雜志 流寓

七

山東印刷社印

陳忠字良臣江南龍虎衛人偉貌多力元末爲團練使有防禦功晉職未用而洪武改元忠遂居家隱於城武子孫遂爲城武人

王晉伯魏人博學有聲譽延祐間楚邱士人朱銳建朋樂堂幣聘晉伯主教曹州文教興焉

田鎬鍾陵人寓居景山有學行多所撰述

趙衡正其先考城人因父思祖避兵居萌山遂家焉至元間任本縣教諭學行卓越兩敕濟甯東昌教授著述甚多

張孔孫字夢符其先出遼之烏若部父之純爲東平萬戶府參議因家於汶夜夢孔子廟得賜嘉果已而孫生因丐名於衍聖公遂命今名以文學稱善琴工畫山水竹石尤精騎射

馬之楨漢伏波將軍之裔以功封於滄子孫散居燕薊父希言以

武節將軍兼汶上商酒使愛汶陽風土因家焉至元十七年之積
爲泗汶都漕運副使開運河自須城安山之西南壽張西北行過
東昌由西北至臨清達御河其長凡二百五十里瀕河居民思之
爲立石焉

赤瓊顯忠字遂良其先世居遼之樸速府以功賜姓赤瓊氏父全
由符離簿襲爵爲千夫長金亡走宋因宋將疑忌復舉泗境軍民
歸元辭賞隱於曹顯忠初爲濟甯錄事判官撫民以誠旣爲江南
行臺令史轉閩省廉訪司經歷仕至同知兩浙都轉運使延祐二
年以恩晉忠順大夫濟甯郡伯墓在魚臺大聶村

余潛字普清江西人官平章事入富平籍後避兵於武定之金剛
臺

山東通志

卷二百

雜志

流寓

八

山東通志卷二百

張良弼字思道陝西華陰人爲元將與李思齊擴廓帖木兒並雄
關陝間元亡擴廓兵敗奔於大同明太祖以書諭李思齊舉城降
思道知不濟恥爲降將棄軍脫身獨走間關數千里止滕之王開
村誅茅爲屋闢蓬蒿而耕樂善好施尤敬鬼神之祀人無知其爲
方面大帥者娶劉氏生男五及六世孫守蒙中嘉靖甲辰進士官
長蘆運使

明劉信棗強人從太祖起兵又從成祖以白溝河戰功封武略將
軍武功中衛世襲千戶以居官鄒平遂家焉

王用賢字汝薦宿州人洪武初徙家於嶧少失怙母程氏苦節撫
之及長力學成母志爲名諸生教授生徒多所造就性嚴正嘗因
赴試道獲遺金留一日俟其人還之晚以歲貢入太學除桃源丞

一衣履十餘年不易年踰七十卒門人私謚曰貞介先生

周成鳳陽人從太祖起義以功授指揮世襲子從成祖征虜以功陞山東都指揮世襲因家於濟甯至七代孫文耀封榮祿大夫柱國都督同知

原黼山西陽曲縣人洪武間爲觀城令有惠政擢知交州卒於官遂留家觀城子厚官合肥丞

陳世祚明初由湖廣竟甯徙東昌平山衛以軍功授小旗其裔孫大問以學行顯於明末

陳惟敬浙江歸安人官在平遂家焉其後有陳所職以鄉薦授訓導升永平通判有名於時

端木萃先賢子貢六十四代孫洪武中自汲縣徙曲阜又徙聊城

山東通志

卷二百

雜志

流寓

九

山東印刷公司排印

補諸生善醫施藥濟人壽百有四歲子守忠世其業藥奇效于慎行朱延禧皆爲立傳

傅居敬洪洞人明初徙聊城七世孫良弼官米脂令八世孫學易嘉靖間舉人以德行治於閭里九世孫光宅監察御史

景宏陝西涇州人永樂中以明經官定陶丞有惠政士民懷之卒於官貧不能歸櫬因家焉曾孫芳中成化舉人官慶陽府同知

王佐字良輔福建人徙居嶧宣德間由舉人除榮澤令奉母任所母病思食桃佐禱濟瀆神池中二桃浮出取歸奉母病良已誠孝

所感人豔稱之居官有惠政民爲立石

潘均宣德間自浙江雲和從軍至濟甯家焉傳之曾孫箕中萬厯會副知夏縣勸農桑復流民行社倉民皆頌之

徐天民蘇州人明初撫治河北有功於曹曹人於盤河鎮立祠祀之其子友正由孝廉官禮科給事中以歲饑捐金賑曹曹人奉以配享盤石祠中其孫思學宣德初舉賢良方正授曹縣教諭正統癸亥曹升縣爲州思學升學正因入州籍以國子博士致仕卒祀曹州鄉賢祠

張贊大興人正統間任曹縣主簿寬仁愛民曹升爲州贊與有力因留居焉

張環棗強人景泰中遷陽信占籍正德鄉急公好義制行不苟邑人推重之舉爲鄉飲大賓

成鑰字交明山西太谷人天順初仕濰河稅課大使居官有清操致仕後遂家曹州

山東通志

卷二百

雜志 流寓

十

山東印刷公司排印

陳澄交趾人宣德中授樂陵縣丞九年考滿留居邑中

萬儀字邦正南昌人成化中遊學來兗由兗入曹遂終於曹子俊民愛民因而入籍并有科名遂爲鉅族

李福江西豐城人成化中遷鉅野其曾孫舒芳以科名顯

雪蓑道人杞縣人幼落魄江湖姓蘇名洲嘉靖丙午寓居章邱與李太常開先相友善工琴善草書李太常爲作傳

王虎棗強人遷居陽信家厚於貲常代人完逋賦陽信人至今相傳曰錢糧不完累王虎其裔孫名培者字薦之庠生家居五十年無一字入公門至公事則言之侃侃毫不存私見也

黃登儁順天廩生文行爲一序之冠嘗以鄉試至第三場五策脫稿唯正書未錄者數十行聞催卷嚴急答鄰號兵甚苦戚然掩卷

顧其號兵而歎曰奈何以不可知之名令汝曹遺體酷裂至此耶遂投卷而出自此不復試時闈中已撥解首待其五策不至相與歎息而罷後官興安州判未幾棄去寓居堂邑一意以宋儒爲師承老而彌篤著有管窺集罪言集

葉齊浙江西安人官清平訓導訓迪士子嚴而多所啟發學者皆敬愛之解職後遂家焉

荆先生不知何許人客濟以詩鳴嘗有人持白紈扇偶撲蠅漬血因繪爲紅葉題云醉霜楓葉色鮮紅記得題詩出後宮繞徧御溝尋不見被風吹向月輪中

蔡平字持正江西人官三時學教授客濟善談理趣聽者忘倦年九十餘卒於濟

山東通志 卷二百 雜志 流寓 十一 山東印局

李元吉字虞風彭城人遭河溢徙嶧遂家焉萬厯中授嘉興訓導不赴以父病嘗糞善行極多嶧人稱爲世世德門云

金湯字維垣浙人善鼓琴能詩工書畫書法得顏魯公意居青州州之碑碣多出其手

唐昂江西人恬退樂道客居樂安以孝義著聞

楊茂四川宜賓人解元進士以耳重除萊州府教授遂家焉

李子昌滄州人任膠州訓導從州人楊可久講學遂家焉

溫如玉字白雪常州人僑寓青州遂占籍焉如玉工真草篆隸書尤善刻印章鉤臨法帖知名一時肅府石刻閣帖實出其手至今

傳世

毛楨山西臨汾人本姓王父皋來禹城贅於毛氏生楨從母姓遂

爲禹城人官河南衛經歷子琦孫九思以科第顯

張廷化字君雨浙江龍游人父起望工青囊術廷化隨父遊滕遂家焉少負才學業博奧善書法闖移明祚遂隱微山改名張逸字朱張老遊於閩恣意山水間以病終歸葬微山下

段復化字仲方唐太尉秀實之後僑居范縣喜讀書成進士崇禎壬午冬分守河西誓以死報國數殲賊渠賊怒併力攻城守四十餘日不下及城陷復化手刃數十賊力盡自剄而死其家盡室自焚郡人哀之立廟祀焉

國朝方大猷字歐餘烏程人明崇禎十年進士出楊士聰之門官山東巡撫晚年寓濟上故人有爲山海關總兵者大猷曾監其軍及其人在黔以書招之不肯往久歷河上明於河渠潘檢討未有

山東通志

卷一百

雜志

流寓

十一

山東印書公司印

贈詩極爲推重生平善畫山水工書年八十餘卒歸葬烏程留一子家於濟甯潘侍郎公子兆元其婿也

江世泰字方嶽江南句容人明天啟間卜居泰山之下急公好義每以身濟人之危明末土寇薄城下倉儲空虛守卒枵腹無固志世泰鬻產出粟得三日糧獻於官城賴以存嘗遇賊於途加刃刃折又易之又折賊方驚愕忽一賊至前識之曰此江居士胡可犯也衆聞其名驩呼迎之歸世泰指遠近村落謂賊曰諸君幸貸我若皆吾桑梓可望全乎賊諾之爲引去時不罹兵者千餘家至今呼其地曰江家

趙瑗浙江上虞人嘗至泰山下樂其地因徙家焉至孫國麟國朝康熙丙戌進士官至文淵閣大學士

宋迥字霖蒼遼東瀋陽人崇禎十六年武進士授安徽撫標中軍守備不就甲申之變避地山陽尋隱居濟甯終身不求仕進先是崇禎末_迥友人寄白金二萬兩迥埋之深土中歷二十年屢空不假取游京師遇故掖令劉某問其先人則寄金友也約至家發藏還之封識如故劉初不知感憤稽首願留其半迥不受年六十餘無子絕口不道節義事臨終手製幅巾著之剪紙爲主自署曰明武進士宋迥之位移榻當門南首臥指左側書架趣徙之母妨弔客顧妻黃氏笑曰吾今而後不復支此架矣拱手而逝

姬大明字覽寰山陰人元聖七十四世孫母蚤沒值明季土寇史東明之亂舉家避居沈陽貧甚父邦殿卒扶櫬歸兗州祖塋廬墓三年鄉人敬之爲之築室居之後人稱其地爲孝子宅

山東通志

卷一百

雜志

流寓

十二

山東印刷公司排印

趙之柱字天擎會稽人順治初選拔知建甯縣以恩信撫民民慶更生時有巨寇甯婁負險自恃長吏不能治之柱屏騎從獨往招撫之婁爲感泣卽降兵燹後城郭邱墟之柱創立新城界畫布置出納維均民不知有趨事之勞後致仕卜居家於泰山下有子曰煜字維斗子孫遂爲泰安州人

戴聖聰字無聰先世爲山陽龍氏明初有爲後於外家登州戴氏者遂冒其姓世襲千戶永樂時遷遼之蓋州衛父復魁以三科武舉官塔山都司僉書聖聰年十三補弟子員明季播越南遷

國初以貢生選太平府通判官至淮徐道江南按察司副使所在有政績晚年致仕往來歷城濟甯間年八十卒子四璠康熙丙辰進士兵科給事中琳以濟甯籍中康熙乙卯舉人琪廩生坤歲貢

楊陞字靖公涿州人順治戊子舉人官中書擢兵部郎中會試同
考官所取多知名士歷廣東參政丁父憂扶櫬至濟甯遂家焉
李楨字玉菴本姓謝武進人年十一而孤從母育於外氏遂姓李
康熙初以能書授雲南教授棄而歸卜居濟甯題其居曰停鴻新
館自號東山逸人急人之危惟恐弗及爲文章立就工書法居州
三十年卒葬城北其壻劉淇爲題墓碣淇亦流寓汶之兄也
常志岷字石巖山西人順治間爲冠縣丞陞直隸雞澤知縣循聲
卓著解組歸於冠遂家焉總理修冠縣城工竣又與邑令錢霞增
修縣志太守旌其門額曰循良著美

董天裕字星侯涿州人順治時以征海州有功官浙江紹興營守
備加都司銜於康熙四十年徙居東阿張秋鎮及卒葬銀山南其
山東通志 卷一百 雜志 流寓 十四 山東印務局印

子文偉岳鍾琪愛其才薦擢南康知府有政聲

江天嶼字山民淮陰人遊岱下遂家焉與學博孔貞瑄郡人趙瑗
張坦諸耆宿往來石堂與祖珍和尚結社詩酒徜徉號八散人性
喜梅作梅花七律一百二十首

曹淑玉字荆璞山西人其父賈於清平遂家焉少穎悟讀書攻苦
屢困童子試乃棄而肄武有膂力善弓矢刀槊馳馬中順治十四
年武解元十五年進士官至直隸總兵

朱素菴朱西槐俱江西人軼其名以字行素菴爲前明廢藩世子
性峻行端氣度偉岸學亦淹雅人咸重之居樂陵許公祠側西槐
亦明裔知書能詩

朱正誼字明甫順天庠生善岐黃術多神效順治間來陽信行醫

言行篤實士大夫樂與之遊傳經教授子孫遂家焉

陳陞字以崇福建長樂人父焮名諸生慷慨有奇節陞生三歲父棄衣巾遨遊不返陞長聞里人有自北歸者云在濟甯遂零丁擔登就道訪之至濟不得或給之曰天井牖廟中有南人柩不知是
否及至無有痛哭失聲羣聚而觀叩其故有與焮相識者遂得之父無歸意因家焉康熙壬辰年六十八卒與父並葬於城東仙昇營子二廷璠廷璵

雷亨坤字伊蒿陝西人父焯爲嶧縣丞因家焉幼苦學家貧冬乏衾茵寒不成寐起走繞几誦讀不輟康熙丙午舉人歷章邱臨清教諭學正士咸樂其指授著有艾悔詩稿

劉汶字魯田其先確山人父毓秀以亂徙遼左從何姓順治十一

山東通志

卷二百

雜志 流寓

十五

山東印局

年副榜撫川陝有功歸至濟甯卒留葬遂家焉汶性至孝才敏善悟康熙二十六年以復州衛籍中山東鄉試因御史言汶宜隸漢軍遂入旗籍得復姓居濟甯守墳墓

梅懌字芬遠長州木瀆人父鼎客濟甯三十年懌入東阿籍爲諸生與劉淇黃以永結南池社有歲寒唱和詞著有見堯堂集

鄭元慶號芷畦歸安人遊幕濟甯嘗爲河道傅澤洪撰行水金鑑著有七省漕程記小谷口薈蕞顏魯公石柱記湖州府志爲朱彝尊胡渭所稱

魏學徵號蒼石江南溧陽人避寇遊濟甯康熙六年進士博學工詩善書與王阮亭田山疆顏修來友善由中書督軍儲有功官杭州知府有政聲暇時招諸生與之講學不可干以私或有見之者

曰某將有求正色曰說一求字士風下矣其人出文於袖曰求正也於是欣然受之後升監司不就謝病歸年七十卒著有西湖和蘇詩杜詩評注駁正錢箋石屋詩鈔其餘著述尙多皆散佚杜詩評注墨迹存十之六七濟甯人共寶之子二長子彪棗強知縣攜其櫬南歸次冠侯選州同知因家於濟甯

李溫皋字和公故知州順昌子康熙二十年副貢官甯陽知縣有政聲致仕家於濟甯子模字霞城四十五年拔貢以孝稱模子文炯字明遠康熙五十三年中順天籍舉人授雲南楚雄知州雍正五年以討烏思藏阿而巴從軍有功擢知西隆州革陋規興文教士民頌之陞泗城同知卒於官著有西藏行程記一卷

金相字玉其徽州人祖商於魚臺因居之相少時美丰姿聰穎過人操行峻潔康熙甲寅以明經任夏津訓導方正自持多士奉爲規範

山東通志

卷二百

雜志 流寓

十六

山東通志公同製印

王天慶字憲卿晉江人弱冠見知李相國光地康熙五十年應試京兆徐葆光得其卷大奇之薦而未售乃棄舉業循例爲府同知被議復官歷東鹿容城新樂慶雲等縣官東鹿時滹沱河決不待請先發粟賑災區親畚鍤築至今賴之凡所蒞之處盜賊屏息獄無冤民歷任三十年家無長物僑寓於濟甯卒年七十七有帶山堂文集春江詩集十卷白胡蝶詩一卷登岱記恩詩一卷子蒲璧字君錫乾隆四年以州同效力浙江海塘後改江南河工河決自募人瘞暴骨任銅山丞查辦災賑民頌其德歷任皆有勞績以病告歸生平急人之急嘗焚千券轉助之卒年六十三子繩祖等兄

弟八人入濟甯籍鄉舉者四人諸生二人

王天祐字吉臣會稽人性倜儻不事產業素習易學兼通武畧遂岐黃術名譽籍甚初父紹琦於順治間官陝西涇州功曹隨父任兩入泮及父調魏博進縣令致仕歸卒天祐奉二母居冠縣占大名籍中康熙戊子武舉醫術濟人供母甘旨二母卒於冠遂家焉邑令陳珣爲之立傳

劉峻字德明浙江長興諸生能詩遊歷城遂家焉

王天馴號松崖雲南大姚諸生能詩遊歷城遂家焉

趙植文字端書浙江人寄居歷城入禹城籍爲諸生有晚香亭詩李言字孔彰父含露官於濟甯遂家焉言以廕授武城知縣禮士愛民授東昌通判陞淮安府同知再擢刑部員外郎出爲河南河

山東通志

卷二百

雜志

流寓

十七

山東通志公認排印

道致仕著有思補集

吳紘字映山江南青陽人父官陽穀主簿生紘於濟甯因家焉入籍爲州學生有遺詩一卷自號九華逋客

戴鑑號石坪其先三韓人自其祖以旗籍來濟甯遂家焉鑑性雅翰墨外無他嗜好晚年惟以詩畫自娛詩境精深雅健畫山水簡逸有法著有澹墨軒詩詞稿

徐吉號可亭淳安人四歲而孤性孝友母教嚴跪而聽命弟體弱同食以精美讓弟姊寡迎於家撫二甥歲饑吉以女歸胡氏曰女有可歸甥無可歸也吉本名諸生爲怨家所陷徙濟甯州母喪吉旋以疾卒

賀成龍字御天江南上元縣人雍正間由大興籍官陽穀縣荆門

水驛驛丞乾隆七年裁驛丞缺遂占籍東阿之炭市村清廉自矢不卑小官在任時凡有利於地方者無不竭誠效職解組後士民相習往來酬酢一如親故

惠世溥永平人父延祖靈夏東路花馬池副將世有襲職遷家城武世溥屢立戰功承襲二等阿達哈哈官左江鎮總兵乾隆三十八年隨將軍溫福勦全州三戰三捷番囚乞降夜半降囚叛世溥死之 賜其子世襲雲騎尉

楚裳號百泉其先鐵嶺人因官濟甯遂家焉裳幼通經史長於古文詩詞博達羣藝凡陰陽占候醫方書算繪畫音樂之事無不精曉性和易暮年家貧以筆墨自給畫山水入神品無子有養子曰平林乾隆五十一年裳卒未幾平林亦卒歷城尹中丞濟源幼時裳見之卽期以遠大留就學撫之如子裳卒五十年濟源爲封土勒石焉

孫瑞齡字紀堂安徽太平人道光丙戌進士由主事出爲河南同知罷官寄居鄒縣咸豐庚申教匪煽亂邑令林士琦欲加以兵瑞齡謂從教皆愚民當先諭以禍福乃親率紳耆往諭之賊不悟遂勦捕賊銜之辛酉因亂賊執而支解之

蕭九湘字芷南永城廩生成豐六年避亂寓曹縣教讀同治甲子中河南鄉試舉人精於卜筮襟期灑落不爲境遇所累

仙釋

秦安期生居琅邪賣藥海上始皇求見之與語三日而去後千歲居於蓬萊山下廣州有菖蒲澗是所餌也

漢武帝東巡見老翁鉏於道旁頭上白光高數尺怪而問之對曰
臣年八十五時衰老垂死遇有道者教臣絕穀但服朮飲水並作
神枕法臣行之以轉老爲少黑髮更生齒落復出今百八十歲矣
帝受其方賜玉帛其人後入泰山每十年五年時還鄉里三百餘
年乃不復還

武帝時東郡獻短人上呼東方朔至短人因指朔語上曰西王母
種桃三千歲著子此兒不良已三偷之矣風俗通云東方朔太白
星精黃帝時爲風后堯時爲務成子周時爲老聃在越爲范蠡在
齊爲鳴夷子皮神聖能興霸王之業變化無常故世人以仙自之
李少君臨淄人學於安期生得神丹爐火之方見武帝云丹砂可
成黃金丹成服之升仙帝有故銅器少君曰昔齊桓公嘗陳此器
山東通志 卷二百 雜志 仙釋 十九 山東印公司排印

於寢庭臣尙見之帝驗其刻果然因知少君已數百歲矣嘗謂帝
曰陛下不能去驕奢遠聲色殺伐不止喜怒不除神丹大道未可
得成乃以藥方與帝便稱疾是夜帝夢與少君俱上嵩山有使者
乘龍持節雲中來言太乙請少君消息且往視之並使人受其方
事未竟而卒及殮失尸所在

稷邱君泰山下道士漢武帝東巡泰山嘗擁琴來拜名在列仙傳
崔文子秦黃山山人好黃老術潛居山下作丸賣藥有疫氣投藥
卽愈

孔安國魯人嘗行氣服鉛丹三百歲色如童子隱潛山中弟子隨
之數百人每斷穀入室一年半復出益少其不入室時則飲食如
常與世人無異見神仙傳非經師孔安國也

馬明生臨淄人姓和字君實少爲賊傷殆死忽遇一女子乃太真夫人也與藥一丸服訖卽愈自號馬明生隨夫人入岱山石室試以鬼怪虎狼不懼挑以美女不動夫人曰可教有安期生至夫人以明生付之以詩留別而去後得安期生丹經神方入華陰山修煉靈帝時太傅胡廣訪以國事俱驗後餌金丹飛昇

王和平北海人性好道術濟南孫邕事之從至京師和平病卒邕葬之東陶書卷藥囊悉以從後弟子夏榮言其尸解邕始恨不取其寶書仙藥

王遠東海人字方平舉孝廉歷官中散大夫後棄官入山修道旣成桓帝屢徵不起俾郡國徧載至京閉口不語乃題四百餘字於宮門皆言方來事削去復見後還鄉居太守陳耽家四十餘年舉

山東通志

卷二百

雜志 仙釋

二十

山東通志卷二百

家無恙一日忽語耽曰吾期運當去耽知其化具棺衾殮之忽失其尸衣冠不動若蟬蛻然至唐時王方平與麻姑降蔡經家顏魯公麻姑仙壇記言之甚詳亦云王遠字方平也

薊子訓建安中客濟陰有百歲翁言兒時見子訓賣藥會稽市其後有人於長安見子訓與一老翁共摩挲銅人相謂曰適見鑄此已五百歲矣

于吉琅邪人精苦修道忽得痼疾晨夕告天誠感老君令仙翁授吉經曰非但愈疾當得長生化行天下吉得之疾遂除凡消災治病無不驗者後老君數降親授其旨孫策平江東將士多病請吉嚙水輒瘥天大旱策縛吉暴日中卽大雨策惡其惑衆殺之俄失其尸周旋人間又百餘年仙去

晉賀欒在平人仕晉爲水部郎與葛稚川相友善授導引之術辭官歸鄉人稱爲賀欒先生一夕仙去後有人見其在東蒙山煉丹因名其鄉曰賀欒店

羊權字道輿泰山人羊忱少子居茅山得道晉穆帝昇平三年有九疑山仙女羅郁降權丹室贈權浣布巾金玉條脫各一枚移時而去

魏夫人晉司徒魏舒女也名華存字賢安少好道味真耽元欲求沖舉服胡麻散茯苓丸吐納氣液攝生頤靜常欲別居閒處父母不許年二十四適南陽劉文靜字幼彥生二子曰璞曰瑕夫人必期幽靈精誠彌篤二子粗立乃隔離室宇齋於別寢時二月忽有清虛真人王君與羣仙來降授以太上室文等經文靜物故二子

山東通志

卷二百

雜志 仙釋

二十一

山東印刷公司印

既成立夫人因得冥心齋潔累感真靈凡住世八十二年成帝咸和九年王君復與東華青童來與夫人成藥兩劑服之七日太乙元仙遣飈車來迎夫人乃托劍化形而去徑入洛陽山中十六年顏如少女於是龜山九虛太真金母金闕聖君南極元君共迎夫人白日昇天授以金札玉文位爲紫虛元君領上真司命南嶽夫人使治天台大霍山洞唐蔡偉後仙傳見太平廣記

吳猛濮陽人仕吳爲西安令得異人丁義神方遂以道術大行於時嘗見暴風大作書符置屋上有二青鳥銜去風卽止或問其故曰南湖有舟遇此風遣二道士急救之驗之果然宋政和中封神烈真君

盧童子黃縣人幼有至性九歲離俗居於縣西南蘆山辟穀食茯苓

苓後騎白鶴昇仙唐封號沖禧真君

石垣字洪孫北海劇人居無定所不娶妻妾不營產業衣食粗備人或有遺受而施人路無遠近時無寒暑必在其中或同日共見張忠字巨和中山人永嘉之亂隱於泰山清虛服氣食芝餌石勸教人以至道虛無爲宗苻堅遣使徵之至長安請以野服入覲乞還餘齒歸死岱宗堅以安車送之行達華山歎曰我東嶽道士歿於西嶽命也奈何行五十里及關而死諡曰安道先生

高唐縣鳴石山巖高百餘仞以物叩巖石聲音清越晉太康中有逸士田宣隱於巖下常拊石自娛每見一人著白單衣徘徊於巖上及曉方去宣後令人擊石於巖上潛伺之俄然果來因遽執其袂以詰之自言姓王名中倫衛人周宣王時入少室山學道比經山東通志

卷一百

雜志

仙釋

二十一

山東印刷公司 排印

此愛此石響故輒留聽宣乃求其養生之術惟留一石如雀卵而去宣得石含之輒百日不飢

長白山相傳古肅然山也峴南有鐘鳴慕容燕世桑門有釋惠霄者自廣固至峴聽鐘聲稍前忽見一寺門宇炳煥遂求中食見一沙彌摘一桃與之須臾又與一桃語之曰至此已淹留可去矣霄出迴顧則無寺至廣固見弟子云去已二年始悟二桃兆二年也金榆山在盧縣東昔朗公法師令弟子至山採榆莢至瑕邱市易榆莢皆化爲金錢故名金榆山

唐李清北海人少學道多延方士終無所遇求之愈切隋開皇四年嘗入雲門山窟遇老人授以書一軸甫半日歸視其城郭人民屋室皆變無一相識者訪其家則子孫輩皆云其祖嘗入南山不

知所終時則唐高宗永徽元年矣開所授書視之乃小兒醫方療之無不效者於是齊魯之人從之學者甚衆後入泰山不出

王遠知琅邪人母晝夢鳳集其身因有娠既生少年警悟陶弘景傳其術爲道士隋煬帝作玉清玄壇以處之武德中秦王與房玄齡微服過其處遠知迎語曰中有聖人非王乎貞觀九年詔潤州卽茆山爲觀俾居之後高宗追諡升元先生

明淨高密人少出家後南遊天台貞觀三年早召淨至京祈雨大獲甘霖乃度僧三千以酬之後還義勝寺莫知所終

徐則鄆城人幼沈靜寡欲隋開皇中受業於周弘正精於議論懷棲隱之操入縉雲山常服巾褐又入天台因絕穀養性所食惟松子而已後尸解

山東通志

卷二百

雜志 仙釋

二十三

山東通志卷二百

董京威卽衡陽董煉師也李白嘗有贈詩在蒙陰山修道

張煉師居泰山修道劉禹錫贈以詩云東嶽真人張煉師高情雅淡世間稀堪爲烈女書青簡久侍元君往紫微金縷機中拋錦字玉清壇上著霓衣雲衢不用吹簫伴祇擬乘鸞獨自歸

普和蒙陰人姓李氏自童穉爲僧頗異於衆及長有戒行邑之西北堂阜社有毒蛇行人病之和挺身而前以手指之口念唵字者三蛇不能害卽歸穴其患遂除年六十餘趺坐而逝鄉人立祠堂祀之

宋眞宗東封有人謁於道左曰晉水部員外郎賀鑠再拜而去蘇軾詩曰舊聞父老晉郎官已作飛騰變化看問到東蒙有居處願供菽水看燒丹

劉野夫青州人居東都嘗約龔德莊曰君家人夕必出我往見君至晚德莊坐待不至俄火自門起德莊犯烈燄而出四榜皆燼異日野夫來曰君家人幸出可賀也陳瑩中深重之政和間寓興國寺人計其壽一百四十五歲矣

善道臨淄人入大藏手探經卷得無量壽佛經及往廬山觀遠公遺蹟豁然增思後遁迹終南山復往晉陽從綽禪師授經入定七日報綽曰師當懺悔三罪綽乃洗心悔過謝道行化京師忽曰我明日當歸去次日怡然誦佛而逝

徐問真濰縣人有道術與歐陽修善一日求去使人送之有鐵冠丈者長八尺餘俟於道旁以瓢覆酒於掌中以飲提笥童子遣回不知何往

山東通志 卷二百

雜志 仙釋

一二十四

山東印刷公司排印

樂正子長卽墨人嘗遇仙於菴山授巨勝赤散方告以此藥蛇服之化龍人服之長生子長服之年逾百八十歲而猶童顏登嶗山而去人莫知所終

回回翁宋天聖戊寅三月二十一日有仙題王母池詩云昔日曾遊此於今九十春紅塵多少客誰是識予人署其後曰回回翁政和丙申六月十八日復題詩云昔年留字識曾來事滿華夷徧九垓無賴蛟虬知我字故留蹤跡不沈埋署其後曰回公再書岱史以爲呂岳且云觀此則純陽子三至泰山矣

文登村民黃旦未嘗學奕幼一見卽能之既長挾藝遊行無與敵者呂辯老在平原旦往依之留於外館主簿閻邱天用好奕品頗高每以暇日詣酒局與決勝負未嘗相舍會恩州舉場起天用考

試旦從之行夜宿旅驛幾忘寢寐迨入場旦死於貢院天用爲買棺殮葬而以書告呂呂失聲歎息後數日客從京師來持旦與呂書考其日時乃在既死之後天用猶未開院既出得報絕驚異發其櫬則空棺矣

黃縣宗立本爲行商無子紹興間與妻販縑帛往昌樂途遇小兒可六七歲遮拜語言猥利問所來曰我昌樂縣公吏之子立本撫之曰肯從我乎兒拜泣願從遂收育之名爲神授兒性警敏能作大字篆隸草書立本棄舊業攜兒遠遊使習路岐體態以自給後二年至章邱遇一胡僧顧小兒謂立本曰爾何處拾來立本曰吾妻實生之僧笑曰是吾五臺山五百小龍之一也失之三歲方尋見之久留當爲爾大禍吾已密施法禁彼亦無復肆其虐矣於是

山東通志

卷一百

雜志 仙釋

二十五

山東印刷公司排印

索水噴噴立化爲小朱蛇盤旋於地僧執淨瓶呼神授名蛇即躍入其中淮東鈴轄王易之親觀其異

知永有戒行日誦佛經僧衆推爲法師陽信城南十里有大蛇當道行人患之永以手按蛇口念神咒蛇卽隨風飛去

靳八公長清縣靳莊人家貧市酒純陽真人屢至其家飲酒八公出醕釀飲之未嘗有厭意一日復至稱有篤疾臥於其家痰涎嘔噦索食麪湯時值家無麪真人遂於葫蘆中取麪付之爲湯食畢嘔餒餘八公食之遂登東山作草書十字人不能辨世傳以爲號咷歸別處結綵便飛雲同八公飛昇而去

劉下功字子民濱州人生之日有祥雲護屋上長遇異人授之以法遂修真勵行政和六年賜號高尚真人

賈文號曰成公臨沂人自幼深參道教政和間嘗遇呂純陽與之遊自後能作詞章深知禍福上召見賜以紫衣而歸尋訪神遊之處乃得龜蒙之陽建殿宇聚徒衆年七十四忽一日雲鶴集於庭除乃仙化今有祠在蒙山玉虛觀

趙堂曹州人隱居於廣東之番禺縣與汴京景德寺異僧曰志言人傳堂與志言數以偈頌相寄酬答萬里間輒數日而達堂死值盛夏其尸不壞

甄棲真字道淵單父人舉進士不第遂志道以自樂初訪道於牢山華蓋先生久之因入建隆觀爲道士後遇許元陽授煉形養元訣行之二三年漸返童顏攀高躋危輕若飛舉乾興元年秋謂其徒曰今歲之暮吾當逝矣卽宮西北隅自斃殯室室成不食後月餘衣紙衣臥磚塔卒及久形如生衆始驚傳以爲尸解號曰神光子嘗與海蟾子以詩往還有養生祕術曰還金篇

魏二翁濮州雷澤人遇異人得道手持蒲箑時語人禍福里閭重之或製纊奉以禦寒盜夕至欲竊之二翁呼其名曰爾欲竊我纊乎盜驚愕謝而去徽宗聞其名遣使起之至其廬但聞鼻息齟齬如雷不見其形影惟得頌武夷一章以歸宣和初尸解

麻姑或云建昌人修道於牟山東南姑餘山政和中封真人夷堅志云劉氏鯉堂前有大槐忽夢一女官自稱麻姑乞此樹修廟劉漫許之既寤異其事後數日風雷大作失槐所在卽詣麻姑廟槐已臥其前矣重和初賜額曰顯異

禪鑑大師登州人姓王氏法諱文山幼年出俗投延洪院傳大乘

戒修恆誦法華開演京府無不奉承徽宗每宣入內對御講經賜紫金衣加號禪鑑大師

曉初登州人辛山白雲資慶禪院有維那僧曉初善奉佛嘗供養眞武專誠勤恪院鄰海島有邵武軍周應等百餘人時出劫殺人一日周應等欲入院劫奪其夜曉初得夢有驚卽發人告報巡司具兵甲到院設伏周應等百餘人果至俱被擒捉不遺一人詔特賜眞吾院賜曉初紫衣號眞應大師

金郭志空字超然章邱人號長春眞人嘗遇異人祕傳眞法遂長坐不臥善運氣或化爲靈風而通透關節或化爲玉液而漑漑骨髓神幻變化非止一端聞於朝賜金冠錦服

李笑濟南人寓臨安嘗詣淨慈寺見青衣道人林下斷筍揖之道人曰子來同食燒筍食之甚美道人忽不見笑頓覺身輕神逸行步如飛不復飲食後入蜀隱青城山乘雲而起

安山主教亨字虛明任城人先是有汴僧福安居任城寶相寺倚樹而化亨其後身也人皆呼爲安山主年十三受戒具師事鄭州普照寶和尚苦行有年一日於雲堂聞打板聲霍然證入遂呈偈曰日月面流星閃電若更遲疑面門著箭咄寶公深契之後出世五坐道場詔往慶壽寺復主少林法席金興定三年己卯寂逝闍維時焰如蓮花目睛不壞兒時圓珠隱額至是爍然飛去劉志堅蒲臺人幼年入道戒行甚嚴號江月子恩賜金欄紫衣號洞眞大師

鹿皮翁淄川人少精木工山上有神泉人不能至翁於泉上作轉

輪懸閣又於山頂作寺舍止其旁七十年一日下山呼宗族六十餘人登其山俄而溜水暴漲盡漂一郡登山者皆得免後賣藥於市久之不知所終

汪仙翁不知何處人大定間有異人來遊單父與慧冲上人作友自云汪姓居無何發狂奔墮城南井中急往救之已死遂葬城南後於汴京託任洪寄書曰汪先生致意慧冲書果親筆因發壙視之乃空棺相傳云呂仙易姓也

蓋時敏字志學號西村臨清人金末兵亂人多逃竄時敏生逾月父母逃急嘯不止棄之東郭外草中兵退十九日母涕泣往尋見有兔乳之草驚兔走身覆木葉神色明潤口中尙有乳汁乃抱之歸及長以積善爲務好施與年老猶如童顏一日無疾召集親朋

山東通志

卷一百

雜志 仙釋

二十八

山東印務公司印

攝衣冠危坐取筆書偈云七十五年人間住強認臨清是故鄉來亦不知何處來去亦不知何處去回首之時一事無但留三尺西村墓子孫必欲問行蹤萬里春風獨自步揮舉端坐而逝葬之日羣鶴百餘盤唳其上旣窆始散

張信真號希逸子樂安人世以農桑爲業其母夜夢一馭鶴仙人現空中遂感而有娠誕三月母亡六歲喜讀書聰悟過人泰和初年十五從父參禮大通爲師戒行精嚴祛邪治疾大有靈驗後於天長觀問天師授正一明威祕錄賜號真人

重陽子陝西盩厔人大定中東遊海上往來東牟之間嘗棲息登州府城南修真觀城中有雷橋高峻難登重陽子語人曰此橋逢何必壞衆意謂河水冲蕩也大定二年何彥邦守郡惡其不便改

毀更造之

馬丹陽初名從義後改名鉅字元寶陝西扶風人漢伏波將軍馬援後也先世因五代兵亂徙居甯海弱冠能詩性奇特不凡舉進士大定間遇重陽子教以仙術專務清淨後遊關東回道經芝陽山嘉其山形峻峭石洞清幽遂環堵爲修煉之所因遊萊陽遊仙宮羽化其內加號丹陽順化真人

王玉陽名處一東牟人大定間侍重陽子居崑崙山煙霞洞修仙重陽子授以道法三十有六其事俱戴顯異錄中

郝廣甯名大通甯海人與重陽子修養於崑崙山羽化於先天觀內今有墓存

譚長名玉又名處端甯海人遇重陽子度化與馬丹陽等俱以次

山東通志

卷一百

雜志 仙釋

二十九

山東印刷公司排印

得修真顯異於世

希公戒師俗姓張福山人阜昌間住持崩勞寺志行純潔聰明英邁遠近咸重焉

行全清河大姓方氏子也生有宿慧長通戒律於恩州廣教院創刻宗門碧巖經律文字往來東高山中結茅天勝砦上默究無生究州節度左副元帥張進興葺布金山之大雲寺請主持焉弟子德友錄其機緣契證之語甚多晚年復還鄉井時稱其來如著衫去如脫蹤云

德友姓王氏元雙邨人避地泰山天勝砦時恩州律師全公先在此因往炷香卽於獅子峯下抱節育道或三日一飧或五日一飯若此者三稔聞鴉鳴而悟曰從今後更疑著天下老和尚鼻孔也

元李堅號麻衣先生居長清抱道潛真醉歌自娛常以妙藥濟人或預告人吉凶無不應者年逾百歲一日過石澗店指叢木之側曰某日我葬此也後其日果化去

張志純號天倪子泰安人六歲能誦五經十二歲入道門不數年遂得真煉賜號崇真保德大師升化之日乃自誦偈曰脫下娘生皮袋此際樂然輕快百尺竿頭進步蓬萊洞府去來前世宿得醫僧今作道門小才

海印泰安人居鄒縣大明禪院幼悟道嘗夢異僧指示一日呼弟子謂曰吾幻身不堅非久住世親書偈畢端坐而化三日慈容如生有紫氣光明貫天

李志常字浩然觀城人母聶氏夜夢神人授以玉兒覺而有娠及

山東通志

卷一百

雜志 仙釋

三十

山東通志卷一百

誕瑞光照室異香遠聞長從離峯道人遊次海濱參長春真人修煉世祖召至大都命爲大濟度宗師住長春觀一日忽召大衆付後事端坐而化有五色雲現空中

廣恩和尚本順德路沼水賈氏子夙有佛慧元初祝髮爲開元寺僧早得師承遊歷名山重爲參訪者數年戒行圓潔後因遊方至臨清遂居焉兵馬大元帥路通與之談禪敬信之建淨土寺元主贈祖師護國興理大師賈法宗大菩薩

周真人黃縣人年十五有道術往投師於陸翁澗陸翁逐之乃獨居澗側有虎伏於洞口陸翁知之乃拜之爲師

妙靖真人洞春居任城之極真觀俗姓田肥城農家女歸同村孫氏自合豈其家數多妖佛甯以新婦不利逐之無所適距村十數

里有槐如握橫生澗脅臨不測之淵妙靖居其上數月風雨不及
虎狼蛇蝮不能逼嘗竈隱於民家凡八年不言不笑汲水執爨無
不爲惟日啖棗數枚而已首未嘗櫛沐髮上叢合高尺餘其端旋
結如雲人因目爲髮冠仙師云元世祖召至京師見便殿厚賜遺
之厥後每言人休咎若出無心往往奇中有圖其像而祀之者揚
州富人劉伯淵爲築室任城西南名極真觀其得道由天授自號
洞春有司上其道行朝廷易其觀曰極真萬壽宮封悟元參化妙
靖真人命下而卒年八十五延祐某年月日也其高弟子曰陳志
海據張養浩集

明海上老人不知其姓字髮如銀絲顏如渥赭雙目澄澈左手常
握而不開日食生果三枚水一勺而已洪武壬午過濟南永樂間
山東通志卷二百

雜志 仙釋

三十一

山東印刷公司印

復至成化乙巳濟南衛指揮朱顯奏聞賜名王士能
侯谷神沂州人字道正貌古形臞慕神仙黃白之術一日有鶉衣
道士入觀中少語問袖中出丸藥一粒賜谷神啖之得年八十有
五羽化之日時值盛暑沐浴罷別諸弟子枕肱而逝月餘尸不腐
史老嘉祥人宣德間修道焦城之牛山小洞中有大蛇護洞口山
下平疇數頃募人種粟收穫洞內每逢雨雪取飼羣鳥一日下山
謂人曰吾爲某醫牛去去不返後有人見於太和山中旋失去不
知所之今山下田猶名史老灣

吳守一蘭陵人早爲黃冠師後從淵然劉真人授以煉度祕術入
琅邪神峯山之陽棲霞避穀有年忽有道士入菴與語須臾袖中
出茶一包遂烹與共啜出戶少頃道士不見年逾九十鶴髮童顏

羽化之夕奇香滿室

任風子范縣人狀貌奇異少孤爲酒家傭遇異人授以仙術修煉於安平鎮之眞武廟經旬不食雖隆冬單衣行乞於市氣體完粹雙目炯然言休咎皆應弘治甲子冬端坐而逝後有人見之於遼陽蓋尸解也

張三丰永樂間隱於青州雲門山之陽修煉洞中太宗賜號三丰後莫知所終今青州山有張仙洞

黃一峯即墨人永樂間居高眞觀祈禱有靈詔封清徽高士楊一正卽墨人於山中得異書每遇旱請禱者不令置壇但書霹靂二字於役人手中令其急握開之卽雷轟雨沛所刻之期未有爽者嘗與友人同行遇雨數里不少沾濡人呼之爲楊童子

山東通志

卷二百

雜志 仙釋

三十一

山東印刷公司排印

范道人者德州人居衛河西琵琶村生於明嘉靖三十年辛亥程工部正夫先貞以康熙庚戌見之年一百二十歲矣起居如平時五官之用未嘗少衰平生不知服食修養之術少貧不娶事母最孝謹入九子祠爲香火道人祠有祭田數畝躬耕而食何思何慮與人一無所忤正夫贈以詩云頗聞愛日依慈母直數生平到肅臯業做逍遙遊廣莫身餘渾沌屬中央淄川高念東侍郎珩亦嘗訪之

遠塵子許樹勛字伯捷萬曆時州學武生好道常行歌于市人不識也所居室懸一聯云在家出家居塵遠塵自號遠塵子遁蹟東海之清峯一日忽歸徧辭鄉黨謂家人曰殮必以素所雲遊衣或恐不潔易之三日樹勛忽至家索故衣亟爲焚之衣着火卽飛去

後有自青峯來者云許常來往山中始知其尸解云著有睜眼夢記許氏譜

張道人不知何處人自言姓張來往勞山上清宮貌如少壯而歷敍所經皆百年以上事人未之信一日募修東嶽廟需石灰數千勛急切不能辦張募之於某嫠婦家婦以貧辭曰汝家門前槐樹旁有灰三千勛發之果然人問之曰渠先祖建樓所餘吾見之其家不知也後莫知所終

華樓宮道士失其名形容怪醜執樵蘇之役高密張生假館菴中甚輕之一日爲其徒說易道士窗外呼曰君所述皆俗說張生輟講叩之所談名理皆出人意表生師之受其學以說易擅於東方齊道人壽光人來勞山藍縷蓬跣日啖糠粃一撮一冬忽有老尼山東通志

卷一百

雜志 仙釋

三十三

山東印刷公司排印

年九十餘若將凍死狀求寄宿道人卽呼與處略無嫌忌尼屢顯異迹後不知所往一日道人亦失所在衆覓之得其衲履於八仙墩上墩之下汪洋巨溟更無從迹之人皆以爲道人之水解也

劉仙姑名貞潔字恆清世居卽墨馬山東麓生九歲始能言年十五日未知書忽面壁斷息而坐遂契道要擗管摛詞神悟玄解兼二門勝義神宗以慈聖太后教乘傳詣京師爲鏤其體原豁悟等經凡八部賜號慧覺禪師巾袍道裝人亦以仙姑稱之光廟後知世運將季歸於城內年愈高問道者愈衆凡所指授三教名宿皆歎爲希聞年七十一預示寂期至寂白氣起菴中城中人皆見之乃知其蛻解也

風僧不知何許人萬曆初來居卽墨海島中數年不出一語久之

大笑狂歌竟日時值嚴寒常浴於海出浴則熱氣蒸騰或時登山巔自擲澗棘中皮膚不少損每出遊羣兒從之問以禍福則戲謔不可解而後皆響應三十餘年形容如初來時未嘗少異一夕端坐而化邑人稱爲風師

僧德清字憨山南京報恩寺僧幼多宿慧習舉子業經書子史入目能通尤喜詞賦然非其志入空門專心參究遂明宗旨縱觀天下名山至勞山太清宮止焉宮故道院羽流窘舉地售之清走京師奏請內應供奉於是出旃檀佛暨大部藏經畀之建梵刹曰海印寺道士耿義蘭出怨言詣京上變告清成雷州及赦還復理曹溪匡廬卒年七十八沐浴端坐曰今日斬斷藤葛矣

僧自華四川奉節人俗姓談母夢吞藥丸而生七歲出家於妙蓮

山東通志

卷二百

雜志 仙釋

三十四

山東印刷公司排印

寺徧憇天下名山晚棲於勞山西蓮臺傳戒六年一日忽端坐說偈曰頗耐這箇皮袋終身惟坐患害撒手拋向塵沙一輪明月西邁遂化去

一菴懷來人元末卓錫平度大澤山中從者日衆禪行甚高能前知預作偈曰生本無生滅本無滅太空浮雲紅爐點雪

蓮菴始業農十八歲披剃於掖縣之資政寺閉關二十年嘗入靜見水波盈前召其弟子曰速掃除天將雨矣時烈日當中人皆不信俄而雲來倏然滿天大雨如注年九十餘結趺而逝

黃納善字子光卽墨人年十九卽皈依憨山授楞嚴兩月成誦志切參究脇不至席及憨山南歸納善乃對觀音大士破臂然燈供養祝憨山早回創甚日夜危坐持觀音大士名號三月乃愈愈後

見瘡痕結一大士像宛然如畫萬厯辛卯秋坐蛻

桂峯上人名性香卽墨人少時遇異僧奇之曰此他日萊牟問第一祖師也既長留心禪理會多病遂披緇於東郭崇甯院掩關六載卽念卽修而遊京華徧探講席歸卓錫於靈山時愍上人德清以大內命建刹海印寺桂峯意頗不然間謂人曰吾將投足於無畏之途浴身於不波之沼後清果以多受帑金獲罪桂峯爲之左右力爲辯事乃得釋萬厯壬寅仲秋坐化

無瑕禪師濟人孫姓早歲在俗卽好爲苦行嘗隨一僧代之肩土修塗數年而後竣一旦棄妻子爲沙門謁大士普陀厯沂東西名區巨剎至京口住錫金山朝陽洞三十年坐臥一敝衲或半月絕食或經旬入定都不知山下事州人楊士聰於崇禎庚辰過金山

山東通志

卷一百

雜志 仙釋

三十五

山東通志公司排印

訪之無瑕自云初不知書亦無所從學邇頗涉諸內典揮毫作字蓋定生慧也又數年復過金山無瑕以所著戒定慧說相示語語透宗又云近日齒更生髮轉黑目竟夜視光不曠可經月趺坐不臥丙戌示寂常州天甯寺俗壽九十餘僧臘五十九其子亦爲僧稱離垢禪師名普修久居嶺南戒律精嚴年八十始自羅浮北歸至州城南精舍二歲州人爲建大生菴於東郭外未成而化去默僧性默亦曰默僧淮之睢甯人本姓武名元默號吉公少爲儒試不利棄去入三茅山習青烏術並能書畫琴弈豪俠自喜中年失偶不娶甲申後入劉藥生王總戎幕參軍機因不合披緇入雲台山丁亥之海上望氣占有楚變疾走宿遷以達於濟後果驗既又南之金陵北走太行庚子來濟與王道新善夜坐或達旦不寐

叩之不答庚寅春在嶧一日忽曰越此宿卽赴安樂國矣治酒別
故人次日閉目不語及午其徒澄源曰師棘矣豈無爲弟子示性
默張目曰死便埋我遂逝卒年七十一

印明僧澄瀚字郢子一字印明濟人自幼爲僧妙解三昧啟口了
澈年十五博通經律出遊吳越參諸大和尚住天台國清寺者十
年乙酉兵起避入深谷草木蒼蔚不審南北忽遇一人箬冠毳衣
臥松根下擁丹爐趺坐叩之不答旣瞠目曰此絕境爾何由至澄
瀚述亂離狀求指歸路因曰予嘉靖四十年入山花開落七十度
矣不知今何世爾欲歸可左旋三峯右渡四澗也貽以竹一枝荅
一片曰持此不饑杖此不恐澄瀚欲再問已聳身高嘯如飛鳥逝
矣從其言得歸寺數年至濟上結茅淨業以禪悟爲宗好賦詩一

山東通志

卷二百

雜志 仙釋

三十六

山東印局公司印

句一字竟日推敲不厭州人楊通久其中表兄弟唱和頗多尋又
渡江至常州遊天中二室客宋氏園一歲忽病歎曰吾當終濟上
今不及矣吟曰一瓢一笠隨緣度何事殷勤說故鄉遂化

王從之不知何許人初官翰林後隱泰山踰趺而化人稱其地曰
蛻仙巖 按元好問送張志純詩已有蛻仙巖下幸運留之句則
巖名又不始此矣巖之陽又有王老石屋王老者村居慕道有老
道主造之留居月餘忽徧體瘡瘍謂王老曰得酒數斛浸之即愈
王如命道士坐酒甕中三日出病若失曾留衲衣一藤扇一未幾
皆失去

呂仙翁四月十四日誕遊單父旣去邑人於城東北隅立祠州人
包九成心慕仙翁乃於四月十三日精誠設醮致禱曰如仙翁復

來願示靈響至十四日果有白鶴四隻從西南來哺時方去自是每於仙翁誕日祠側草荆之上結成鶴形日高遂泯

棲霞竺菴禪師名大成覺浪盛公弟子也有和寒山詩云我著敝垢衣衆人生譏謂我著珍御衣衆人稱切要我者毛羽衣衆人皆大笑若我不著衣何人知我妙又白鶴欲升天黃鶴不相許飛入鸚鵡洲求食洞庭渚千年復千年雙雙變毛羽兩兩竟成仙誰向凡人語

顏和尚滋陽顏村人傴僂行不畏寒暑居州之玉露菴食餽餽齧少許棄之以食病者輒愈出門操鉢飪以從者滿路求其一齧不可得一日歸家具湯叩頭求母浴母不得已強浴是日母無疾卒顏亦不知所終

山東通志

卷二百

雜志 仙釋

三十七

山東印刷公司排印

孫清靜女冠甯海州人常入泰山修道今嶽北有古洞極深敞石牀天然清泉香冽曰清靜石屋乃其遺蹟

濮陽郡有續生者身長七八尺翦髮留二三寸不著禪袴破衫齊膝而已每四月八日市場戲處皆有續生郡人張孝恭疑之自在戲場對一續生又遣奴子到諸處戲場又果皆有續生天旱續生入泥塗展轉久之必雨土人謂之豬龍夜中有人見北市電火往視之有一蟒蛇身在雪裏曉見續生拂灰而出後不知所之

國朝李常明陽信人精修道業行苦志厲在卽墨馬山西創立道院居之以修橋爲事縣北河沽河店口河五龍河各處石橋皆所募建

慈霑觀陽里人姓李事母孝性善悟喜談空門淨理江南講師一

生者來觀陽說法與之語頗相投母卒乃祝髮師之不期年卽登座講諸大小法乘及一生南還遂入卽墨建華巖菴居之潛心禪道老而彌篤於諸品經多所論述生平不爲苟得不募緣不畜幼童揚善隱惡以非禮來者若罔聞見年八十四生平未有忌色瞋語弟子皆追慕之

蔣清山字雲石江南人自幼出家住勞山百福菴號煙霞散人好讀書工書能文修真養性行誼高潔胡嶧陽引與爲友及老無病沐浴更衣而化

于一秦東昌人號守元子順治時居明霞洞精通經義後遷大廟聚徒講學遠近多從之者年八十四顏如童子一日謂其徒衆曰吾去後無建塔築一墓足矣言畢端坐而逝

山東通志

卷一百

雜志 仙釋

三十八

山東印刷公司排印

王生卽墨人號得一子康熙時居白雲洞工醫及堪輿食五穀不去皮年百一十三歲髮鬚反黑一日聚其徒衆曰今日立春吾將去矣言畢端坐而逝

天茗和尚名來松淄川人俗姓張氏自幼爲僧住北郭興教寺精持戒術善談名理壽八十餘而逝

金元秀滋陽三元廟道士虔誦太上真經清修爲羽流冠康熙三年十二月朔忽徧辭所識曰上清於二十日日中召我行將永別皆以狂惑笑之及至十九日元秀屏去飲食沐浴更衣果於次日午時持所誦之經端坐瞑目而逝

風和尚嶷山之陰小村顏氏子家甚貧幼時嘗酣眠風雪中無寒色比長爲僧日曳敝履以手提褲踉蹌行狀類顛癡人呼之爲風

和尚所言多不可解事後輒驗人亦未之奇也時嶷山太元觀議重葺苦乏資和尚來山中以豆施病者曰食之病當愈愈卽出錢助工食者果愈張留村有劉乙五旬生一子危於痘聞豆之能已病也詣和尚求之和尚曰爾子非豆所能療也第多輸金吾往醫爾子劉許諾導和尚至家則曰爾子愈矣入視果瘡於是獲貲無算工賴以舉有病瞽者與以獨枚蒜二啖其一一目遂明有病噎者垂殆取履上垢作丸以畀之吞而愈由是遠近奉之以爲仙然亦不輕爲人醫也後卓錫東平三官廟遂不歸一日素所往來之家皆見和尚來作別云將遠行入廟探視已圓寂矣後數年有鄉人遇和尚於海上笑語若平時瀕別付以履使寄門人其徒視之果師履

山東通志

卷二百

雜志 仙釋

三十九

山東印刷公司排印

鉅野張神仙少業儒於立帝廟後得仙術終身不仕死葬於玉山集西南坑中墳隨水高下雖異漲不沒者常尺餘人呼爲神仙墳云

道和姓李蒙陰人駐仙洞山陰有山妖幻作美人來誘之不動夜數至擾之忽普安咒卷自動於是取而誦之妖自是絕迹年六十無疾坐化

妙敬居費縣之聖壽寺拾解役金五百兩還之後百餘歲無疾而終

踏冰和尚不知何許人順治五年攜一徒來濟甯北關真武廟赤腳露頂破衲藍縷托鉢市中夜坐於琉璃燈下口喃喃不知其何誦亦不見其臥每於嚴冬取巨冰履竟日如是數載謂其徒曰我

明午當歸可爲具沐浴浴畢登神几坐曰三日從火化葬諸水可也遂逝其徒依遺命煙起聚空爲僧形向西久之乃歿因投灰於洗水隨流而去

李一足或云徐人或云趙人以講道自河南來濟甯蹤迹無定詮玄說劍詩酒自豪與陳辰銘輩結社甚歡久之忽一夕言別沐浴而終同社葬之東郭順治八年其故人韓叔夜遇之於許州詢其行止則曰我在任城多契友自此入南山不返矣子爲我謝諸君韓不知其死也後見辰銘於雍邱言其事乃知其尸解

吳氏濟甯人適松江唐氏性極剛暴獨好佛年四十三皈依冰鏡禪師持長齋晝夜誦金剛經不下樓者六年忽告人曰吾某日去矣經云金剛不壞身三年若果不壞經靈驗遂說偈曰風捲雲霧

山東通志

卷二百

雜志 仙釋

四十

山東印局公刊

散明月碧團團了然無星礙池內現金蓮遂命削髮趺坐而逝越三載啟龕視之果不壞頂髮長半寸提督梁某遂爲漆身建菴供養顏曰坐化

行融字澈也雲南臨安人臨濟三十一世國師天目玉林和尚高弟康熙十五年自燕來濟甯至玉露菴邂逅監寺慰亭和尚道同願合時不過茅茨數椽矢志創一十方招提遴有德者居之不作子孫計不數年成大殿及兩廡方丈禪堂旣而又成大悲閣親買木於漢陽未歸菴中被火僧舍十餘間片時皆燼而大殿及方丈巋然獨存鐘板按時自鳴者月餘一時無不稱異前後三十年信從皈依者甚衆年七十四託云訪友湖南不知所終厥後其徒建塔爲葬衣履

康熙間有一老僧來武定城西王家廟住持形容古樸不知何處人亦不詳其釋名因其年老重聽共呼爲聾和尚手持一杖肩荷一擔雲遊四方與之食輒食不與亦不求問以陰晴言皆驗問其年若干答曰八十閱數年再有問之者對如前圓寂後人有見其在江甯者

邱甫冠樂陵邱家莊人康熙四十二年赴陽安鎮集歸至何家廟忽遇二羽士邀偕行頃至一所四面皆山有一黃冠杖者龐眉童顏讓二羽士曰此北山弟子非吾徒也何多事耶皆唯唯又曰爾既招之宜送之二羽士乃引甫冠去行疊嶂中有老僧若倚門者顧而笑之曰至矣攜之入甫冠拜老僧爲師遂薙髮當甫冠之去也家有妻子年饑苦乏食甫冠雖爲僧意不忘歸僧不許一日忽山東通志

卷一百

雜志 仙釋

四十一

山東印刷公司排印

語之曰可以歸矣當速來示之徑甫冠至其家妻死子女皆半老有孫有甥且長成左右村落競詫視之居數日甫冠去留之不可子孫送至楊安鎮南而返不知所終

方覺姓孫樂陵人父逃荒於外屢謀尋父歸以母老中止母終葬將行妻百計阻之遂逐妻獨出訪父經年不得以乏食遂薙髮托鉢沿乞法名方覺往來於幽薊間又三年適延慶州永甯鎮遇父友告以父歿葬處嚙血驗骸哀負而歸匍匐千餘里足趾盡裂血濡襪不得脫人皆稱孝其爲僧亦嚴戒律

淵源雲遊僧居樂陵郭家寺楊龍岡延之住持柏林院吐屬淹雅饒有風度或問僧何許人但言五十二歲皈依佛教五十二年前事里居姓氏終不言一日有二少年重趼至寺曰辰州人僧吾父

也見之慟絕請歸淵源不應貌愀然居數日遣之去或云淵源名濟全失其姓前明禮侍籍貫辰州天崇間朝事多故淵源重感之遂逃於禪豈明史佚之耶順治己亥年八十二說偈曰汝等知無聲三昧否趺坐而逝

平陰縣水山有白衣閣閣後石巖上遠視有佛一尊童子一位皆高五寸近視之無所見人謂之無影佛又石門西大石上有樹一株亦遠見而近無觀亦謂之無影樹皆奇迹也

靈巖爲山東名刹在宋時士大夫往來者多與寺僧酬和其後雖屢經兵火而石刻之存者尙有數十可以想見當時之盛自金末爲屯兵之地金史侯摯行省事於東平權本路兵馬都總管請駐兵於長清之靈巖寺有屋三百餘間且連接泰安之天勝寨萬一山東通志

卷二百

雜志 仙釋

四十一

山東印刷公司

兵來足相應援元史嚴實傳泰安張汝楫據靈巖遣別將攻長清嚴實破走之後撤兵屯寺乃復爲僧有而石刻多爲人取用其不存者莫可考矣

長清縣方山卽水經之玉符山也相傳昔時候生得仙於此山頂有明鏡崖石方三丈魍魎過之形狀了然南燕時鏡上皆有漆俗言山神惡其駭物故漆之

郡城南大佛峯下開元寺舊名佛慧寺石龕旁鑄宋崇甯大觀政和間守令僚屬俱於春日勸耕至此以甘露泉試北茶題詠極多今崖壁崩墜字尙可譯往者齊俗於此以泉試茶亦雅事也

長白山醴泉寺誌公碑唐開元乙卯立文作齊梁體可辨者十之三書法圓勁在歐虞之間每行凡七十九字其下多剝蝕不存其

碑陰乃誌公像也醴泉寺在覺堂嶺以北宋范希文斷齏畫粥之處公嘗於寺中得窖金識其數而埋之及公爲相寺僧乞公修寺公以窖金告之今寺中有范公祠南嚮有寶誌公像石刻按史書及神僧傳寶誌公行遊之地皆在建康長白乃拓拔魏地而唐碑直以爲誌公何據耶又洛陽伽藍記載元魏沙門寶公者能預觀三世胡后問以世事實寶公把粟與雞喚朱朱後爲爾朱榮所戕或是此寶公未可知也若爾則應稱寶公不應稱誌公

長清縣靈巖寺有魯班作五花殿天葩玲瓏嶙峋奇巧似神運鬼輸有非人力所能爲者按世本公輸子編竹木附泥以破穀謂之磴鑿石上下相合研麥謂之磨嘗觀水蠶而作鋪首工藝之極勝者今靈巖之魯班洞乃其墓也

山東通志 卷一百 雜志 仙料 四十二 山東印刷公司排印

惠果院在霑化北門外迤西內有塔天啟間池中積冰湧起丈餘現寶塔高七尺共九層下垂蓮座僧靜乃募衆建塔以分準尺以寸準丈高低廣狹一如冰式順治十年惠果院成有客攜童子至以塑泥草書冰塔禪院四字大如斗京兆李尊尼見之大驚曰此殆非人間書也道騎追之轉瞬已杳

寺觀

濟南府 附 歷 郭城

太平寺在府城西門內寺前有孝感泉滙而爲池環繞寺內出達

北渚 水月寺在府治東北隅 五代 晉 天 正覺寺舊在府城內

樂明 徒歷山門外 成化 易今名 華林寺在正覺寺東 曆天 建寶

千佛寺在府城南歷山有 隋 開 所鑄佛像 開元寺在府城南十

五里佛慧山下本名佛慧寺山半峭壁多石龕鑿如來像旁鑄宋人題名 南泉寺在府城南五十里中宮鎮寺南有甘泉數泓故人題名

神通寺在府城東南八十里南燕時朗公所建隋開皇賜額神

通 九塔寺在府城一百里齊城峪寺有塔一莖九頂結構詭巧

故名有唐寶中重修碑記 塘頭寺在府城東五十里寺前一塔有

唐開元九年字蹟 彌陀寺在府城東北十六里堰頭村 峭山院在

府城北十五里 壽聖院在府城東南三十里龍洞山下 禪靜

院在府城東七十里龍山鎮北後唐建始名新禪後名中禪宋治平

易今名 祐德觀在府城內唐曰瑞氣宋曰天慶金改今名觀內

有扁鵲祠 迎祥宮在府治西南元至元岱嶽觀在府城南門

外 長春觀在府城西門外元長春真人邱處機修真處殿後一

山東通志 卷一百 雜志 寺觀 四十四 山東印刷公司排印

洞蜿蜒數十里一名大庵 二郎廟在府城內二郎廟街明時

許真君廟在府城內鐘樓寺街 呂祖閣在府城西南關的突泉

建金時 (章邱縣) 廣嚴寺在縣治西南一名琉璃寺 大雲寺在

縣治西北唐開元 修慧寺在縣西北臨濟鎮 龍泉寺在縣南

二十五里明水鎮中有百脈泉 大聖院在縣西南七十里米石

山 靈應觀在縣北女郎山之麓 三陽道觀在縣北女郎山上

縣志葆光子姓郭不知何許人嘗居三陽洞學煉神服氣之術土

人相傳於此成神 (鄒平縣) 真如寺在治西南隅 大雲寺在

縣西北十五里不詳所始今存螭頭有勅賜大雲禪寺六字 醴

泉寺在縣西南三十里有志公碑宋范仲淹嘗讀書寺中唐時紫

微觀在縣東關 (淄川縣) 龍興寺在縣治西南隅寺內有石幢

二書古佛名號去寺西南百餘步石幢一隸書佛頂尊勝陀羅尼
經唐開元二年立普照寺在縣城內東北隅即古開元寺內有石佛高

丈餘殿後石幢一隸書陀羅尼經其二面楷書序文今移殿前

普安寺在縣西南二十里 寶塔寺在縣北二十里寺有浮圖高

峻故名 法王院在縣東北二十里唐時建 會仙觀在縣治西南

玉清宮在縣治東南 通真觀在縣西五十里 長山縣 興

教寺在縣治西南又名鐵佛寺以佛像鐵胎故名 羅漢寺在縣

東衛固唐開元間建 三陽觀在縣南長白山下 明德觀一在縣治

西一在長白山天井泉旁元大德元年建 新城縣 興教寺在縣治西

華嚴寺在縣東北十里高樓店唐開元中 慶雲觀在縣東南十

五里宋時慶雲現於此 長春觀在縣東八里元大德中 賜額 齊河

山東通志 卷二百 雜志 寺觀 四十五 山東印刷公司排印

縣 定慧寺在縣治西明時建 金華寺在縣西北相傳即晏嬰宅

址 興隆寺在縣東北孫耿店唐咸亨間建 齊東縣 行香寺在縣

治東 玉泉寺在縣治南 大聖寺在縣東二十里 麻姑堂在

縣南二十里邑景所謂昌陽仙迹者也 濟陽縣 釋迦寺在縣

治西北明洪武中建 慈光寺在縣西回河鎮宋時建 彌勒寺在縣北

曲隄鎮 禹城縣 法雲寺在縣治東北 興雲寺在縣城西關

臨邑縣 戒珠寺在縣治西北相傳唐尉遲敬德監造 慧日

院在孫耿鎮即今縣治也宋治平中 彌陀寺在縣南三十里有石

幢一唐咸通四年建 長清縣 靈巖寺在縣東九十里方山上元魏時

為竺僧朗公說法之所正光中 僧法定修建唐開元十三年 重修梁昇卿撰

碑宋景德中 賜今額內有甘露雙鶴等六泉佛日巖鐵袈裟辟支塔十

里松諸蹟歷代題詠甚多 真相寺在縣治西有磚塔八盤藏釋

迦舍利宋學士蘇軾撰記 陰河寺在縣西十里 雲禪寺在縣

北三十里 洞真觀在縣東南四十里五峯峪內上有仙人臺

陵縣 乾明寺在縣治後 興國寺在縣北門外 德州 永慶

寺在州治北 慈氏寺在州西衛河西一名銀瓦寺 臺頭寺在

州東三十里黃河岸上 高真觀在州城西北隅 德平縣 龍

泉寺在縣治西南隅 明洪武十年建 廣教寺在縣西二十五里磨鎮有

古塔 唐貞觀中造 基山寺在縣西二十里基山上 平原縣 淳熙

寺在縣西關 宋嘉祐二年建 青霄寺在縣東十五里

泰安府 泰安附郭

冥福寺在府治西北 普照寺在府城西五里凌漢峯下 竹林

山東通志 卷一百 雜志 寺觀 四十六 山東印局公刊

寺在府城西十里 藏峯寺在府城西北四十五里 玉泉寺在

府城東北五十里佛峪內一名谷山寺有周明堂故址 四禪寺

在府城東南徂徠山陽 太清宮在泰山頂古登封臺改祠玉帝

又有玉皇觀在泰山迴馬嶺 泰嶽觀在泰山東南麓 唐時建 升

元觀在泰山岱宗坊西初名建封院 宋政和初 賜今額元時重修改稱

朝元觀府志祀東華帝君道家謂之東嶽福神 青帝觀在升元

觀迤西 宋大中祥符中修 祀東嶽詔加號廣生帝君 明嘉靖間修 碧霞

元君廟在泰山絕頂宋真宗東封構昭應祠祀天仙玉女碧霞元

君金改稱為昭應觀 明洪武中 重修 成化 改祠為宮 宏治中 名靈應 嘉靖中

名碧霞 會真宮在府治東南隅即古奉高宮宋真宗駐蹕改今

名 乾元觀在府城西一里許宋真宗東封得天書於此又名天

書觀 肥城縣 惠通寺在縣治南宋至西域梵僧弘建建 鬱

蔥寺在縣西八里鬱蔥山下舊名牛山寺舊志卽資聖院宋真宗

東封幸此更今名 幽棲寺在縣西三十五里陶山之東唐時創

定元年重修舊志世傳陶朱公隱此 空杏寺在縣南三十里舊志後

唐有衲子植杏於此杏熟而核自落還復合之顆顆圓成故名

修真寺在縣西南東禮社曬書臺 崇果寺在縣西南五十里有

磚塔一座 雲溪觀在縣東南十八里元大德洞靈觀在縣西

陶山下隋文中子王通書洞靈觀三字刻石 新泰縣 崇慶寺

在縣西南境 雲孤寺在縣西北境 正覺寺在縣西南四十里

法雲山陽宋建觀元年清國元年建賜額 明光寺在縣西谷里唐開元

上清觀在縣東八里 萊蕪縣 千佛寺在縣城東關有古塔清

山東通志 卷二百 雜志 寺觀 四十七 山東印刷公司排印

熙三年造 崇果寺在縣東南七里唐初建明嘉改名安仙寺 安期

真人觀在縣南二十里仙人山相傳安期生修真於此 迎仙宮

在縣南四十里府志漢武帝命方士李少君求神仙於宮山中建

宮於此又有李少君祠 洞真觀在縣西北四十里元泰和賜額

東平州 應聖寺在州城內文廟東相傳宋太祖微時寓此其

後敕建 報恩寺在州治東元至正靈泉寺在州北二十五里

寺內有泉祈雨輒應故名 萬壽宮在州治南 全真觀在州治

南一里 東阿縣 壽聖寺在縣治東南明洪武香山寺在縣

北十五里香山之陽 石佛寺在縣西苦山集寺有王右軍書

鐵塔寺在縣北新橋鎮浮屠十有三級高十二丈宋熙鄆州僧應

言所建趙概爲請額曰薦誠蘇軾集有五百阿羅漢院記卽此

瑞相寺在縣西南四十里唐時建 慈濟寺在縣西南六十里安平

鎮明洪泰四年 賜額 天平觀在縣東南二十五里白雁泉上 南天

觀在縣東南四十里雲翠山顛元時建 邑人李謙于慎行皆有記

靈祐觀在縣西南安平鎮明洪泰四年建 平陰縣 福勝寺在縣城東

門內宋景祐間建 壽峯寺在縣西十五里龍橋山唐時建 亭山寺在

縣西南三十里 寶峯寺在縣西南二十五里 龍泉寺在縣東

南四十里齊天統中 佛像古雅皆數百年物 天香院在縣西四十

里 保真觀在縣西南二十里元初建

武定府惠民附郭

資福寺在府治東南宋大中祥符間建 有元趙孟頫所書碑記額曰三學

資福禪林 老君堂在府城城隍廟東 祐德觀在府治東 張

山東通志 卷二百 雜志 寺觀 四十八 山東印刷公司排印

仙廟在府城東南 三官廟在府城西南營 青城縣 昭慶寺

在縣治西北唐時建 天符寺在縣東十里明成化時 更名天佛 陽信

縣 永甯寺在縣治西南 聖壽寺在縣西流波務 延祥觀在

縣西關 海豐縣 大覺寺在縣治東南府志舊名普照明洪武初改

中有古塔十三級唐貞觀中 鎮海寺在縣東北黎敬莊府志

明宏治三年 掘地得白石佛二有東魏武定四年 字蓋古刹云今圯 白鶴觀

在縣西北四十里 樂陵縣 觀音寺一在縣治西一在縣西北

舊縣鎮 靜聰寺在縣西四十里茨頭鋪 商河縣 福勝寺在

縣治西南唐武德間建 勝講寺在縣東三十里寬河鎮 清源道院

在縣東關 濱州 龍泉寺在州治北元大定間建 天王寺在州東

南二十五里 大勝寺在州西南五十里 元妙觀在州治東北

三官廟在州東門重城內 八郎廟在州城東關 高尙觀在

州南安平鎮宋高尙真人脫化處 宋時建 利津縣 洪濟寺在縣

治東北 金明昌初建 洪恩寺在縣東三十里 白鶴觀在縣東永和

鄉 霑化縣 妙相寺在縣治東 超化寺在縣西南流鐘店

蒲臺縣 三教寺在縣治西南府志 明洪武間建今廢 福田寺在縣南

二十里舊志縣南福田寺東南迎仙觀皆唐宋時建有古碑今廢

普靜寺在縣東三十里府志 唐廣德二年建今圮 迎仙觀在縣治東南

兗州府 附郭

興隆寺在府治東北本名普樂 隋仁壽二年建 浮圖高十三級 宋太平興

改今名有王禹偁記 石佛寺在府城北關內有聖井禱雨輒應

洪福寺在府城西三十里嶷陽山 元至正間建 萬壽宮在府治東

山東通志 卷一百 雜志 寺觀 四十九 山東印麻公司排印

北 元至正間建 三官廟在府城東金口壩上 曲阜縣 石門寺在

縣東北五十里石門山杜甫詩所謂石門斜日到林邱也 甯陽

縣 寶相寺在縣治東 宋時建 壽峯寺在縣東九十里靈山頂 元至

治元年建 迴鑾寺在縣東葛石社宋眞宗東封泰山迴時駐蹕於此

故名 朝陽觀在縣東北五十里彩山上 鄒縣 重興寺在縣

城北門內中有古塔 開元禪寺在縣東羅頭社 唐天寶中建 興國

寺在縣東南嶧山前卽孤桐寺也 宋政和六年建 仙人宮在縣治北

二郎廟在縣東門外 白雲五華宮在嶧山之陽 泗水縣 泉

林寺在縣東五十里陪尾山下寺之左右皆深林茂樹有大泉十

數潄泓澄澈互相灌輸會而成溪是爲泗水南經下城東有橋曰

卞橋自卞橋西至邑城復有大泉數十南北交會入於泗水以達

曲阜大抵邑境數十里內泉如星列皆泗水也以泗泉在東又多
古林故曰泉林相傳子在川上卽此處 龜山寺在縣東南五十

里 滕縣 顯慶寺在縣城南五代漢乾祐二年賜額 龍泉寺在

縣東一里有古塔十層高十二丈 大聖院在縣西白蓼村元開

十一年建 福勝院在縣北東陳店北齊天統開建 興國寺在縣南南宮村

鄒河上本古梁城院一臺巋然廣數十丈 清涼寺有二一在縣

東南漢宮村五代建 一在縣東北三十里東郭村金大定 鉅山寺

在縣北鉅越山下 重福寺在縣東北牙山唐武德 靈芝寺在

縣東薛山唐初建 岱嶽觀在縣治東北 萬壽宮在縣薛山東北

隅丹陽洞元長春真人邱處機建亦名雲峯觀 嶧縣 大雲寺

在縣西北四十里唐天寶 爲永安寺宋宣和 爲巖公寺金大定 更今名寺

山東通志 卷一百 雜志 寺觀 五十 山東印刷公司排印

前多古木有許由泉環繞寺側 清真觀在縣治東南元爲元都

宮明洪武 賜今名 龍門觀在縣北六十里滄浪淵西宋時 其地

峯巒環抱竹樹掩映稱爲勝地 汶上縣 寶相寺在縣治東宋

平五年建 莊嚴寺在縣南二十里董村宋天聖 江流寺在縣西南

二十里次邱村宋嘉祐 雲尾寺在縣東北四十五里雲尾村

太虛觀在縣治東元至元 三官廟在縣西關 二郎廟在縣

南關 陽穀縣 慈氏寺在縣治東北 莊嚴寺在縣東北三十

五里本名清涼寺宋徽宗時勅改今名 龍安觀在縣東北四十

里邑志作龍安寺 壽張縣 顯慶寺在縣城南門外一里鳳凰

山上明洪武 自竹口遷於此 大覺寺在縣南二十里宋治平 賜額

元皇統 重修有釋行鑒撰碑 崇寶寺在縣西二十里竹口鎮有古

塔 裴城寺在縣西南二十里古裴城側 法興寺在縣東南七
十里梁山之麓

濟甯直隸州

普照寺在州城西北隅齊梁古刹也有六楞唐碑載寶曆二年重
修又有金黨懷英隸書二碑 康熙中重修 鐵塔寺在州治東南古釋

迦寺也創於 北齊建中 增建鐵塔七級 慈雲寺在州西晉陽

山上 興福寺在州北二十里 唐時 慈燈寺在州城西門外 康熙

四十四年 來鶴觀在州城南中有八卦亭 金鄉縣 光善寺在

縣治東有塔九級 秀峯寺在縣西二十五里 元天宮在縣治

北 明洪武七年 白鶴觀在縣治東唐高宗東封有白鶴下焉乃詔郡

縣為觀以白鶴名有 唐先天 碑記 萬春宮在縣西南三十里

山東通志 卷一百 雜志 寺觀 五十一 山東印刷公司排印

嘉祥縣 大雲禪院在縣城東關外橫山之麓 金大定三年 賜額

大覺禪院在縣南三十里大鼎山陽舊號長壽院有明覺禪師卓

錫於此 金大定初 賜今額 法雲寺在縣西南青山之陽後有法雲泉

甚佳 護國報恩寺在縣南三十里屬山 唐貞元 有石羅漢數百

清神觀在縣南崩山東麓 元統 洞虛普慧真人建 魚臺縣

明覺寺在縣治東南 超化寺在縣東北二十二里即觀魚臺

唐咸通五年 大聖寺在縣西二十里 唐貞觀 共衣寺在縣東二十

五里 唐開元 長壽寺在縣東鳳皇山麓 元皇慶 三清觀在縣

東北穀亭鎮北

沂州府 附 蘭山 郭山

普照寺在府治西南里許晉王右軍故宅也元帝渡江諸王從之

南遷舍宅爲梵宮唐時賜額曰開元宋號天甯萬壽禪寺金改今名中有右軍曝書臺澤筆池康熙製有洗硯池贊並序法輪院

在府城北三十里蒙山之陽 郎公寺在府城西四十里郎公山

相傳郎公禪師擔經過此留迹山顛後人爲建轉腳庵 祐德宮

在府治西北 玉虛宮在府城東八十五里蒼山之陽相傳安期

生修煉處 長春宮在府城東九十里 三官廟在府城南關

郟城縣 大覺寺在縣治東北隅 清泉寺在縣東北三十里馬

陵山 玉清觀在縣北舊城北門內 二郎廟在縣南門內 三

聖廟在縣西北十八里 費縣 開福寺在縣治西弦歌街北宋元祐

建聖臨院在縣西舊志本名崇興寺康熙改今名 芙蓉寺在

縣境西道士賈文銀杏樹歷八百餘年 其山寺在縣東南五十

山東通志 卷一百 雜志 寺觀 五十二 山東印務公司排印

里其山側 明廣寺在縣蒙山後 塔河院在縣西溫水村唐時

洞真觀在縣城北門內 玉虛宮在縣西北龜山下唐仙翁賈

文所建院有古松高五丈枝榦盤旋世傳文所手植有神松之目

靈官廟在縣治西 莒州 寶願寺在州治西金明昌 定林

寺在州西二十里浮來山舊志卽梁劉勰校經釋曇觀送舍利處

有古木傳是春秋時所植大數十圍高數仞清陰竟畝夏月忘暑

正覺禪院在州東五十里觀山前唐時 淨土寺在州北宋皇

建年 朝元宮在州西南 雲溪觀在州北八里金太相 蒙陰縣

壽聖寺在縣南三里一名南竺院旁有銀杏一株唐時僧明深

所植榦圍數丈蔭可一畝 龍泉院在縣西南三十里元大賜額

聖景寺在縣西北三十里堂阜社舊志卽宋僧普和伏蟒處一

名老僧堂 中山寺在縣東北五十里中山之陽有宋眞宗御製

栖眞亭響石詩碑 太清觀一在縣城西關一在縣東五十里

龍泉觀在縣西四十里元至元間建 沂水縣 梵衆寺在縣南二里

宋咸平年建 黃柏寺在縣西八十里西眞觀間建 花之寺在縣西南一

百里 大善寺在縣西南一百四十里內有臥佛一尊長亘殿三

楹 無爲宮在縣治東元至正十一年建 瑞雲宮在縣西北三十里隋大

業間建 日照縣 普照寺在縣治北明洪武二十四年建 靈樵寺在縣西

北五十里 臥佛院在縣西南嵐山之陰山東江南交界 朝元

觀在縣西南五十里元至正間建 栖眞觀在縣西北一百三十里元至

正二年建

曹州府 附郭澤

山東通志 卷二百 雜志 寺觀 五十三 山東印刷公司排印

開元寺在府城內東北隅唐貞觀間建 白陽寺在府城北二十五里

興化禪院在府城南五十里左山隋仁壽間建 初號法源寺有寶乘

塔 宋慶曆中重建 單縣 普照寺在縣治西北本在舊城五老坊金明昌間

古淵禪師所建明宣德中重修 御賜大藏經加以璽書嘉靖五年 移建今所

樵龍寺一名大覺寺在縣西南曹單交界黃河入境之處 全

道觀在縣城東北 城武縣 嚴福寺在縣治東 壽峯院在縣

東一里唐時建 旁有壽峯臺 寶豐寺在縣北二十里孟莊村 廣

嚴寺在縣北三十里南魯集 鉅野縣 觀音寺在縣治東南

麒麟寺在縣北十五里獲麟集 獨山寺在縣南五十里 元清

觀在縣西南三里 鄆城縣 觀音寺在縣城東門內 濟覺寺

在縣治西明崇禎四年 居民掘地見殿宇形址及石羅漢十八尊石幢

一座有乾德年號 舊縣寺在縣東十六里隋縣遺址 丹青觀

在縣治西北隅 遇仙觀在縣治西南隅 元大德中建 曹縣 隆興

寺在縣西四里 唐貞觀建 有浮屠甚峻 龍泉寺在縣北十五里 元至

正元年 碑云古有北亭龍泉寺按有北即空桑是為北亳 開元寺

在縣西北十八里春墓岡 金大定二年 楚邱寺在縣東南四十里

楚邱舊城 大豐寺在縣西五十餘里塔灣鎮有大乘塔石刻云

大曆貞觀某年 尉遲恭奉勅監修 瑞雲宮在縣楚邱舊名寶元觀 元至

重修 太清觀在縣莘冢集 金初建 定陶縣 天王寺在縣城東

門內 紅蘭寺在縣南五里 濮州 圓覺寺在州治東北 會

邱寺在州東南二十五里 穀林寺在州東南九十里 南華觀

在州南七十里有莊子釣臺 范縣 文殊寺在縣治東 義城

山東通志 卷一百 雜志 寺觀 五十四 山東印刷公司排印

寺在縣東七十里水保 永慶寺在縣東南二十里舊城內浮圖

甚峻 金禪寺在縣西三十里 泰嶽觀在縣治東 觀城縣

祿吉寺在縣城南門內 顯慶寺在縣治西 朝城縣 甯國寺

在縣治西有古塔又有石燕井金蓮池 興國寺在縣東南 丹

霄觀在縣治東北 長春觀在縣西北七十里 嘉祥觀在縣西

北八十里

東昌府 附郭城

隆興寺在府城東門外 明洪武年 海會禪院在府城東關 普照

寺在府城東北十八里 龍泉寺在府城南二十里 白馬寺在

府城南二十里 崇教寺在府城南二十里 彌陀寺在府城西

南四十五里 洪福寺在府城東姚家莊 高佛寺在府城西田

家園 萬壽觀在府治東南 堂邑縣 慈雲寺在縣治東南 洪初

建興國寺在縣北鬪虎王屯 石佛寺在縣西十二里 給孤

寺在縣西南吳莊 白佛寺在縣柳林集 白雀觀在縣城北門

外即今之真武廟基嘗掘得石刻云古白雀觀也 博平縣 釋

迦寺在縣城西門內 華嚴寺在縣東十里 寶塔寺在縣西十

五里 洪鎮寺在縣西北十五里 興國寺在縣東北三十里

淨居寺在縣西北 泰嶽觀在縣城東關外 莊平縣 法祥寺

在縣城南關 崇福寺在縣東北白官屯 尖塔寺在縣城西

覺慈寺在縣東北郭里店 宋嘉祐八年 仁宗夢神僧求錫名因賜今額

琉璃寺在縣東北三十里 慈濟院在縣東社郎口 宋嘉祐

紫微宮在縣治西 太微觀在縣東社郎口 清平縣 千佛寺

山東通志 卷一百 雜志 寺觀 五十五 山東印公

在縣治西 元至元年 興佛寺在縣西南三十里魏家灣又南岸有

水南禪寺 龍泉寺在縣西北十五里 清涼寺在縣北二十五

里 麻佛寺在縣西北四十五里 洪涼寺在縣西北六十里

莘縣 井堂寺在縣治東北 宋天禧 鐵旛寺在縣治東北 金天

建一名黑塔寺 馬陵寺在縣城西二十里 明天順 鐵佛寺在

縣城北十五里 明正統 明心寺在縣西南二十五里俎家店

修真觀在縣治東 明永樂 沖虛宮在縣東北三里 冠縣 開

利寺在縣治南 崇明寺在縣治西 元初 白佛寺在縣東南白

佛村 定慧寺在縣東北劉邵村 恩公塔在縣西元恩公禪師

建高十三級 紫微宮在縣治西 館陶縣 寶應寺在縣治西

南 金時 龍泉寺在縣西南 金太和 廣安寺在縣北二十五里

大塚鎮 恩縣 崇興寺在縣城北門外 寶融寺在縣西舊城

內 長春觀在縣舊治東南今廢 高唐州 大覺寺在州治東

南 唐時 報恩寺在州城南孔家集 元至大間建 興國寺在州城東

北 明正統 白佛寺在州城南二十里 明正德 慈恩寺在州城

東南十八里 太元宮在州西南 卡時 元都觀在州治西 南宋

金名惠雲觀元賜額

臨清直隸州

大甯寺在州治西南 明永樂 靜甯寺在州城懷朔門內初名彌

陀寺 元至正 賜今額 五松寺在州城內衛河西岸

大悲寺在州城內衛河西岸 觀音閣在州城內鼇頭磯上 明永

平江伯陳瑄建 天甯寺在州城欽明門外寺有唐槐 清涼寺

山東通志 卷二百 雜志 寺觀 五十六 山東印刷公司排印

在州城景岱門外 明成化 寺內雙檜連抱高六尺尋枝榦挺拔數

百年物也 永壽寺在州城懷朔門外有浮圖九級 淨土寺在

州西四十里元高僧恩公建 崇真鶴苑在州城廣積門外 無

為觀在州城南一里運河上即三官廟 夏津縣 資佛寺在縣

治北舊有塔高十二級 明宏治 於塔址掘出石槨金棺內有水晶瓶

藏舍利七粒又中一石匣上刻太平興國八年定光佛舍利也

千佛寺在縣治東 大雲寺在縣東二十里 唐時 龍祥寺在縣

治東 武城縣 釋迦寺在縣治東南 興國寺在縣西十里舊

縣 浮雲寺在縣東北二十五里占官屯 慶林寺在縣北三十

里饒陽店 邱縣 洪濟寺在縣治東 宋皇祐 莊枋寺在縣北

聶山峒 宋元豐 元真觀在縣城北門外

龍興寺在府城北門外南洋橋北亦名彌陀寺

北齊建 賜額南陽

皇初改曰長樂又改曰道藏唐二年授改曰大雲開元八年始改今名齊

乘龍興寺宋碑云寺即田文宅詳考圖誌乃南史劉善明宅耳寺

內有飯客鼓架寺東有淘米澗有北齊八方碑刻制精妙碑陰大

刻四字曰龍興之寺寺後天宮院古老柏院也有石刻布衣張在

詩府志寺西有古垣曼衍如隄有門二東曰東陽西曰馬驛高大

而堅緻益都北城之遺址也 彌陀寺在府城北門外南時建普

照寺在府城東北隅齊乘古名皇化寺相傳南燕主慕容行宮金

大定碑刻存焉 法慶寺在府城北門外本名大覺院順治

賜今額 普恩寺在府城滿洲營內雍正並 賜額 大雲寺

山東通志 卷一百 雜志 寺觀 五十七 山東印刷公司排印

在府城南雲門山麓舊在雲門山後明泰徒唐李邕有大雲寺禪

院碑記 廣福寺在府城南劈山左麓舊有隋大業隸書碑記

大虛宮在府城東北普照寺南元邱長春卜築於此并滴不食使

弟子詛茶投之即成甘泉 眞武觀在府城內西北隅宋時建呂

祖廟在府城南門內 許眞君廟在府城西北 臨淄縣 西天

寺在縣城西門外元至正興國寺在縣城西有阿育王塔後趙

石虎於塔下掘得承露盤唐建寺今圯齊乘禪符更名廣化寺

府志元至正復額興國寺分其前爲廣化寺 龍泉寺在縣東南

天齊淵側有三石佛各高一丈八尺 龍華觀在縣治東 天齊

觀在縣城內齊乘金大定卜建三清觀掘得古甄志云大齊南郭石

羊巷楊通圓施花甄三千在天齊觀因知此地高齊時天齊觀故

基也 修真觀在縣西八里古城內 博興縣 景德寺在縣治

東福昌寺在縣北九十里博昌鎮 玉靈宮在縣北四十里 高

苑縣 普濟寺在縣治東北本名永慶院 元至元二年建 樂安縣

吉祥寺在縣治西 建金時 玉清觀在縣治東南 壽光縣 甯義

寺在縣治西北 唐貞觀元年建 壽聖寺在縣南二十五里 宋元祐二年建 靈

顯觀在縣城內 昌樂縣 臥佛寺在縣治東南 明永樂中 玉霄

宮在縣治西北 宋慶曆中 臨朐縣 萬壽寺在縣治西 明洪武二十三年建

逢山寺在縣西逢山下 宋熙寧五年 普濟禪師在此傳法 仰天寺

在縣西北五十里仰天山之阿一名文殊寺寺側一小洞有石壁

光可以鑑每月明則山巒草樹咸在鑑中 靈峯寺在縣西五十

里 紫微觀在縣治南 元中統間 修真宮在縣北十里 元時 安

山東通志 卷一百 雜志 寺觀 五十八 山東印刷公司排印

邱縣 開明寺在縣治西 宋天聖三年建 興福寺在縣西四十里 金明

建年 古聖寺在縣西南四十里 宋熙寧六年建 重陽觀在縣城南關外

遇仙觀在縣東北十八里祈嗣崖 諸城縣 華嚴寺在縣治

東南 元至大中建 龍興寺在縣城西關 唐貞觀中 有古塔 安國寺在

縣北府志寺卽五代時簡甯宮南唐相孫晟少嘗爲道士居此

俸雲寺在縣西南八十七里九仙山上今名興雲寺 光明寺在

縣西南八十里五蓮山 明萬曆中 東省四大禪寺長清之靈巖益都

之法慶諸城之俸雲光明是也 博山縣 龍泉寺在縣城南門

外二女泉上 洪教寺在縣治西關 彼岸寺在縣北五里 聖

水寺在縣東南聖水山 元延祐初 白雲觀在縣東北十里

登州府 蓬萊 附郭

開元寺在府城內西南隅唐開元 普靜寺在府城北門外明正統

建年 義昌寺在府城東南六十里元至元 祐德觀在府城內畫

橋南唐開元 今名萬壽宮 黃縣 普安寺在縣治東北樂育坊

宋元祐 寶堂寺在縣東北二十里唐時 眞定寺在縣東南萊

山之曲一名萊山院峯巒秀爽松柏蒼鬱山腰有仙人洞下有石

井蓮花池泉水自湧四時不涸 石泉寺在縣西南二十五里其

陰爲王伯當廟縣志伯當李密將也唐兵追密至此伯當以身蔽

密遂遇害土人義之爲立廟禱雨多應其墓卽在廟旁 延眞宮

在縣西南二十五里廬山下府志晉廬童子得道之處隋曰昇天

觀唐曰仙君觀宋熙寧 郡守李良輔因歲旱禱雨有應疏請封廬仙

曰沖禧眞君賜今額 福山縣 福聖寺在縣治西南金大定

山東通志 卷一百 雜志 寺觀 五十九 山中印必公司刊印

奇泉寺在縣西北六里寺外有橋橋下甘泉湧出冬溫夏涼 千

佛寺在縣西北三十五里唐先天 哈嘯寺在縣東南四十里元大

德五 修眞觀在縣治南金大定 積金觀在縣西二里積金山

上一名通仙宮金大定 祝聖道院在縣東南二里元至治 棲

霞縣 延福寺在縣治西元至正 興國寺在縣東南五十里元

統元 旁有介子推院 濱都宮在縣北十里金明昌 元邱長春得

道之所一名太虛宮 招遠縣 普照寺在縣西南半里 陽華

寺在縣東二十五里元至正 齊山寺在縣南三十里 靈山寺

在縣西五十里有南北二寺禱雨多應 祥光觀在縣東北三十

里 鍊陽觀在縣北三十里金泰和 萊陽縣 興國寺在縣治

東南舊志金時 又有靈湖等三十九院明洪武 歸併寺內 崇福寺

在縣東五十里金明昌中建 潮果寺在縣南四十里元至正中建 宣政

寺在縣西南半里金明昌中建 靖林寺在縣西九十里北齊時建 遊仙

宮在縣治西南金皇統中建 迎仙觀在縣南十里金大定間建 甯海州

彌勒寺在州治東宋熙寧中建 朝元觀在州治西金大定中建 神清

觀在州東南五十里卽王重陽開煙霞洞處金泰和間建 顯異觀在

州東南四十里姑餘山昔麻姑修道上昇處宋政和中 封妙虛真人

玉虛觀在州東南聖水巖 元都宮在州南二里元邱長春之所

居也 文登縣 香巖寺在州北一里許金大定二年修 集賢寺在縣

東七十里 柘陽寺在縣南四十里 望漿寺在縣南七十里寺

前一井冬溫夏涼 禪教寺在縣西四十里 寶峯寺在縣西北

五十里唐時建 東華觀在縣西五十里紫金山東華洞前金大定中

山東通志 卷一百 雜志 寺觀 六十 山東印刷公司排印

元馬丹陽築室曰契遇庵 海陽縣 崇福瑜珈寺在縣西八十

里一名三駕寺中有石佛一尊背有魏武定二年 字元皇慶 僧道照修

明宣德元年 僧慶端重修 普濟寺在縣東北蒿山金明昌中建 永慶寺

在縣西七十里 榮成縣 潮音寺在縣城內 元泉寺在縣西

南五十里 龍山寺在縣東南一百二十里 玉清宮在縣西南

七十里

萊州府 附掖縣

資聖寺在府城南門外位大定建 有石刻臥佛 妙覺寺在府城東

南元中統五年建 釋迦寺在府城東五十里 廣嚴寺在府城西二十

五里金大定間建 青蘿觀在府城南元時國戚黃姑學道之所後爲

真人邱處機道場賜額迎祥觀 萬壽宮在府城東神山下元至初

有石洞七每洞各有石像 靈虛宮在府城東二十里 先天

觀在府城東二十里府志大基山道士谷後魏鄭文公修真於此

仙去丹竈碁局印石宛然元至元間賜額 太清宮在府城東二十五

里道士谷 逍遙庵在府城東南七里 平度州 圓明寺在州

治西南唐為普救院金大定間賜今額 天宮神寺在州東五十里熙寧

三年建智藏寺在州東北大澤山金明昌七年建禪窟院在州東五十

里唐時建德真觀在州治東北元至元間建雲臺觀在州兩髻山

濰縣 石佛寺在縣治東南宋咸平二年建有石刻布袋佛像係宋崔白

筆蘇軾題記 觀法寺在縣治東北漢永平十年建松巖寺在縣東北

五十里元至正二年建玉清宮在縣治東北元至正二年建雲臺觀在縣東

北三十里寒亭鎮 昌邑縣 崇聖教寺在縣治東 崇福講寺

山東通志 卷一百 雜志 寺觀 六十一 山東印刷公司排印

在縣南十里 大悲禪寺在縣東南三十里 玉真宮在縣治西

北金太閏八年建王母宮在縣東二里東山下 紫微宮在縣東北四

十里

膠州直隸州

慈雲寺在州治西唐大順元年建洪福寺在州治南元至正六年建福勝院

在州南三十里唐大順二年建茂林寺在州南四十里北齊時建黔陬寺

在州南七十里元泰定三年建名勝志黔陬城今為黔陬寺 玉泉寺在

州南九十里元泰定間建太微宮在州南二里元中統間建高密縣

感化寺在縣治東北 涼臺寺在縣西南五十里 凝祥觀在縣

東半里 即墨縣 興國寺在縣治東元至正元年建慶成寺在縣城

東門內元泰定元年建迎真觀在縣治南元中統元年建黃石宮在縣東南

六十里勞山下黃石洞一名清虛觀 聚仙宮在勞山上 華樓

宮在勞山華樓峯 元泰定二年建 神清宮在勞山上 太平宮在勞山

上清宮在勞山齊乘五代末華蓋仙人識宋太祖於側微宋人

為建此宮

山東通志 卷二百

雜志 寺觀

六十二

山東印刷公司排印

山東通志進呈表 乾隆元年

巡撫

山東等處地方督理營田兼理軍務兵部右侍郎兼都察院右副都御史加一級

臣法敏等謹

題為欽奉

上諭纂修省志成稿謹奉

表上

進者臣等誠惶誠恐稽首頓首

上言伏以

帝宇慶同風十二山河先北共

皇輿徵訖教三千禮樂首東漸

出震秉圖青令應車書之盛

乘乾錫極赤虹垂簡冊之光勸採輯於禹跡堯封萃職方之世

山東通志附錄

舊志表文

一

山東印刷公司排印

掌廣蒐羅於東山泗水彙太史之新陳敬次函封恭呈

宸鑿竊惟畫州區井蟠木已隸於軒圖敷土開疆蒲姑不遺於禹

鼎奎芒適占分野象啟文明日馭先出提封光同臨照岱推

五嶽之長中峙而號天孫海為百谷之王左衛而環地軸金

泥玉檢刻石必推乎七十二家胙土苴茅賜履獨隆於千八

百國是以漢置十三州以後濟別陰陽唐分十五道以還河

稱南北莫不兼黑墳之勝地稱赤縣之雄都若夫記載相承

簡編漸益六經傳注已有明徵諸子藝文皆堪節取晏謨所

撰曾專鹽鐵之鄉李肅所陳亦屬環錡之俗阮敘之南交作

紀張建章渤海有書或積久遺亡豈必文存魯壁或馳情荒

誕未免語類齊東故知積古必慎傳疑信今乃克垂後恭遇

我

皇上

世德作求

孝思維則

垂衣裳而致治

道統三才

位天地以成能

功調四序

闡圖書則載籍極博文運昭黃玉之功

一寰宇則聲教覃敷嘉氣應碧霞之上斟尋故址麟遊告瑞已

先時季崩名區

山東通志

附錄

舊志表文

二

山東印刷公司排印

鳳詔頒恩尤近

日欽惟

世宗憲皇帝

大文光被

至道誕登

焜耀四遐既觀天而復察地

經營八寓以作聖而開述明爰

簡祭近諸臣纂修鉅典遂

勅封端大吏各輯志書於是前撫臣岳濬初任全編計七載以襄

事繼因分郡易四稿而成函敬弁

王言與雲彩日華而並麗更詳

聖緒本金聲玉振以相宣吳蹟農都治既隆於皇古堯祠舜井事
且核於中天載溯典章則有虞韶周禮復詳篇什實兼魯頌
齊風豈惟不使靈光亦墟抑且常表明堂有位蓋五帝咸備
其迹而千聖獨集其成此固文獻之源而人物之藪也然則
盡其類必須鄭僑博物括其全尤貴齊澣知今玉粒歲輸則
八百里必經之漕渠啟閉皆垂善術漆絲時異則十三載乃
同之貢賦因革已立良模學校久興匪僅擊鼓成帷之舊農
桑屢勸不聞帶牛佩犢之風至於仙源之棖桷維新制已增
於前古琅邪之壁壘初建鎮復重於當年職官視昔而有加
佩魚符以分治眡域較前而更析錯犬牙以異形用是卷帙
甯繁引其不發詞華彌富補所未曾必使視舊策而益詳瞭

山東通志 附錄

舊志表文

三

山東印局承印

如指掌集衆思以備美燦若列眉然後足以審立政之經而
定宜民之要臣夙慚桐馬復愧籛驂亦思任昉校讐難學張
華該洽雖景春秋之筆豈同東國之書恐傳已亥之詞或類
西河之簡精勤庀事固撫採有人蚤夜鳩工期雕鐫無誤尙
俟酉陽之訪仰祈

乙覽之勤伏願

義畫益新

堯文丕煥

衡持金鑑彙

皇圖於一統之隆

筆協丹書加

睿藻於

萬幾之暇蒲輪徵求夙學不上封禪之章璽書寵報循良遠勝神
仙之使將見成全璧以昭典則自東方爲寄推之南方爲象
西方爲鞮北方爲譯而執玉帛者萬重慶完車以大訓行由
太平之仁合乎丹穴之智太蒙之信空同之武而仰星雲於
億世矣臣等無任瞻

天仰

聖激切屏營之至謹奉

表隨

進以

聞

山東通志

附錄

舊志表文

四

山東印刷公司排印

山東通志原序

巡撫岳濬

虞書禹貢志之所由昉也山澤方物壤賦川塗約舉數言體要已具逮夫周禮踵事加詳保章氏視分星職方氏辨邦國地形掌之司險戶口紀之司民大司徒以天下土地之圖周知地域廣輪之數辨其山林川澤邱陵墳衍原隰之名物而四方之志則外史有專屬焉後世圖經志記彷彿此而撰大者志九服小者志一方雖詳畧不同而多識博聞有裨政治其義一也昔者列國有史自孔子脩春秋而筆削褒譏義繫天子遂不得復以魯名自後齊記齊乘諸書各抒所言僅備此邦之掌故山東之有通志自前明嘉靖朝始帙簡義略粗有規模我

山東通志

附錄

舊志原序

五

山東印局公費排印

國朝正域四方德洽寰宇康熙甲寅

詔脩大清一統志而山東通志緣是再輯擴前志什之三四亦既秩然可觀矣我

世宗憲皇帝御極之七年復

詔增脩一統志及各省通志濬承乏一二東實襄斯舉爰訪延名宿次第採釐會東省郡邑屢有分置疆域既易條類亦更改訂再三至雍正乙卯九月方得付梓恭遇我

皇上紹登大寶布愷綏猷表正萬邦脩和百度東省地聯

畿輔被化獨先前此黃河清於單曹慶雲燦於尼泗蒼麟誕育一見於鉅野再見於甯陽

世德燕貽夙徵嘉應而悉於是編志之猗歟盛哉此千載一時之

會也全志三十六卷有沿有創有訂有增縷晰條分期於克臻醕備而潛於此竊有思焉通志體例自星野至雜記可以觀天文察地理飭人官叙物曲攷之各省大畧相符而較以山東尤稱特異觀夫巡方之典首重岱宗崇聖之儀獨隆闕里黃河如帶藉保障於金隄青社維垣靖烟氛於玉海漕運扼襟喉之要兵防控水陸之衝政禮所關至殷至鉅今則遠稽曩制旁撫遺規敬揚

謨烈之麻式表

顯承之美普聲教於東漸廣率俾於海隅以之昭示來茲永永無極直與虞書周禮輝映後先豈他志之所得而頡頏者哉潛不揣卑陋謹拜手而爲之序

山東通志附錄

舊志原序

六

山東印刷公司印

原序

巡撫法敏

皇帝御極之元年仁深恩溥太和甯叶聲教布蕩盈溢天區薄海內外莫不抃舞康衢信勳華之在上而幸生於聖人之宇惟山左地近

京師股肱環拱膏澤之流被化尤捷有封疆之責者必使全省方士詳悉經緯源流酌古宜今然後可以廣宣

至治任綦難且重也敏受

命撫治二東適修輯通志成得拜手而綴言於簡端欽惟

世宗憲皇帝以天縱之聖觀文察理學貫天人令天下各纂方輿之書以備採擇非徒爲萬世臣民資博洽也蓋道經法紀所以垂興化致治之模者皆具於此敏謹展全冊而閱之仰

王言之天煥敬觀

國家統一區宇

列聖相承暨訖之廣超越前古重熙累洽仰見

貽謀之盡善盡美焉至於聖賢之域詩書所傳齊魯之風尊親異
治海環於東河帶於南岳峙於中其廣厲人材維持民俗資
防禦而保清宴者當有道也鄭樵云州縣之設有時而更山
川之形千古不易十郡之分因時制宜按其城池疆域必思
黑壤白壤水旱何以豫防賦貞貢錯輸納何以稱便玉粒所
經挽漕何以通其渠鹽筴所產熬波何以宜其制竊願吏如
龔范士如曾閔農如其樸厚近古之風而孝弟力田則邑盡
鄒魯鄉皆鄭公刑措不用兵革不試爾雅所謂東至於泰遠
而

山東通志

附錄

舊志原序

七

山東印刷公司排印

而其民仁亶不誣哉敏是以因其文按其迹一一警惕於中

而斬有以仰副巍巍蕩蕩之

聖化也若輿誌之體肇於經史散著百家或存或闕昔人雖有撰
記而所謂文省於前事增於後者則於今尤資以核實傳信
其發凡起例薈萃折衷與執簡懷槩之所任則已備書茲不
復贅但就其報政之難且重者言之以見敏職之宜加勉焉
且祈

乙覽之餘

睿鑒精密合爲成書俾九土臣黎咸知分野辨方皆立政宜民之
要而

皇圖鞏固於萬年不且於斯益見也哉謹序

原序

督學 李光燾

聖人運治之本神明變化張弛翕闢端拱管攝於堂階之上而心思周流乎四表八荒之域其潛孚默運者孰得而見之述之乎若乃治化之功著於事迹則職方所掌及四方志乘所載如學校選舉兵農賦役物土之宜人情所尚與山川形勢之奠於下氣候星祲之見於上者今古未大殊異而

廟廷之神明所注措承治大吏所旬宣郡縣守令所綜核至於物阜民康清和咸理太平之象必於是考見焉前歲予在館與領一統志纂修事因得披閱山東新修通志稿愛其詞事詳明記載嚴謹蓋總其成者爲 中丞岳公與 藩臬三司諸哲匠也及予叨承

山東通志附錄

舊志原序

八

山東印刷公司排印

簡命視學此邦星輶載馳涉河濟翔翔海岱齊魯舊都聲教文章固予校閱日所專事者然間以其暇諮諏風土民情村烟巷語凡載於志者予一一得之於足之所履自之所視乃歎其曲折周詳盡善盡宜善政善教周及民隱非但詞事記載之文爲塗飾觀美而已矣語云古今不易民而治今之時建置沿革豈與古者異用而一時文章學術隆於黌序休養富庶被於兵農天冠地履賢才以盛仁讓以興嘉瑞以應皆我

國家

列聖相承治平化洽逮乎百年而東土則又車服禮器仁教信義之坊表方面大臣公忠體國宣布德化雖小物細故悉本至誠惻怛之意所流貫詞事記載人可得見者特其事迹耳至

廟堂淵穆之源直與昊天無爲而同體幾康之用與四時不言而咸亨者運治之本三五以來未有盛於今也要其所以致此豈偶然哉乾隆元祀開雕事竣適

中丞岳公調任江西繼至者爲少司寇法公建節來茲二公前後所以誠民熙載者同揆一意不越此記載之迹而德威仁意所洽將使此方獲享治平無疆之福嗚呼其東土之幸歟抑亦天下之幸歟

原序

布政使 鄭禎寶

治統昭於史文獻徵乎志志史之流也古者小史掌邦國之志外史掌四方之志而志以名聞嘗披覽職方所載代有典冊未之或異者我

山東通志

附錄

舊志原序

九

山東印刷公司排印

國家聲教誕敷海隅日出罔不率俾幅員之廣車書之盛亘古未有

世宗憲皇帝省方問俗

勅修各省通志蒼爲一統成書煌煌巨典哉二東爲左輔要區聖賢誕跡遐邇視爲鵠式 大中丞岳公奉

命維謹寶等共襄厥事以郡邑更置分晰纂修越七年劄劄告成將獻

闕下寶得拜手颺言以序之夫志難於作亦難於述難於蒐羅更難於核實山左舊志自前明嘉靖間釐輯而後至我

朝康熙甲寅重加參訂維時郡邑紀乘大都散佚或搜諸名山訪諸故老攷諸斷碑殘簡拾遺補闕不三載而報竣今則

列聖相承重熙累洽田疇日闢生齒日繁其間典禮之崇隆政事之
修舉風俗之改觀人文之蔚起以及潛德之幽光物產之蕃
育不可勝紀矧夫蠲賑蠲輸疊

沛湛恩大有頻書嘉祥協應當茲久道化成制作明備之餘求其
不遺不溢信而有徵岌岌乎難言之矣寶忝任旬宣五載於
茲惴惴焉與諸君子互相砥勵甯覈毋濫甯樸毋華甯慎毋
速甯爲郭公之闕疑毋蹈劉五之假借於是稽躔野任土宇
考制度別人物綱舉目張悉仍其舊哀多益寡各抒其新爰
折衷於 大中承焉雖筆削論斷未敢與董狐倚相邱明遷
固輩爭相頡頏亦庶幾體裁具備文質得中足資信史之採
擇歟昔唐宣宗命學士韋澳集天下風土爲一書置之座隅

山東通志

附錄

舊志原序

十

山東印刷公司排印

西門豹治鄴旁搜宇內之山川周覽四方之風氣繪圖以進
方今

聖天子紹登大寶治益求治人心風俗時厯
宸衷則斯志也登之

天府不啻豳風入告無逸上陳豈特潤色皇猷鼓吹休明已哉是
爲序

原序

按察使 黃叔琳

軒轅方制萬國帝嚳始創九州而上古有九邱之籍自是而
鼎寫之書紀之禮詳之由夏而來日以茂矣然考九州之域
則山東居三之一負責跨交連徐得形勢而文獻亦獨倡於
天下金炎之都陶姚之迹五帝之遺也赤虹黃玉素王素臣

六經之祖也詔聞於齊禮秉於魯禮樂之宗也星則爲歲行則在木巖巖瞻泰山泱泱表東海天地靈秀之權輿也其他名山大川舊蹟傳人建置之紛防禦之阻以及風俗物產之不齊封祀巡狩防河煮海古今興革之各異欲一二其詳詞語百車競爲辨囿此志難而志山東尤難也然傳誤而迹彰迹湮而事著事浮而文顯文雜而核真累代相承勝國漸備至我

朝而折衷焉蓋自康熙甲寅有纂輯之

命而書一成又數十年而

世宗憲皇帝復令增修時視昔而有加事較前而多益計越七年而

始告竣琳於茲竊有幸焉向者蒙

山東通志

附錄

舊志原序

十一

山東印刷公司排印

聖祖仁皇帝知遇之隆視學於此星輅所經託於古使臣諏謀度詢之義以今見證舊聞以目謀證耳治蓋歲餘而齊魯之域以周每詳記之思補三齊南兗諸紀所遺闕然校藝之餘未能詳備恭遇我

皇上膺圖御寓茂德光天仁恩匝地股肱錯壤年豐人和琳得蒙恩復承乏茲土而通志之付剗劂者適成於此徵

國家幅員之廣岳瀆効靈也崇聖之儀超越前古也體國經野之規正俗準治之道辨名類物之經周密而宏遠也炳哉麟哉所以訖聲教於東漸者將與禹貢周官並耀萬世矣琳觀茲盛事忘其固陋謹忭舞而颺言焉

原序

按察使 唐綏祖

自大小史設於周官而論者遂謂惟天子有史列國皆以志名史與志不同等也然漢宋諸書史也而史之中有志明英宗命儒臣纂修一統志則志亦兼於天子以是知史與志非天子諸侯之分也志言行者謂之史志名物者謂之志史者志之統名志者史之分類蓋惟天子以一人統御萬國乃合天下之志而兼總條貫之志也即史也故曰晉之乘楚之檮杌魯之春秋其義一也我

國家聲教四迄嗣服無疆康熙十年

聖祖仁皇帝

詔各省纂修通志蓋將以覽戶口之盈縮禁土田之肥瘠審風俗之奢儉知疆理之遠近而則壤成賦一道同風思所以式

山東通志

附錄

舊志原序

十一

山東印刷公司排印

王度而昭示來茲其寓意深遠而規模實宏且碩也我

世宗憲皇帝紹衣

陟降克承丕顯而

纘緒之初仰溯

前徽又五十餘年矣爰遵循舊章董官復繼乃志而東省爲

畿輔襟袖之地承流最先則揚休倍切乃捧檄之日大中丞岳

公不以綏祖固陋而以搜輯之事屬之夫東省依山負海號

稱東秦但此數十年來無災禱之告無萑符之警民日聚而

地不改闢政惟因而俗愈醇古載筆者亦惟抱師說於琅函

纘尾貂之鉛槧已爾甲寅前志徂隰徂眇又何事釋回增美

以勤丹黃而羞我前人爲也然有不得不濡毫吮墨而爲之

大書特書者

聖祖仁皇帝東巡幸魯則六師之及太牢之祀所不及也

蠲租肆

赦每歲舉行則漢文節儉唐宗刑措所未見也治河遠賾奠海安瀾則宣房瓠子不足喻其勤旅葵越裳不足揚其美也至於宸章翰雨之奇哺腹唐風之盛猶屬藝林之快觀而至我

世宗憲皇帝即位之初尊崇

闕里榮名及於五代魏煥達於兩楹視昔有加於今爲烈出

內府而輸誠卻諸臣之助役而敬所尊愛所視帝王之陵宇賢聖之明禋無不修而舉之樂其樂利其利閭閻之疾苦關市之征譏無不謹而約之諸凡澤及庠序詰爾戎兵哀此瘞寡

山東通志

附錄

舊志原序

十三

山東印刷公司排印

經畫區處之咸宜敷布綢繆之盡善眞有日盛而月新者自甲寅以至今日即此數十年中而

兩朝之盛德大業如升恒茂至此非臣子所當書思而永矢勿諉者乎是不得以前人是讓矣爰訪求一二梓賢著譽木天者其挖揚有詞其敷陳有體乃共拜手颺言而美不勝收者比比也他如山川原隰津亭傳舍以及仕宦人物之繁多典章翰墨之縷緒直簿書餘事爾逾年書成凡四十卷標帙而上之 大中丞緣 總制王公條奏改直隸州爲郡因未付梓而 綏祖 旋奉

召入都越今又三年矣聞 中丞公更加詳慎兼施潤色則所以文 綏祖 之固陋而得以告無罪於東人者皆 大中丞岳公

賜也今茲季夏 中丞公入

覲來京師舉所損益修飾而詳示之蓋不勝拳拳服膺懽欣鼓舞

陛辭之日因附一言而爲之序

原序

濟東道 張體仁

六經垂世尙矣國有史省郡邑有志史根於經志根於史龍門扶風尙採菁華於名山石室以成信史是史與經相表裏志又與史相表裏也山東文獻名邦周公分茅賢賢親親太公賜履尊賢尙功九奏韶箛存於齊六代宮懸備於魯於山則有秦岱之高於水則有海若之廣且深於人則素王師表於萬世顏曾四氏道脉相續三千七十半產齊魯厥後如田

山東通志 附錄

舊志原序

十四

山東印刷公司代印

何治易伏生治書轅固匡衡治詩胡母子都治春秋高堂生治禮羽經翼傳炳炳烺烺雖地止一方而犖然可志者實爲字內弁冕

國朝奄有九有自康熙甲寅重輯東省通志疆域戶口祀典賦役風土人物亦既綱舉目張規模畧備矣維是

聖祖仁皇帝勤政卹民化成久道

世宗憲皇帝繼之睿謨廣運愷澤覃敷山左密邇

神京涵濡漸被尤近且切數十年來景雲疊見蒼麟再育乾珍

坤瑞焜耀在東至於岱嶽實柴

闕里崇聖廓府爲十而疆域攸分解額頻增而人才蔚起歲登少歉卽邀起鵠之恩積貯時籌爰兆維魚之慶逮我

皇上承乾御宇首沛無方之澤而積欠全蠲更除落地之徵而旁
稅並豁凡此深仁厚澤綿歷

三朝皆舊志所未載而簡編缺畧其何以經經緯史垂之無窮雍
正七年奉

命纂修東省通志維時網羅舊典叅攷時宜裁僞芟蕪分條晰理
泊乎執徐紀歲而志乃告成爲卷三十有六首列典謨以明
是訓是行其淵源有自蓋仿尚書堯典舜典之義例猶易之
冠以乾坤詩之冠以周召周禮之昉於天官春秋之繫以春
王也下此星野五行示天之樞城池封域山川形勝列地之
紀時巡以惠民尊聖以明道田賦以服三農學校以敦四術
兵防驛遞河工漕運以詳制度職官人物風俗物產以備文

山東通志

附錄

舊志原序

十五

山東印刷公司刊印

獻按冊而稽之鴻纖畢舉遠邇勿遺十郡一百有九州縣之
情形瞭然可指掌而要其體國經野奮武揆文愛土臧心誠
民阜物宛如見堯之時雍舜之風動禹貢聲教之訖周禮象
魏之懸其文則屬辭比事其義則潔淨精微其風則溫柔敦
厚凡以宣布

累朝之謨烈永貽閭里之安全者皆於是乎在體仁備員茲士十
有一年巡察方圉馳驅驛路目觀川河奠定民物恬熙莫非
我

國家重熙累洽

聖功神德所覃及編年紀簡牘不勝書而况歲在己酉奉
命督修

孔廟飭百工庀五材黃屋擬於

宸居廟堂懸夫

御墨天潢承祭樽俎苾芬官僚肅穆一時杏壇盛典亘古所未有
洎乎重修岱嶽正殿則金碧輝煌匾額則

天章璀璨百神祠廟煥然維新石磴崎嶇介然成路若夫民為邦
本食為民天歲稍薄收

特命賑濟計口授餐截漕平糶民皆果腹因而感召天和屢書大
有山左人民盡登衽席凡此尊師重道勤民而致力於神皆
聖治之大者而體仁恭逢其盛幸効奔趨安得不敬述膚功登諸
簡末以明斯志之成非特備此邦掌故直源本六經二十一
史以鳴

山東通志

附錄

舊志原序

十六

山東印刷公司排印

國家之盛於億萬斯年也謹拜手而為之序

原序

鹽法道楊弘俊

洪惟

聖祖

世宗謨烈顯承光被寰宇兩修方輿之志以成一統之書至

今天子嗣服之初而山左志適告成其道揚休美彰厥

徽猷則臺司諸序已歷歷言之奚容復贅惟是俊叨委監理之責

而斯志之成凡四易稿其詳其慎請得識其始末焉憶自庚

戌之秋俊以登守量移鹽筴使時志事修經一載設局於棘

院所延致皆江南名宿講求搜剔該博而文然其間因地制
宜隨時修整有不可以成說泥者非僅稽古之為力也越明

明年辛亥

大中丞岳公總其成而屬稿於俊曰志必信今乃可傳後古
人草創既定繼以討論修飾其令諸進士觀政東省者分任
之彼將有民社之寄使摛辭採藻之時可以資耳目聞見之
用亦從政之先務也俊承是言用擇其尤者五六人更爲常
仕於山左者俾就署博採而次第綜核之補前志所未備且
增其未詳若典謨巡狩海疆以及闕里河漕田賦兵防秩祀
等志是也至於宦績人物列女陵墓則本各郡邑志所有而
精核之惟事在

本朝必以既從祀典者爲正其餘概有待焉又五閱月而稿再
成然 中丞岳公猶以是書將呈

山東通志 附錄

舊志原序

十七

山東印刷公司排印

乙覽凡一名一物字句之間必求至當乃置稿於几案每諸司百
執事朝夕延見即出以相示繁隲幽顯一一參質使無脫譌
而後即安公餘之暇手執一編親自讐校自邱索墳典以至
山經水注稗官野史攬撫所及必窮源竟委稍涉疑似踏駁
甯舍旃勿爾溷也如是者又三易寒暑至甲寅之冬將竣事
而復有改州爲郡之

命則疆域之分合規制之盈縮是經是程必俟詳定而後可筆之
於書故於乙卯之秋方付剞劂蓋不囿於已成之見不迫於
欲速之圖所以遲之又久而稿經四易其詳其慎則 中丞
岳公之鄭重斯志而俊之所親懋者也故不敢博稽遠引而
謹述其成志始末如此

凡例

一曰敘志目 河洛開竒龜龍獻瑞子地之大志存乎其中矣
然而戴履肩足必有序焉箕疇之衍亦本於此茲奉
綸綽而輯方輿之要典昭

謨烈而大一統之成規則

王言其首重矣况體國經野以及民依物愛凡志中所敷陳者無
一不經

數聖人之裁成輔相而積累涵濡以至今日也首以

典謨是爲訓行之始於是仰觀於天俯察於地考之於古證之於

今星野建置一方樞軸所由定也厥土旣辨墉壑是營申畫

郊圻以慎封守此城池疆域之所以繼而作也名山大川在

山東通志

附錄

舊志凡例

十八

山東印刷公司排印

封域之內者有會朝之勢焉地形天險作屏翰之寄者有固
圉之道焉凡此皆古來聖帝明王與賢人君子過化而存神
者也山川之後繼以形勝圻封之後繼以古蹟其所繫於治
亂興衰者誠不小也我

聖祖仁皇帝勸民遠駕爰止鄒魯之鄉

巡狩本於虞書

訪道先於

闕里東方禮樂生民未有固四國之所推崇而域中之所出拔
者矣

闕里一志猗歟盛哉夫物盛不可不養故以田賦繼之鹽法則
田賦中之利用也有養不可不教故以學校繼之選舉則學

校中之人材也有文事者必有武備故受之以兵防德之流
行速於置郵而傳命故受之以驛遞河漕海疆政之大者考
其源流詳其綱度攬清晏之休風何一非揚扃

王靈之赫濯也哉夫然後崇德報功則稽其秩司入疆觀政則
紀其橋梁從欲以治則正其風俗任土錫貢則登其物產百
執事靖共爾位無曠庶官攸躋攸甯庶幾顧名而思義職官
公署連類而及之安其居所所以敬其事也况與人之誦有斐
之詩聞風而起論世有人皆出於好惡之公而輝映後先之
轍者代不乏人也宦績而後次以人物并列女仙釋方技而
天不愛道地不愛寶海岱精華其萃於此矣物必有所歸也
陵墓其有遐思乎五行其遞嬗也灾祥其思修省乎古人不

山東通志附錄

舊志凡例

十九

山東印刷公司排印

可作也經籍其抱陳迹乎而後以藝文終焉瑣尾緒餘委之
雜記緬懷往昔昭示來茲鼓吹休明詠歌風雅門類各殊經
緯則一凡爲卷三十有六附見者八共二百餘萬言此通志
之序也

二曰正字體 諱名之典原屬臣子尊君親上之意然必字關
原廟而又奉有令典乃爲遵道遵路之治近見各州邑志載
凡創修自

本朝者率多不經之避忌如以彛代夷以魯代虜以翟迪代狄
人自爲書家自爲說各行其意之所是而罔知適從然以
爲夷猶曰同音借用至以魯爲虜則音岐而韻亦異翟迪與
狄與姓相混在作者實爲有意之步趨而觀者往往多無心

之沿誤帝虎之辨實難以意逆志者也我

皇上洪天地之量揭日月之明大哉

王言頒爲

謨訓欽尊

聖祖仁皇帝廟諱上字從元下字從睦又欽定

先師孔子聖諱字則以邱音則從期至我

皇上御名惟本字遵避其餘同音減筆概弛其禁而猶廓

大公之至論明無外之規模以民間避忌夷虜等字指爲大不敬

眞可以挾千古之屯蒙而祝藝林之一面書生載筆何幸如

之今志內一切從前避忌俱爲改正欽惟

皇上御名上字以印代下字以徵代音韻從同字體畫一稍存敬

山東通志

附錄

舊志凡例

二十

山東印書局刊印

慎之意以嚴咫尺之義云爾故表而出之使覽者自有會心
勿致疑於金根之或異也

三曰謹書法 夫志以傳信先貴懸疑蓋必作者無他歧之見

而後觀者有引伸之助故書法必有一定之例也然例亦自

有不同有省文以就例者有變文以起例者故一志有一志

之例不必同於他志他志亦自有一例不必泥於一志始之

典謨終之藝文無所用例也如建置城池疆域山川形勝古蹟田

賦學校驛遞秩祀橋梁風俗公署列女陵墓等以分府爲例

者也而分府之中有以府領縣者必其所志皆同而以府統

縣名有所尊也有以縣並府者必其所志皆異而爲府爲縣

各麗其實也如選舉宦績人物仙釋方技五行等以時代爲

例者也而亦有仍用分府之例者必其人其事或顯於此而混於彼所重在一郡一邑則仍繫之一郡一邑也此所謂省文以就例者也星野圻封

巡狩

闕里鹽法兵防河漕海疆職官經籍等則變文以起例者也蓋其節目甚繁其經歷各異有此郡所有而彼郡所無則分府既不可或昔時所無而今日所有則分代亦不可於是撮其綱領別其條目有古可援者則援古以證今無古可援與有古可援而不必援者則就今以言今亦不必泥於古於一志之中各自爲例此所謂變文以起例者也要之各就其事各分其體於各志不同之中自有一定之例而書法之詳略異同乃可得而言矣

山東通志

附錄

舊志凡例

二十一

山東印刷公司排印

四曰審詳略 東省通志於今三修其目較舊志爲減而實增其數言較舊志爲繁而實約蓋舊志有不應詳而詳者如宦績人物并各傳是也有不應略而略者如山川古蹟田賦兵防及漕河等志是也夫三代以上之人物事功見於四書五經者夫人而知之矣天下必無不讀四書五經之人而專讀通志者如止求觀通志而未嘗見四書五經縱極搜羅彼亦茫然不曉而舊志乃以四書三傳中季文孟獻史魚蘧瑗諸人點綴三代之人物名宦是所謂罍一而漏萬也今孔門弟子另詳闕里其志宦績人物皆從漢始凡列國名卿士夫第於經傳中求之志不具載蓋豐功偉烈實繁有徒非如帝跡

侯封之可以約略數也載而不備毋甯缺而不載此則舊志之所詳而今從略者也至於山川則有脈絡之可循古蹟則有沿革之可攷田賦則登耗隨乎時盈虛酌乎數積必期其可散施必謀其可久兵防則因事而設險思患而豫防河漕則今昔之創修不同工役之先後有序凡此皆體國經野之規模雖極纖悉皆成具體此而不志其志維何此而不詳又烏乎用吾詳者且山東爲環海要區膠萊舊爲運道廢興成敗灼然可觀而海疆一志舊志闕如今特補輯則又不特彼略而此詳且此有而彼無矣他如修城修學修公署修亭臺舊志有則必書且纍纍不一而今頗爲區別凡城池學校雖曰有司之責而留心者少故踵事增華必予之以表靖共之意於其間也

山東通志

附錄

舊志凡例

二十一

山東印刷公司排印

一節至居室之善遊觀之美彼自爲筦簞之計甯躋之謀創則必書修可不載此則詳略之中又自有詳而略焉者非無意於其間也

五曰別異同 詳略之審已定而同異之辨又有違衆而獨立者如舊志有聖賢而無闕里又以雅樂另爲一志彼固謂闕里自有專志也殊不知東省之異於他省者正以其爲聖人之鄉而我

朝

列聖之崇儒重道又高出於漢晉唐宋元明之上則彙輯一志似不可少惟以禮樂彙括其中正不必以雅樂另爲一志也此與舊志似異而實同者也至於人物一志則舊志實多可議

者嘉靖志分六府爲六卷則一國之善士亦同於一鄉其所推之量不廣然地以人重不過稍存拘墟之見爾至康熙甲寅志則六府人物之外又分隱逸孝義儒林文苑諸名色豈以隱逸爲非人物乎又豈以孝義爲人物外另一標榜乎抑人物內竟無孝義者乎至於雕龍繡虎藝苑崢嶸立言之重次於功德儒林文苑何所分別即有本末輕重之見亦不可謂非人物也夫四科之目十哲竝崇七十二子之徒身通六藝若非闕里另爲一志勢必屈顏閔爲隱逸進游夏於林苑也謂之人物定訐幾何不與馬遷之貨殖游俠同其不倫也哉夫人物之分門別類例起漢書厥後唐宋操觚之家奉爲成式此在國史則可非通志可效之顰也今上自兩漢以迄

山東通志

附錄

舊志凡例

二十三

山東印書公司排印

於今以時爲先後而序之使後之尙論者於誦讀之下自具心胸各出手眼正不必過爲區別以滋擬議也此人物一志其人同其事同而書法之似同而異者以此

六曰信古而擇 語云擇之不精則說之不詳通志所取材於

古者大約什居六七然而信古之難也紀載所傳惟六經無可擬議子史所言輒須採擇子多寓言失之誣史多深文失之鑿而况文人學士偶不及檢則相沿蒙昧誣者愈誣鑿者且安其故矣如吳門白馬之誕妄出於祖庭廣記而泰山之上遂有越觀峯因越觀而周觀秦觀相因而起跖爲盜於東陵展禽之弟也禽食邑柳下在僖公二十六年是時孔子未生焉得與展氏弟兄往來問答尸子矯誣之談荒誕已極而

章邱乃有柳將軍墓登其傳於志舊志仍之此不當擇而去之乎至於陽貨則事見魯論春秋其人其跡無可疑者然而貨乃魯之盜也於盜而取之薰蕕同器矣乃一坏之土與尼防竝列可不鋤其非類乎凡此皆舊志所擇焉而未精者也他如五大夫松之爲爵級無字碑之是漢而非秦先喆已有成言不敢勦爲己說也隨志辨明概難枚舉擇善而從詎敢自附於知之次也哉

七日隨俗而遷 麻冕而純儉則可從也獵較而祭衆不可違也蓋無關綱紀之大則因革損益之宜雖破觚爲方亦時勢所不免志中今昔異名前後異轍者指不勝屈然相沿成習猝難遽改則亦不得不仍之以徇一時之耳目茲凡一名一

山東通志

附錄

舊志凡例

二十四

山東印刷公司排印

物一邱一壑之微不具論如小清河之爲濟水故道自宋熙甯以後乃行潔瀆而後有大小清河之名歷城以東爲小清河爲古濟歷城以北爲潔瀆爲今之大河自濟行潔瀆之後大清之流日盛小清之流日微而日淤至明成化間有言小清發源於灤水者矣因金劉豫曾導灤東行而遂謂此劉豫所開也至今日則小清河又源於章邱之獺水矣因獺水見在奔流橫溢而小清其首受也蓋就目前之形勢而論之則觀者易曉聽者易受此古河而被以今名不得泥古以變今也至如九河故道湮塞已久先儒聚訟終無確指然居今稽古必以近古之言爲可據談川流者桑經酈註即指南也乃今則以篤馬爲馬頰矣以灤水爲徒駭矣徒駭之上流不五

十里又名鬲津矣其下流不百里又名鈎盤矣邑志各自不同而折衷迄無定論今將以古河之名改而易之則敷奏既有成言章程已非一日雖桑扈不能起大禹而證之於今日也莊嶽雖專其能敵衆齊人之咻也哉此不得不比而同之者儉也吾從衆也然滌源之要重在利害之有無而不在稱名之今古則以今河而被以古名亦無不可但後世博雅君子不能無鹿馬之嫌爲前人罪也故今昔之辨於水志獨詳而隨俗改易之故如斯二水者可類推之矣

八曰正訛以傳信 沿襲之誤自古有之然明知其誤而沿襲之則又不可舊志所載頗多紕戾其無關緊要者不具論論其大者如堯陵現在曹溪間歷代史書可證成陽靈跡尙存

山東通志

附錄

舊志凡例

二十五

山東印刷公司排印

明初秩祀於東平者仍元之舊也夫禮失而求之野有司不能救正而學士大夫更從而附和之則魏煥文章不及二陵風雨矣齊梁二蕭乃南服之雄蘭陵卽今武進也乃誤爲沂嶧之蘭陵而尊爲帝迹與高陽少昊弁冕東邦人則傑矣恐非地之靈也又何怪乎琅邪王氏東萊呂氏因其祖父而及其子孫羅而致之論世之謂何此等訛謬俱已隨志辨明釐而改正非好辨也亦就其心力之所知而已又有甚者如以今日之濟陽目爲唐宋之濟陽而山川易位矣以復舊之新泰疑爲兩設之新泰而建置游移矣此固非親歷其境不能眞知而灼見之也他如無關緊要者如安民亭不夜亭等乃王莽改縣爲亭卽古之鄉亭也而舊志盡以臺榭白之列於

宮室此千百世之周郎皆欲起而顧之者也既已刊其三豕何容更置一喙

九曰闕疑以慎言 郭公夏五春秋所書雖以大聖人筆削尙難慎如此故史之闕文三代之直道也東省相沿誤謬已約略言之矣至有明知其似是而不敢妄爲異說者如舜耕之厯山載籍所書睹紀非一河東無論矣卽以東省而論一在曹濮一在濟南凡諸馮負夏河濱雷澤各有其證山各有廟廟各有井卽事命名處處無異近又郟費之間因媯亭山而疑漏澤爲雷澤彰於邑志然景仰聖賢不得云過彼此互見存以備考此博物所原諒者也又如夏后氏斟灌斟鄩萊灘等處確有遺跡而漢書與杜註則主平壽路史與竹書又主

山東通志 附錄

舊志凡例

一二十六

山東印刷公司排印

鞏洛湯居於亳尹耕於莘不待他求者而今曹縣有湯陵有尹墓或又以北亳南亳解之至厯城之南山有太甲陵章邱有赫胥氏陵昌邑有倉頡墓濮陽爲帝邱則旣聞之矣而聊城之東亦有顓頊墓然此猶可以世遠年湮爲解至七十二子則闕里有志主鬯有人而閔子之墓有二冉子之墓有三曾子之墓有二又宋之蕉花孝女定陶有其墓表長清有其祠廟膠州又有其里居類而推之中都之卽爲平陸緣陵之卽爲營邱此等疑義辨之難正之亦不易也然聖賢過化存神原在人心目間則無妨以似者爲眞故各本所見而兩存之其亦郭公夏五之義云爾

山東通志原序 康熙十一年

張鳳儀

儀受節鉞撫東省之踰年奉上命輯輿地書惴惴栗栗乃屬
藩臬監司諸君子曰國憲大者孰逾於茲即無論吾輩簿書
塵勞掌故疎闕而東省諸文士不皆史才事典核辭雅馴豈
必一一盡懸之國門求其釐然秩然得卒業而無憾猶兢兢
乎難之也於是左轄施公檄取諸郡邑乘閱數月始前後至
集諸文士共厥事將告竣余以憂去雖未得獻之闕下然受
事已匝歲矣例有序儀嘗謂東省志難有數端孔子曰吾志
在春秋是紀述之文昉自尼山當其時彙百二十國之寶書
考二百四十二年之行事筆則筆削則削高賢如游夏不能
贊一辭左氏公穀氏各爲傳與微言大義時有所牴牾不盡
合故天下後世莫能繼漢魏以下如晏謨酈元伏琛于欽之
徒或次其山川或次其風尚或次其生長州里等之稗乘叢
談而今之學者又多不及晏酈伏于諸人欲慨焉登壇網羅
前代之舊聞咨詢當世之遺老裒益多寡斟酌詳略求無愧
於先民有啟於後覺其難可知也孔子曰文獻足則能徵東
省兵燹頻仍絃歌甫作檄諸郡邑志或以補罅應或以續貂
應甚且漫以文具應而六郡百四州邑之參差至者僕謀野
而獲舊通志斷自嘉靖之癸巳已閱百四十年世代鼎革人
事滄桑於例爲因可因者無幾於時爲創可創者莫信有可
已而不已得正而莫正者事不必盡與昔異而體無敢淆人
不必盡與昔同而義無敢濫省裁於郡郡裁於邑其難可知

山東通志附錄

舊志原序

一二十七

山東印刷公司排印

也山左名區羣賢彙生儒俠異趣文武殊塗議論紛紜學術同異事匪一揆勳皆各奏迨至百年以還甘陵之部已分元祐之黨弗解門戶競張神羊莫辨欲使隸著作之林者義取春秋評高月旦索君子之微原罪人之過其難可知也禹貢青州鹽絺鉛松怪石管子衣履被天下漢尚方機紬出自東土唐宋猶然迨自金元來悉匪其舊矣一望汙萊物力幾盡儼然師尙父初賜履地澤鹵人民寡之時今按圖而稽之不守株刻舟之見乎其難可知也是故數十年間薦紳先生文學子衿所徘徊瞻顧展轉靡甯怒焉自阻有不敢從事於茲也今幸承

聖天子垂太平之庥建中和之極損益百王紹隆復古納閣臣之

山東通志

附錄

舊志原序

二十八

山東印刷公司排印

請紀山川以誌其疆紀人物以表其績紀政教風化文章典籍以綜其炳炳蔚蔚之烈余同諸君子於爽鳩大庭之墟訂軼聞飾新觀以正名辨物體國經野之役媚于天子善乎吾輩所遭也諸君子曰是僊取具文余拜手稽首曰幸矣幸矣吾輩隸地大聖人誕跡天下學者所歸宗於著述則當續三傳能取具文則乘檣杙嗟乎其後矣尙何求歟尙何求歟

原序

施天裔

康熙壬子秋七月

上諭閣臣請勅天下勒職方以進山左爲股肱近地義弗敢後中丞張公實經理焉裔得徵諸郡邑所載以次至乃集諸儒生於棧士院踰年告成今中丞趙公筆削纂定拜手稽首獻之

闕下裔敬以序附序曰禹畫九州山左一區分青兗徐秦漢
來立瑯琊齊魯東海北海濟南泰山千乘樂安諸大郡國其
於天下三之一或十之二歷唐宋金元兼數節度軍州不啻
侈然大矣家著書人立說縱橫紛紜是非同異學者務綜其
一邇日老成告謝圖譜散亡學士大夫之盛德大業不盡彰
忠臣孝子志士仁人之峻節偉烈名賢高隱潛善幽踪暨閨
閣之倫從一不渝矢死靡他不盡闕碑版誌篆古文奇字金
石稗乘所逸委翳於深林邃谷野廟叢祠荒村舊塚者不盡
出不若不常如龍鬪馬山烏化端門熒熒怪怪入諾皋雜俎
之錄者不盡搜啟禎之際門戶分別議多騎牆傳信傳疑所
聞所見不盡確今於浹歲之間輯成書獻含元而頌中外儼

山東通志

附錄

舊志原序

二十九

山東印刷公司排印

然東國信乘以備太史之採得無疑其速其疏十年作賦畢
世窮經非山左之已事乎余用是滋懼謀諸薦紳父老諸薦
紳父老僉曰是已匪所論於山左也山左漢大儒箋疏唐宋
人撰著列在學官掌故天下文學鉛墨之士所童習日仰者
正不待搜之名山訪之佚憲攷之斷碑殘碣已釐然大備况
所集諸儒生其於晏謨伏琛李昶于欽王闢之沈亞之阮敘
之虞孝基諸編皆素能考其篇章較其得失近東省人物傳
稱詳稱贍諸儒生甯不識爲腹鵠更六郡百四州邑成書前
後摺載至故山左文獻載籍不患其不備患其不核不患其
不徵患其不斷核在速斷在果豈可與拘牽義例淹忽居諸
倚徙一字闕筆經年負

聖朝銳求方策至意同日語哉今日者造逢

盛代頹仰累洽

天子敷治興文媲美隆古輔臣元老啟沃芻牧博采兩中丞撫甸
保釐究心墳典倡舊績學潤色昇平與立陳十事日進萬言
不今昔合轍歟舊志輯於陸公鈺陳公沂諸人迄今百四十
年衆推鴻雅詳略得宜茲不過汰裁者十之二三增補者十
之一二思廉非獨造之編延壽有家存之譜成模在列故憲
可遵又曷疑於其速其疏耶于文定公慎行鍾大司空公羽
正每語人曰曩修郡志但取架上諸經史集其事其人已自
充帙非若他方鈞隱致幽旁蒐別詢多費時日政以此爾裔
既拜嘉諸薦紳父老之辭再爲思維裔濫竽茲土十五載矣

山東通志

附錄

舊志原序

三十

山東印局公印

鴻雁甫集百堵方作幸

天子軫念元元賜賑賜蠲漸樂承平但年來災沴頻加岷多憂歲
其戶口登耗生計多寡藉輿地書以獻是裔之責也夫是裔
之責也夫若云體例咸當裁正得宜窺三長之一班免五失
之交謫裔與諸儒生所弗敢受也茲役也取其文焉已爾

原序

梁遂

古者列國各有史而又有四方之志故九邱之籍至周猶存
爲外史所掌自封建廢而史惟朝廷有之至漢而司馬氏史
法大備及東漢汝陽作風俗通之後郡邑始各自爲志志非
史也而所識者地里人物風俗藝文之事無不畢載則雖郡
邑之志而史之體略具是志亦史也然志與史繁簡異矣猶

之郡邑各有志而郡之不同於邑省會之不同於郡其繁簡異亦一也東省久無通志非無志也志亡於兵燹而散在各郡邑猶之無志也散在各郡邑而修之者無人郡邑亦猶之無志也郡邑無志而通志亡矣今

天子稽古右文敕修各省通志進之秘省曾爲一統之書煌煌巨典哉蓋一代之興莫不有制作文章以潤色鴻業今海隅日出胥入版圖使古今文獻散佚於名山之藏及野老傳聞斷簡殘碣中不能摺撫無遺闡繹而紹明之登之史牋而炳於星日甚非所以光至治也此志之修所以不容已也屬者方伯施公遵

功令下教各守令加意蒐訪幸而襄陽之耆舊猶存東魯之靈

山東通志

附錄

舊志原序

三十一

山東印刷公司排印

光尙在得從兵燹之餘徵往事而考遺編闕疑訂舛葺舊增新綱目犖然具舉而義嚴法備又得史氏遺意蓋閱二載而始告成事焉嗚呼志闕於百餘年而成於一旦不可謂之難矣然通志成而各郡邑之志尙多有闕亡者是昔之通志成於各郡邑志旣修之後而今之通志成於各郡邑志多闕亡之日此通志成之之難而施公所以處難而成通志之苦心不可沒也余乃從諸君子之後而進一言曰天下久安長治之道其盡在斯志乎帝王之學與縫掖不同治法道法同條共貫者也故即往昔紀載之文與採於輜軒掌於小史者而觀覽鑒戒之意存焉蓋治天下之道不外土宇版章山川阨塞封建賦稅祀典風俗數大事而已一人不出深宮而能周

知天下之大則於是而諗因革損益之宜所以調劑政教而休養斯民之道不越乎此安見志之登史歲而炳星日者徒以備掌故已哉昔唐宣宗命學士韋澳集天下風土利弊爲一書置之座隅名爲處分語則斯志也旦夕上之睿覽隨宜處分斯民其尙有厚幸乎太史觀風齊魯行具絃歌之聲洋溢於詩篇矣

原序

楊毓蘭

余視東諸人士事報竣適通志將告成例以序勉從歸鞍就之心皇皇其未已也曩余按部諸人士肩輿跋涉數千百里東之境殆遍焉即大夫先生文學子弟田農野老生長其地者未必如余之縷縷悉也念家食時慕岱慕大海慕聖人之

山東通志

附錄

舊志原序

三十二

山東通志附錄

居間一至生平可以無憾余旣得歷五觀峯登文成日主祠更昕夕顧瞻闕里下諸形勝名跡欲纂一紀載如陸務觀之記蜀楊用修之記滇疑藝如沈亞之于思容之記齊魯疑隘進而如馬第伯之儀封禪酈道元之注沂泗諸水疑僭疑疎如段成式之廬陵官下榻載其紀乘歸而東之省志闕於百餘年郡邑闕於百年或數十年大半淪於兵火灰燼之餘其僅存者漶漫磨滅如蟲痕鳥跡汲冢石鼓又疑誤疑漏昔太史公足跡遍天下仍必抽之金匱石室始爲史記又疑其一

家之書不尊不信無論海內之稽文考獻紛紛其人卽歸而

天子以山川人物土俗戶口徵諸郡國而東省左輔重地文學天

性掌故繁多遠邇視以爲鵠式兩中丞公左轄公慎厥事簡厥僚嚴厥體例集儒生名彥翻覆討論必求雅求馴以詔來茲較之稷下諸人堅白同異縱橫無稽之談洸洋弗急之務雖文辭弗嫻而義類當過彙曠古之遺跡成

昭代之盛業

朝亡開弘文館敕諸翰苑曰此大聖人之鄉書首核之爲諸直省倡比通典北堂諸篇止藻繪爾豈足髣髴其萬一哉而名山之藏粗搜梓人之役未竟乃瓜期得代計日遄歸僅於旅鐙馬足之隙摻觚應之終無裨於我中丞公左轄公琳瑯之製金石之模此余之心皇皇其未已也雖然昔司馬溫公著通鑑二十年而後成凡與其時者皆分以爲榮余追隨左右

山東通志附錄

舊志原序

三十三

山東印刷局代印

去猶得以敝帚附元晏可盡解諸所疑歸而與邶邶之父老撫新帙則一唱而三歎矣遂拜手而書之以附於諸公之後

原序

沙澄

或問志與史同乎曰史隸乎官達乎上總核名實固已若志初皆某郡某邑之名人生長其地習知其事記之於冊傳之於後名雖不同其實則同我

國家文德武功超越千古六合內外罔不稽首稱臣貢賦獻寶自古之有天下者未有如我

朝廣輿之盛者也昨者

皇上允閣臣請將修

大清一統志先徵天下邑志郡志通志以爲證據典甚隆重夫

山東舊有通志屢經兵燹百無二三今欲起而新創之今昔殊宜繁簡殊目眞贗殊辨期得一當上付史館難矣幸我方伯太瞻施公飲冰茹蘖愛民奉公賢勞於茲土已十有餘載凡我東之山川形勝戶口田賦諸要務早已胸有成竹又從而取一百零四州縣之新舊邑志登萊青濟兗東六府之新舊郡志羅列於前又從而延名紳碩儒授簡授餐參之典籍咨之父老筆者筆削者削閱歲月而通志成用以黼黻皇猷光昭混一裕如也志成走使千里問序於余余樂聞此舉之告竣也故力疾序之

原序

艾元徵

康熙十有一年時海宇清晏

山東通志

附錄

舊志原序

三十四

山東通志卷之四十四

朝廷方事文志大學士曲沃衛公請修天下通志

詔曰可越甲寅東志成中丞趙公藩司施公乃以其書示余且屬之序余於時承乏司寇方治爰書不暇何能於訊讞中理鉛槧舊業爲雖然余生長東國又嘗列侍從與窺石渠天祿之藏今所編皆吾鄉里掌故而欲以不敏辭固不可爰勉讀終帙其爲書目三十卷六十文八十餘萬自唐虞來青兗徐三州職方之所列以至今日六部之所部其中沿革分合廢置之詳廣袤縱橫數千里內戶口登耗田賦盈誦之數躔次之所入土物之所宜岱宗東海清濟濁河巖壑鴻濛之偉觀與夫大庭帝邱雷澤廣桑帝王聖賢之遺迹尊尊親親尙賢尙功庸庸祗祗之流風餘澤尼山杏壇及門七十二子之前

言往行易象春秋尚書六藝之文以及經師文士之撰記或綜其宏綱或臚其細目於是撫卷歎曰嗚呼備矣念余自童時聽里人談日觀天門之勝南眺重嵐依稀欲睹濟水近遶几席沿流東下眴目而望海若闕里故宮近在三百里間亦謂宿春可達乃竟以早玷仕籍未獲一往今披圖按牒已不啻親履其地誠生平一快也因復思輿圖九土中山固莫尊於嶽水固莫盛於海道亦莫大於孔孟惟茲海嶽鍾靈毓秀代產英賢由來尙已顧實賴歷代賢牧伯之武緯文經及是邦諸先哲之綱維表帥今披圖按牒又不啻如觀其人則又不禁爲之三歎曰是嶽也海也應亦甚幸其爲洙泗鄒魯之遺也由斯以觀則是書之及時修明要亦重得人哉憶是書

山東通志

附錄

舊志原序

三十五

山東印刷公司印

自明嘉靖間一經諸君子釐輯迄於今又百有餘年矣啟禎之交凶荒洊臻羣盜若蜂蝟兵燹之餘簡編煨燼元元之流離僵仆者且什室而九入

本朝三十年然後荒萊復闢逃散復歸禮樂復起又幸有賢大夫相與休養安全而庇其室家迺得以燕暇致儒彥掇拾舊聞以告成功則於此覘氣運之興衰歎遭逢之匪易願凡有經緯綱維之責者期務俾茲土之士庶無或失養無或失教其庶幾共恬休暇得相與考稽討論永永如此日也然余之撫卷而歎者仍不止此蓋志之爲書史屬也史以紀成憲示觀法惟春秋得孔子而道法備著昔孔子作春秋則百二十國之寶書盡歸筆削其大義旣著於經左氏次其事爲傳若

夫國語則列國之成編網羅舊聞之初本也左氏因而詮次之耳今者

聖天子思昭一統之盛勒爲全志先徵文獻以備采擇而吾東國通志刻期告竣其以供編摩資紬繹以仰裨

鄧隆大業者功誠不細用藉手以報二公曰是書也謂有當於成憲觀法孰與於史雖未敢遽以臆斷若以爲春秋之有齊魯語何惡乎然余之惡則有不知所以自解者是書所輯近代人物曾王父及府君兩先人在焉昔嘗公舉鄉賢矣今復得附不朽懿節熒行孚於宗邦而余所以光大之者尙闕然無聞亦唯默然抱此長惡而已

原序

于可託

山東通志

附錄

舊志原序

三十六

山東印政公司排印

不明六經之旨者不可以作一代之史不精諸史之法者不可以修一省之志蓋志表裏乎史史表裏乎經故修志之難與作史等而修山左之志尤有難於諸省何也辨色首尙乎青審方先及乎東星燧迴旋必循甲乙日月臨照爰始滄溟天地之朝氣於斯彙集故五岳並尊而岱宗尤重百川並長而洙泗爲先百王千聖並垂而水精之素王服教畏神至今未墜是非操燕許之觚者與爲傳述幾何不貽譏於蠹測而蕤擊哉矧山左之志夙有成書明備之餘難於刪其舊而近代之事缺焉有間採訂之下難於繼其新今中丞趙公奉天子之命纂輯全書延集名儒分曹著撰而藩憲諸公實董其成閱數載而事竣繕裝成帙而授余讀之見其或筆或削文減

事增損益舊聞燦然明備至新之所續一秉前型經緯三長無異范繼班而班繼馬猗歟盛哉齊魯之大風盡於是矣其稽蹊野而紀災祥消息之理本乎易任土宇而詳貢賦職方之考本乎書收藝文而徵得失風謠之採本乎詩明制作而示中和範圍之教本乎禮樂別人物而表懿德予奪之意本乎春秋彬彬乎足爲國乘之所取裁館臣之所資討豈止若典錄之志於會稽風土之志於襄陽月令之志於陳留精藍之志於雒下爲獨管單絲與當簫韶之九奏者哉是爲序

原序

伊 闕

我

皇清開天闢國肇域四海幅員既長前代所未有也然其間陵谷

山東通志

附錄

舊志原序

三十七

山東印刷公司排印

變遷人物代謝郡邑沿革異制壤賦高下異宜且民俗之貞淫道里之險易戶口之消長物產之盈虛與夫文獻之存亡吏治之得失十五國蕃然不齊雖龍門扶風不有所徵信欲鑿空以成一代之史何可得乎矧吾東爲

神京左輔昔周公太公分茅賜履在焉厥後天開聖人垂教萬世降而桓公定霸雄長諸藩泱泱海岱之間匪直形勝甲天下固天下聲名文物之所從出也自孔子作春秋其時王室而下列國皆有史至秦分天下爲三十二郡非天子不得操史之權我齊魯無專史矣迨班孟堅作輿地志而秦以後之郡邑較若列眉於是郡邑各有所攷鏡而自爲圖籍郡有志邑亦有志猶古列國有史之遺意也顧不重乎哉顧今天下

之郡邑繁矣

本朝置直省分領之碁置星羅之中有綱舉目張之勢焉故郡邑之志非合綜爲直省之志則散而無紀而一代之史必取材於列國之史乃信而有徵

今上爰勅所司徵各省通志於以揚挖休明昭示不朽甚盛典也我方伯泰瞻施公具良史才而以宣猷布化爲職初捧檄皇然如有所弗及者曰是豈空文而徒以塞責爲耶爰輯六郡諸邑舊志折衷而損益之博採見聞網羅故牒自壬徂甲謹廩周詳三易暑寒而成山東通志凡若干卷皆大中丞則來之張公實董其始至我松雪趙公而受成焉余讀之而益有感於志之爲用大也夫志所以佐史之闕故去疑而從信或

山東通志

附錄

舊志原序

三十八

山東印刷公司排印

詞微而旨嚴則頌諫之道存焉而史所以補詩之亡故舉山川名物之奇卽天道人事之變而興觀之義出焉以吾東北聯畿輔南控江淮西距大河東環渤海是千百年不變之形勢也然有時險爲我用卽有時險不爲我用此未嘗易地而理也其足恃不足恃之故可深長思也往者穀擊肩摩雞鳴犬吠稱旣庶矣而闢土絲蠶其本富也官山煮海其末富也自故明流寇爲虐土滿人稀嗟此子遺之民幾成榛莽之國矣頃有司宣

上德意雅意招來漸甯榦止而元氣未復轉徙時聞且河患劇而妨耕鑿之時海禁嚴而失魚鹽之利重以皇華孔道漕運必經舟車驛騷疲於奔命此未嘗易民而治也而撫今追昔其

聚散憂樂之故可深長思也禹貢兗州之田中下厥賦貞青
州之田上下厥賦中上蓋兗賦最薄而青得中焉準諸其地
也明萬厯時山東田土六十一萬有奇夏秋稅貳百八十五
萬有奇國用既充民力未殫自兵燹之後田額日減賦額月
增民困極矣我

國家因田制賦計一省田賦之數視萬厯時僅什之七乃既以
除荒而蠲賦復以勸墾而包荒始於損上而不終於益下者
何歟夫土之黑白墳猶是也後之石田皆前之沃壤也即今
賦爲三等與禹之賦設九等無異也後之病於積重卽前之
無病於積輕者也此其前後羸絀之故可深長思也以齊之
敦龐而習爲功利夸詐以魯之禮讓而流於樸野無文風斯

山東通志

附錄

舊志原序

三十九

山東印刷公司排印

下矣今日且喜鬪健訟挺而走險我先公尊賢親親之遺訓蕩
然無存焉風氣之淳而澆可諉之運會之升降乎古昔聖王
之世禎祥不以告而災異必書自有深意然考漢安帝元初
三年東平樹連理八瓜同蒂魏武帝正始二年齊州獻嘉禾
三年十月齊州甘露降宋太祖開寶七年齊州野蠶成繭神
宗紹聖三年齊州禾異畝同穎合秀九穗金宣宗興定五年
山東行省蒙古綱奏慶雲見命繪圖以進一時和氣致祥民
間饒樂可知也後世日生理風拔木蝗害稼隕霜殺麥未幾
而星變未幾而地震固天心示警而民命係焉休咎之異其
徵可諉之適然之氣數乎士生聖賢之邦讀孔孟之書凡文
章華國德業傳世者亦濟濟多士矣而忠孝節烈之概間得

販夫匹婦之中蓋山澤之鍾靈然也即先輩宦轍所及其足以表東海而紹明周禮之在魯者代不乏人天之生才若於吾東有私厚焉然而典型易謝步武難齊生斯土者雖有美質不必如華歆之龍頭王衍之瓊林玉樹也雖有積學不必如伏生之治書高堂生之治禮匡稚圭之說詩解頤也雖有吏才不必如于定國之任廷尉汲長孺之爲社稷臣也雖有將略不必如終軍之棄繻秦瓊之圖像凌烟閣也雖有氣節不必如羊祖延之任達薛方之杜門著書雖有品行不必如管幼安之擲遺金王子明之善抑奔競也即官斯土者豈無勤敏而呂公著之黎明聽訟秉燭視牘不可幾矣豈無廉節而范萊蕪之清貧晏相國之節儉不可幾矣豈無寬仁而以幾龔遂之化盜賊范純仁之釋獄囚者有間矣豈無風力而以幾史弼之不奉鈞黨曾鞏之不遵變法者有間矣豈無疆項而以幾陳蕃之笞梁冀使杜密之按宦官子弟者又有間矣此師儒之興替可諉於莫之爲而爲而政績之隆汙可諉於莫之致而致乎我方伯之成是志也蓋於吾東有厚望焉於治吾東者有切責焉故能使讀者見作者之苦心而不禁流連往復於其際也是志登之

天府上徹

睿觀將見

聖天子憮然東顧於志山海而思慎固封守之義於志民人而思生聚教養之方於志風土而思化民成俗之機於志田賦而

思酌盈劑虛之用於志災祥而思省歲格天之學於志尼山
闕里而切崇儒重道之誠於志宦蹟人文而申鼓舞激勸之
權懋養賢育才之典繼自今有事東土者率我方伯之志兢
兢於學道愛人以變齊變魯爲己任而此邦之大夫士亦莫
不飭躬砥行專一晶魄以起地靈庶幾作者之苦心於焉少
慰而我方伯亦可以對揚

天子之休命也已余旣免喪將攬轡還朝而有感於志之爲用大
也爰應方伯之請而爲之序

山東通志

附錄

舊志原序

四十一

山東印刷公司排印

山東通志原序

嘉靖十二年

巡按方遠宜

山東通志者通志山東也山東總六郡諸州邑皆古列國之故墟其山川人物事蹟紛錯不一或割裂於昔而統會於今或舊屬於彼而新隸於此古今國邑不同事文貫絡不絕通而志之宜也自昔哲又迭興光昭簡冊惟孔子之生於是天下萬世宗而師之遂使山東以誕聖聲宏天下顧舊志寂寥無聞曾不若遐荒下邑識者病之嘉靖壬辰予承乏按是邦受命而來見藩臬彬彬作者有人乃問以是諗之適提學憲副陸君舉之得先提學余子華氏志草出以相視因與共圖成之於是檄有司咨故老徧訪山澤聞儒請發鄉士大夫之家藏掇拾殘碑斷碣所謂周彝孔鼎岱山鄒嶧之石刻落於

山東通志

附錄

舊志原序

四十二

山東通志原序

山崖邱莽之間凡遺蹟往跡墟而未湮蕪而未泯者搜括殆盡而其顯然散見於經史子集者則任探索浩瀚而必致也於是議纂修之職僉推讓以大叅陳君魯南與陸君任其事召屬吏之蘊藉素深者輔之請于巡撫靜菴袁公以是歲六月開局越一歲有奇書成蓋亦偉矣惟時兩司方伯邵君思抑楊君秉節憲長屠君安卿輩屬予爲序予不敏且日近案牘舊業益荒固遜於秉筆諸君使各敘其著述大意旣而言不容已乃復之曰卓哉予行蓋嘗由厯山至徂徠望嶽涉濟瀆汶陽東觀於海於是見少皞之都虞舜之井周明堂魯靈光系漢登封駕海之轍延數千百載不隨谷變脉脉可考遐哉邈矣其詩書之遺乎又嘗抵琅邪登孤山過平原蘭陵厯

覽諸侯盟會鄉士大夫聘問之墟縉紳學士談經授業之窟而采薇之歌遊豫之詠麥邱北郭之辭颯颯乎猶可想見其子史之載乎又嘗閱東蒙龜冕陟嶧山歷洙泗而叩兩觀之基三遷之址凡陋巷甕牖之居浴沂耕魯逃汶之地與夫隱處辟仕彈琴絃誦之邑隨在未淪而顯其存鄒魯之流風矣昔太史公徧遊海內適魯觀仲尼廟堂車服禮器低回留之不能去曰想見其爲人可謂至聖矣卓哉予行亦將以采風焉蓋嘗知其可志之大者已故志也者典章存焉政化繫焉顧齊魯政俗不同爲治貴審所尙而已耳昔者周公以尙父伯禽報政而預斷其後世有強弱之異而孔子問齊魯一變拳拳焉思復文武之初歷代世變千有餘年至我皇明混一

山東通志附錄

舊志原序

四十三

山東日知錄卷四

區宇禮樂大興山東中接兩京涵濡聖化久而且近相襲文教之傳所在敦尙詩書禮義之習文獻之盛望於天下而此志之作亦其時矣予旣得而讀之其考古博稽典精揆格整其據跡而述事也辯而嚴脩辭而正義也詳而莊蓋草創潤色裁正銓次咸得其人各盡所長煥乎成文足以徵諸有政而傳之四方矣然予竊有懼焉山川形勢述矣而懼夫經野正域之規久則或紊田賦戶口述矣而懼夫租庸伸縮之制久則或耗封建職官述矣而懼夫沿革守掌之戒久則或龐漕河城池兵防述矣而懼夫脉絡之通時變之禦久或忘危失險而屈其力述聖賢文藝則道術明經義顯矣懼其久而澤熄文敝而正脉誰與崇述名宦人物則政績著行業昭矣

懼其久而風韻漸衰而名實誰與辯述學校祠祭則世教盛
物采彰矣懼其久而雋文虛飾而古雅誰與振述孝義貞媛
則端本尙行而風斯行矣而懼夫孳子孤嫠之困厄誰與恤
故志也者所以明典章而寓政化者也論治恢張之本酌時
變通之機必有嘗究心於此者古今勢殊化興有漸作而新
之存乎其人耳惟周公克知其終惟孔子欲還其始亦在夫
審所尙而已矣予從事已久時將復命故於志之成也而以
此言序其端云

原序

右參政楊維聰

嘉靖癸巳夏五月山東通志刻成凡四十卷爲目五十有二
附目十總若干萬言敍曰山東古青兗之域奄有齊魯岱宗

山東通志

附錄

舊志原序

四十四

山東印刷公司排印

渤海亘其坤維大庭爽鳩流其德化孔子孟軻垂其道統方
岳之勝視諸方爲最矧當王畿之南千里而近藩輔之寄視
諸方爲尤重夫正疆域攷山川辨名物紀故實以觀民風以
整吏治莫大乎志蓋在諸方皆弗可闕焉者而况於方岳之
勝藩輔之重者乎所部郡邑間亦有志然闕者居多明興垂
百七十年未有通一方而彙爲全書者謂非曠典與嘉靖壬
辰憲副四明陸舉之氏以視學至嘗得前視學余子華氏所
爲志稿十二卷嘉其有志於斯而嫌其屬草於門人未及定
正不無踵陋承譌小得大遺之病欲身任之顧其事重未能
卒就維時侍御菽莊方公來按茲土首詢及之曰可少是哉
中丞靜庵袁公實當撫臨深以菽莊公之言爲然謀是用協

迺因陸子之請而亟可之檄陸子主其事大參四明陳魯南氏贊之於是定例以正義分門以聚類挈綱以統目選屬吏之有文學與諸生之秀拔者分任編摩校讐之職博求郡邑旁採稗官摛摭藝文蒐漁淪逸會源委咀菁華覈根據從體要酌豐約考同異割疑似務該暢由是事極鴻纖理通皦昧世括今昔倬然勒成一家之言彬彬乎可讀矣蓋其論著發揮之旨刪訂補竄之功多出於陸子之手舊稿之存十不能一開局於壬辰夏五月訖事於癸巳春三月歷四時而一方之書於是大備吁亦勤矣夫自八索九邱之書亡而禹貢職方嗣之有述周禮大司徒之職掌建邦之土地之圖與其人

山東通志

附錄

舊志序

四十五

山東通志公署印

之故周志鄭書傳記可稽秦雖無道圖籍猶存漢氏以來輿地圖經代各有作金元之變人文漸燼我明御寓一統是志其大司徒掌建之意與維茲通志其亦小史所掌之意與嗟乎方輿之紀先王所以重之者豈將侈文軌資博洽爲哉辨封域則保乂存考沿革則興廢著察形勝則鑒誠昭審風俗則汙隆繫計戶口則息耗明驗方物則貢賦經覽山川則封濬寓秩祀典則功德報定官制則職守修采人物則勸懲行綜藝文則述作備本之所以廣學推之所以立政申之足以贊業垂之足以示遠謂可以無作也哉讀是書者當以此意求之茲舉也濟南守楊撫高唐判張寅預有勞焉臨淄令王一槐高唐學正王應槐萊蕪教諭劉應祥實分任之方伯邵

君思抑揚君秉節陳君原習憲使屠君安卿實贊成之維聰以運事役於京不獲與執筆後歸而睹其成也故受命而爲之叙

原序

左參政 陳沂

山東之地自晉五胡倡亂琅邪東渡慕容僭據先王之遺文舊典聖賢之道德辭訓其迹寢滅隋唐混一以後聲教漸聞迄宋建炎之難完顏內侵河東淮北遂爲其地至蒙古則海內盡汗於狄中原文獻不復可考矣天啟皇明我高皇帝汎掃華夏奠正區宇以修先王之禮樂百年始大興英皇乃命儒臣追引往迹蒐輯淪匿用禹貢職方之遺意爲輿地一統志而山東郡縣之事得見於所載焉正德間中丞白沙黃公

山東通志附錄

舊志原序

四十六

山東通志公司印

舉六郡志事未就嘉靖初余憲副子華嘗手譔志草亦未成而去九年庚寅沂轉官茲省得觀白沙公所取古史傳略凡十餘卷他皆未就余志未之見越二年壬辰巡按侍御宿莊方公至首詢志事適陸憲副舉之有督學之任得余志草十有二卷具事請於兩臺巡撫中丞靜庵袁公曰志不作六郡無史矣當亟成之方公喜曰事徵文獻鄒魯之邦志可闕乎當亟成之惟所具事咸可其請遂屬筆於陸憲副而濫及於沂乃召高唐張判官寅臨淄王知縣一槐暨高唐王學正應槐萊蕪劉教諭應祥濟南歷城庠生十有餘人同事編摩濟南楊郡守撫亦與其事六月十有六日開局於貢院迄明年三月稿成人物初取白沙公稿餘取余稿至考正訛謬搜索

遺亡實分局者之功而別立凡例裁定可否總論顛末則皆出陸憲副之手沂附之於舊草僅存其十一耳沂按禹貢九州山東在青兗南北廓有徐冀而西連於豫地若是其大矣高山惟岱大川惟海封國之域惟齊魯曹宋大聖生於魯顏閔諸賢肖者七十餘人孟子生於鄒六經諸家之學盡在於是雖中原屢喪而人文之宣昭與海岱同高深又他省之所未及也夫山川以昭其勝人物以昭其靈宦蹟以昭其政典籍以昭其文此志之大者皇明時夏之盛炳然卷冊稽諸於往世代之臧否風俗之美惡人事之得失可以爲鑒其戶口之耗力役之繁經費之多可以爲警夫志豈徒作哉嗟乎是書之成前後凡二十餘年信乎有所遇也首末簡當有序實

山東通志

附錄

舊志原刊

四十七

山東印刷公司排印

惟臺院初方伯邵君思抑楊君秉節今陳君原習憲長屠君安卿輩皆嘗具事以請復屬筆於予二人沂不敏無能爲役謹序夫志之所由作焉

原序

提學陸 鈺

山東文獻名區維昔虞韶在齊周禮在魯先王流風善政洋洋乎颯颯乎至於今不衰則固文獻之遺矣夫志以稽事載典章往詔來於文獻不重且大乎迺曠焉弗修者幾百有餘年嗟乎是直一方之缺耶蓋天下之文獻繫焉何者海岱天下山川之宗也聖賢天下人物之望也六經天下文章之祖也咸在茲土是故志一方面而徵諸天下莫備乎山東矣迺今人輒曰邦舊者易湮文盛者難述又或諉曰志非一時所能

就而亦非吾一人責也夫其諉之者既無志難之者又不力廢將誰與興哉嘉靖壬辰鈇視學山東訪先學憲余君子華家得志草十餘卷例繁而載略編亦未就竊嘗欲刪訂嗣成之顧奪於校藝未遑焉無何都臺靜菴袁公柱史菑莊方公蒞山東慨茲墜典協謀毅舉鈇遂得爲請許之迺同於藩參陳君魯南更立名例刻期張局檄高唐判張君寅輩集諸庠彥分類編摩酌繁簡剖疑難補遺正訛而菑莊方公按部所至輒探詢故實致之越明年癸巳志成爲卷四十爲類五十有二爲附類凡十於是舊志所存無幾矣或迺言曰山東遭胡元兵燹之餘文史散佚子之爲是志也曷徵乎余曰禹貢以辨封疆述土貢周官以明規制春秋左氏國語歷代史以

山東通志

附錄

舊志原序

四十八

山東自風公司排印

考沿革紀盛衰美惡諸子藝文以辨方物陳土風文史未嘗亡也曰子之用志勤且博矣抑山東紀載有一于茲乎曰晏謨撰齊地紀李觴撰三齊紀阮叙之記南兗虞孝恭記南徐張建章記渤海唐之河南宋之京東咸列圖經今其全書雖不盡見而採拾於酈道元之水經註鄭漁仲馬端臨之志考羅泌之路史祝和父之方輿勝覽與夫寰宇一統諸志斑斑可考山東未嘗無載籍也曰然則如斯已乎曰堯墟舜井之蹟靈光孔壁之藏大庭空桑爽鳩樹尋之故址嶽鎮琅邪登封之舊轍海王碣石之奇觀傷麟歌鳳琴臺劍冢之遺墟蓋嘗歷覽周詢得諸東人之口述焉斯不足備志實耶是故古今者跡焉爾矣興廢者文焉爾矣考跡則世故明因文則典

章著孔子曰所損益百世可知也故是志也稽往質諸訓紀
事核其實纂言會其精據簡冊者多於耳目搜遐逸者詳於
辯證是故以體國經野則矩協以考俗準治則政達以彰淑
懲慝則鑒昭以正名辨物則典究綱陳目舉燦然可徵庶幾
備一方之缺云爾迺若紀載窮於目力是非謬於去取言之
無文行之弗遠余方負大懼焉所謂繫天下之文獻云者余
豈敢哉余豈敢哉

山東通志附錄

舊志原序

四十九

山東印刷公司印



山東通志

人物列傳補遺

宦蹟補遺附

自褚少孫補史記厥後補亡補逸之編代有傳書此補遺所自
昉也山左聖賢桑梓人文淵藪歷代經師鴻儒名臣碩彥前編
已經備載間有遺佚正史傳記多載其姓字或時時見於他說
不患湮沒不彰至

國朝人物自志局續開以前歷年既久中更多故採訪蒐羅未能
周徧往往有立身服官名績彰著而竟未列簡編不無缺憾於
是廣搜志乘與夫私家撰著碑傳志銘僅乃得數十人為之撮
其大凡撰為補遺一卷非敢謂此外無復漏略也拾遺補闕亦
求心之所安而已其有筮仕山左聲施到今功德在民者亦得

山東通志補遺

人物

補列於編復有前代名賢原稿已經編入而繕寫時遺脫者并
附列於卷末焉志補遺

郭心印青州府樂安人歲貢生順治二年任河南滑縣知縣為政
精明振作人不敢欺待士有禮修學宮建義學士民德之

縣志

鍾諤青州府益都縣人由明進士順治三年任河南新蔡縣知縣
矩度端嚴操守廉介招集流亡不一載民皆復業充同考官稱得
人縣西南境為盜藪挾讐殺人之案纍纍諤集鄉兵授方略以次
就禽無得脫者時汝潁間多染邪教扇誘愚民諤嚴治其魁妖風
頓息尤重學校崇獎士類文風丕變至於嚴請託絕苞苴治蠹役
民受其福為政之最卓著者行取歷官至直隸大名道著有四書

詩經制樂山樵詩詞若干卷

節錄河南新蔡縣志



按鍾諤已列前編青州府人物藝術類檢閱河南新蔡縣志及益都縣志居官政績卓然可傳非僅以一材一藝見長者因撮其事略補錄之

王士炳萊州府掖縣人順治丙戌科進士康熙五十四年任滑縣凡八年多惠政乙未大軍西征滑縣尙隸直隸省例辦軍需從容措置絲毫不以擾民又奉調督餉軍前年餘始歸居恆待士訓課不倦多所造就敍功應陞未及而卒人咸惜之

縣志

王爾濟南府歷城縣人戊子副榜順治九年任河南滑縣知縣性長厚潔己愛民興學課士民感其德爲立生祠

縣志

孫大儒山東登州府萊陽縣人順治己丑進士以知縣用居官手不釋卷清嚴自持戢兵安民惠澤遐被至今思慕勿替

山東通志補遺

人物

一一一山東印刷公司排印

王震起萊州府濰縣人順治乙未科進士十三年任河南太康縣沈毅廉靜政平訟理蒞任甫一載內轉升戶部主事任福建提學

僉事

節錄太康縣志

趙貫台泰安府平陰縣人由舉人順治十四年任河南彰德府推官以嚴律己以平持法達不變塞有古儒者風

楊涵字水心青州府益都縣人諸生家本富饒盡施田宅於法慶寺轉仰給寺僧以活棄舉業作出世想遊諸城以黃花店詩得名與李澄中劉翼明及里人王璵似輩遊九仙五蓮諸山工絕句善八分書好畫墨竹至臥竹林中聽其聲論者謂吳仲圭後一人而已涵亦自珍重每作一幅必著於簿恐贗者亂之也好黃白術一日自謂丹成服之暴卒

王璣似字魯珍青州府益都縣人諸生善漢隸畫法黃子久出居庸關聘目塞上畫品益奇晚年攜小妻幼女寓諸城張衍放鶴園嘯傲輕座客嘗大雪挈榼出遊至無所投宿卒後衍歸其櫬葬之

以上節錄益都縣志

郭任仁兗州府陽穀縣人順治間由河南歸德府河捕通判署考城縣知縣性仁厚優於文學刑清政簡禮士重文民有犯法者哀矜勸諭復季考之典廣養濟之恩捐修學宮纂修縣志士民皆食其德

德縣河南考城縣志

王樂善曹州府范縣人順治年間任河南考城縣時印信尙缺獨力赴部請印一顆彬雅飭躬溫恭接物遷山東萊州府教授

縣志

節錄城

山東通志補遺

人物

三

山東印刷公司排印

高啟元登州府萊陽縣人由舉人於康熙十二年任河南安陽縣剛方明察人不敢欺勸墾荒除攤派崇學校大兵討滇南逆藩休士邑境芻艾糗糒之需皆啟元捐貲自備絲毫不以累民民皆德之行取升主事分刑部轉郎中遂卒

韓典字廷玉萊州府濰縣人爲人慷慨好氣節初以効部用任廣東惠州府海豐守禦所千總海逆鄭經據臺灣逆藩吳三桂據滇碣石鎮總兵苗之秀東莞守將張國勳相繼叛粵東守土者多降典抗節懷印劄間道歸我師

朝廷嘉其忠節陞惠萊遊擊時逆氛未靖苗夷蠢動典受命往征逼賊壘爲營忽飛礮從肩過矢集於蓋典曰敵人識吾在故併力於此乃使一卒坐蓋下而自提師潛出賊後大破之拔所掠子女

數千百人以功擢參將當其與苗戰時以刀授兄子曰聞吾敗殺家人而乃自殺以金數十繫弱孫腰中口授籍姓使熟曰吾義不負君天不絕吾後此子可得返鄉里也嗣以疾告歸卒於家年六十有六

錄理
文集

王澍武定府海豐縣人康熙十九年任河南滎澤縣知縣英敏過人剖決如流行取考選以部屬用

王穎士字樸菴青州府臨淄縣人以進士任河南內黃令公正嚴明諸弊盡剔邑每逢子歲始發科咸謂風水使然穎士力斥其說爰集多士篤訓之於庚午癸酉己卯各科多獲雋者甲戌癸巳捷南宮者踵相接也尤長於聽訟張包村瓜田中殺人穎士臨視尸傍足迹朗然令村人比校之一人手搦其履執而訊之果殺人者

山東通志補遺

人物

四

山東印刷公司排印

境內盜竊之案一經呈報無不破獲者而於胥役待之尤嚴絲粒

不許擾民他如禮高年獎節孝禁賭博懲蠹役善政難更僕數卒

於官士民莫不流涕至今猶尸祝之

節錄內
黃縣志

王允中字精一青州府壽光縣人讀書夙若遲鈍乃局戶靜坐百餘日自是一目不遺好爲深湛之思作先天後天圖解多創名理平生敦倫飭紀言行醇如也教人以近思錄爲的一時學者宗之

年踰四十舉於鄉未幾卒

錄理
文集

脩映辰曹州府單縣人由教諭歷任河南商水縣下車卽留心民瘼寬嚴得宜不以喜怒爲好惡決獄多所平反時進邑父老訪問民間疾苦事慨然以興利除弊爲己任商邑地勢窪下一經水潦便成澤國邑之西南舊有穀汾二水日久淤塞僅有河形積水經

年不斷映辰奮然曰此余之責也於是鳩工挑濬閱月而工成上接華邑之龍行溝下至項城入潁東西互百餘里兩岸之田遂成膏腴無復積潦之患矣時康熙五十一年也未幾卓異以知州用調福建晉江縣令邑人建生祠祀之

錄河南商水縣志

王仲愚字拙安號蔭臺濟甯直隸州人乾隆戊子舉於鄉己丑成進士改翰林院庶吉士辛卯散館授檢討充方略館纂修協辦院事 四庫全書館提調官記名御史 文淵閣校理丁酉順天鄉試同考官庚子廣東鄉試正考官轉贊善遷中允洊擢翰林院侍講凡在翰林者十四年辦院事者十一年提調館政者十年皆能舉其職故三遇京察均列一等天性英銳凡事不欲居人後當時不能無恩怨而日久論定亦共諒其無他當書局宏開提調官程山東通志補遺

人物

五

山東印刷公司排印

功稽弊繁劇不減於郡邑其才則游刃有餘政事文章兼擅其勝論者咸以封疆節鉞之器相期許而乃未竟其用齎志以終人咸惜之

見紀文達公集卷十六

馬潤字季荀濟南府齊河縣人幼穎異喜讀書稍長從淄川張榆村遊益肆力於經史泛濫於古作者之文各得其要領下筆落落有奇氣應童子試為學使所賞遂冠其曹乃屢躡棘闈未博一第其母切望顯揚遂輟舉子業而筮仕得戶部陝西司員外郎是司最號繁劇剖決釐剔老吏為之斂手為大學士舒赫德所賞保選上諭處行走旋委平糶均能稱職委辦現審處準情酌理凡所鞫斷皆得其平因母年逾七旬本生父亦八十餘援例乞歸省歸里後烝烝色養無間晨夕逮母及本生父歿無意仕進終老林泉

平生性好施與仗義輕財其妹適李氏者潤憂其貧贈以宅一區田五頃有錢編修敦堂者負其數百金編修歿卽折券且爲經紀其妻子乾隆壬辰山左大饑捐糧千石付社倉多所存活邑中大清橋爲七省孔道歲久剝圯乃獨力新之行旅得不病涉其厚德多類如此者以乾隆五十四年卒年六十有二

紀文選卷十六

史二酉字鄂圃濟南府德平縣人嘉慶己卯恩貢陽信教諭訓士有方教可爲則初在濟南授讀門人多登第者歷年旣久遂家焉二酉篤於內行事繼母以孝聞異母弟七人友愛備至閉門課徒不濫交游樸誠似不能言爲文則經術湛深詞必透宗爲時輩所欽服而屢躓棘闈老於諸生卒年七十六歲沒後數十年猶有知其品學而稱道之者

山東通志

補遺

人物

六

山東印刷公司排印

賈延齡字字九濟南府歷城縣人九歲而孤賴母馬氏撫以成立警才駿發每思以文學繼家聲授室後食指日繁乃棄儒就商雖改業而上承母訓課子讀書未嘗寬假延齡在鹺綱垂三十年爲歷任運司所倚重性慷慨好施與於地方善舉無不爲衆人之倡費數千金不少吝如建義學捨棺木施義田建節孝祠皆相繼舉辦添建學院考棚號堯改修貢院號舍費欸尤鉅大吏爲請於朝加級紀錄至今士林尤感頌之其他輕財好義難以枚舉平居肆力學問精醫卜善堪輿著有地理切要陽宅知要若干卷藏於家子二長楸官利津縣訓導次重熙道光甲辰科舉人

周鳴鑾字興和號曉坡曹州府單縣人嘉慶丁卯科舉人已巳

恩科進士 殿試以主事用分刑部補員外郎秋審處總辦精熟

法律鞫獄不加刑訊而自得其情有疑者力辯之雖上官不能屈以故重要鉅案委讞之扈 蹕木蘭凡速議之案皆屬以核議補河南道監察御史充丁丑會試監試官轉戶科給事中戊寅 恩科充貴州正考官得士稱盛己卯巡視北城在諫垣數年章數十上自郡邑學校之督課科場謄錄之考覈隨扈官弁之職守河員奏報之封章皆切時宜而於刑獄防守稽遲濫押言之尤力得旨允行道光元年授廣東雷瓊道甫下車整躬率屬以廉正相勸勉值瓊州外海黎人將爲患勢洶洶不可遏鳴鑾察知乃崖州營弁以放債重利盤剝激而生變因亟行嚴懲營弁示以威信黎人警服始獲安堵四年轄境歲大荒稜道殣相望稟請大吏凡米船入關稅釐概予寬免出示招商適雷州有二衙蠹私索米商陋規

山東通志

補遺

人物

七

山東印刷公司刊印

嚴懲究辦糧艘源源而來存活百姓以數十萬計於是民皆感德立生祠於海門以祀之鳴鑾久官刑曹嫻習律例發奸摘伏讞無冤民遇屬下有未結之案立行提訊必期平反而後已境內皆頌神君復整書院膏獎以培植多士重賓興典禮以資贈寒峻故獲售者多至捐廉以恤孤窮虔誠以祈雨澤尤政之昭著者耳惜未竟設施四十有八遽卒於任雷瓊士庶感戴遺澤公建專祠於海口以時享祀於同治七年籲請崇祀名宦祠弟鳴鳳字曉崖道光乙酉舉人知直隸香河縣以清節聞子毓梅字冠芳廩貢生萊陽縣訓導毓桂字仙芳號雲圃道光乙酉舉人丙申進士以主事用分兵部擢員外郎郎中外簡廣東雷州府知府在任八年循聲大著以卓異薦調任潮州府改惠州府卒於官毓楷字文芳號端圃

優廩生官聊城縣訓導

楊永詳字盛如青州府益都縣人十三歲而孤連遭祖父之喪家中落母夙患肺疾不能理家政永詳入則操井臼出則食力以給膳藥鄉里皆稱其孝娶劉氏女佐以女紅稍營什一悉其贏供甘旨所欲無不具母日扶攜弱孫嬉遊庭園晚則永詳就燈下設茶餌舉稗官家言陳說於前婦孺環聽爲笑樂母寢乃罷所以博親心之懽者無微不至爲從兄弟舉五喪不以有無豐絀爲辭家譜失修使諸子博考長老第其世次不釀賦而事集性强記聞人談史事卽久不忘教子讀書惟講求義理不以通塞介意其修於身以型家者如此子三長嶧次岫次峒舉人入志乘青州儒林傳

郭夢星號西垣萊州府濰縣人夢齡弟蚤孤事母張氏以孝聞夢

山東通志補遺

人物

八

山東印刷公司排印

星少而岐疑出入必循禮法讀書作文不驚聲華惟求心得語甫弱冠受知於學使季芝昌道光二十六年舉順天鄉試旣由大挑一等分發廣西以知縣試用當是時長兄夢齡歷仕至山西布政使權撫篆仲兄夢惠亦由農曹應春官試成進士改官庶常廣西軍務初靖不次用人知交莫不勸駕夢星曰兩兄已登仕版報國有人余將乞此閒身以奉母也遂援例改內閣中書未授職卽旋里家居奉母不復出郭氏故巨族舊有德以及於鄉凡邑中有大營造及防寇賑饑等務皆捐重金以爲衆倡無吝容無德色而自奉儉約製一裘恆數十年不易雖盛暑不施帷帳每食不逾二簋性嗜學至老不倦讀一書必提要鉤元尤邃於諸史兼習本朝掌故每閱邸報凡朝廷有因革黜陟皆手錄成帙喜吟詩不輕

下筆間有所作清超淡遠有陶韋風平生著述甚富其梓行者有
尚書小札二卷午窗隨筆四卷漢書古字類一卷

郭種德字邁菴東昌府恩縣人幼孤貧事祖母以孝聞中道光壬
辰科舉人丁未科進士以知縣分發湖北卽用到省後適值水災
奉檄籌辦賑撫事宜夙夜在公不辭勞瘁實惠及民至今猶稱頌
之充己酉科湖北鄉試同考官得士稱盛署京山監利各縣事所
至有聲補嘉魚縣值咸豐三年粵匪北竄兵差絡繹捐廉萬餘金
以資供給糧芻無缺未幾土匪熊光字乘機竊發嘉邑故無城垣
種德督率團防扼於三十里外匪間道潛入劫獄焚署長子長女
均遇害聞警馳歸匪已遁去卽日會同防汎直擣賊穴按名擒治
民賴以安宣統元年入祀鄉賢祠著有楚俗雜詠刊行於世子宸

山東通志

補遺

人物

九

山東印刷公司排印

載

宸載字彰樵種德長子咸豐三年隨宦湖北嘉魚縣值土寇熊光
字焚劫衙署持械巷戰力屈死之事 聞入祀忠義祠

孟傳鑄字劍農號柳橋濟南府章邱縣人學問淵博經濟宏深幼
嗜學肆力於詩古文詞奧衍欽奇見者莫不歎服道光丁酉科以
選拔貢成均就雜職筮仕直隸四任州倅三權縣篆所至俱有聲
績長山王榕吉於同治初年任大名兵備道素稔其能邀主軍謀
辭不獲已始就之出險入危逆氛以次盪平運籌決策傳鑄之力
爲多事平論功辭不居退居趙州冷署爲中隱塢三楹聽政之暇
嘯詠其間諸生從肄業者慕其清潔比之陶靖節周濂溪云著述
甚夥有秋根書室詩文集西征集西行紀桂等書行於世

高江城字匪菴濟南府章邱縣人四品封職性孝友幼勤苦力學及長食指日繁遂棄儒業以家事自任省衣縮食艱忍耐勞又復經營商賈不數年漸臻豐裕而勤儉持家尤甚寒素偶遇年歲災荒及親族貧苦無依者賑濟賙恤之無少吝品行端方鄉里化之有子四人督責尤嚴雖皆成立往往因小過痛加捶楚無少寬假以故羣從弟子莫不因嚴見憚無何規錯矩之行歷任章邱縣令如陳來忠蔣慶第號稱循良皆折節論交其從兄赤城亦端正士也遇地方要政多就其兄弟諮詢咸豐同治間捻匪肆擾闔境戒嚴辦民團築土圩無役不與赤城董其成迨逆賊犯境隨地方官激厲團衆登陴固守賊至竟不得逞事定不邀獎敘尤爲人所欽服同治十年卒於家年六十有六子鍾琛字費雲事繼母以孝處

山東通志

補遺

人物

十

山東印刷公司

兄弟以和父歿後執持家政整飭商業尤克繼承先志年未六旬以疾終親族聞者咸痛惜之次鍾瑗次鍾玠次鍾琨均歿

丁彝綬字孟符萊州府濰縣人道光二十九年舉順天鄉試分部行走郎中以道員用需次山西時曾國荃爲山西巡撫慎選官僚光緒丙子秋雁平道缺特奏於朝以彝綬護理之雁平爲戍守重地彝綬蒞任以地關阨要親巡行伍時給糧餉苞苴請謁壹是禁絕而又講水利查倉庫恤求民隱至日不遑給丁丑夏六月卸任會晉省大饑彝綬捐輸三千餘金且請撫部轉運以濟撫部躉之迺設轉運局於豫省滑臺之道口因奏委彝綬以轉運事彝綬躬親度支不假胥吏活民無算事竣國荃奏聞賞三品銜又委總辦籌防局以功晉二品頂戴旋丁繼母憂回籍服闋遂杜門不

出彝綬居家肅穆事繼母以孝聞值先人忌日恆飲泣終日家素封處之若寒素仕宦雖顯猶恂恂於鄉黨間光緒十年五月以疾卒於家

陳傳奎字星五萊州府濰縣人舉道光二十六年丙午科優貢咸豐二年壬子科舉於鄉六年丙辰成進士改翰林院庶吉士逾年散館授主事分刑部旋假歸養親時值髮捻逆匪之亂在籍辦理團練以功保員外郎銜十一年辛酉捻匪至濰傳奎率衆守陴比賊退策其必再至乃偕衆督修東關堡屹然成重城商民賴以保全者數萬家同治六年官軍平賊於山東有贊助功遂得孔雀翎之 賜旋丁生母憂弟傳怡早世撫遺孤教養備至光緒元年服闋入都供職在曹司矢勤矢慎遇事必推詳盡致稽經詎律每日

山東通志 補遺

人物

十一

山東印刷公司排印

有札記數則嘗手輯秋審實緩比較成書數卷七年選授工部都水司主事刑部長官議留之堅謝曰窮通得失命也然每太息曰吾六載讀律工夫今付東流矣在工部尤自矜慎不肯干人十四年升虞衡司員外郎明年 大婚禮成加四品銜升都水司郎中京察一等以道府用十餘年浮沈郎署未及大用竟以疾卒於京都寓次

馬雲達字漸九青州府安邱縣人幼嗜學博通羣籍以隨父之官於越於蜀不得歸應郡縣試乃入貲爲國子監生屢應鄉試不售僅選取臚錄遂絕意名場乃援例爲中書科中書父秀儒仕至湖北布政使最稱循吏當秀儒之楚北也武昌漢陽皆爲粵逆所踞遂就襄陽開藩悉遣家人歸里獨雲達攜子步元侍焉是時餉絀

兵單逆賊朱中立襲陷樊城進攻襄陽雲達隨其父登陴固守間
出私金募壯士縋城出擊賊多所斬獲會援兵至圍遂解方圍急
時子步元適膺危疾一不遑顧有弁兵謀爲賊內應雲達偵知之
密白其父使移駐城外卒破其謀以守城功保以同知選用明年
武漢旣復經大吏檄委襄辦糧臺九江之捷以在軍尤爲出力遂
蒙孔雀翎之 賜逾年其父以足疾乞骸骨歸奉侍醫藥服勤尤
至咸豐十一年春捻匪擾山東安邱城敵不易守乃奉父移居賈
閣莊擇險築堡爲守衛計工未竣而賊虜至戒衆勿譁賊疑有備
不敢逼初入堡時母李氏獨留莊內與伯兄雲路冒險迎母入堡
越日賊乘兩夜襲堡伯兄倉猝被傷歿雲達痛哭激衆衆皆奮堡
賴以完避難者數千人皆德之更約四鄉各築堡砦百餘里間桴
鼓相聞村落隱然巨鎮矣是年秋賊大至率衆守禦賊不得逞雖
故居家室蕩然猶能竭力支拄同治元年母李氏卒四年父秀儒
又卒迭遭大故哀毀骨立服闋或勸之仕曰幸承先人餘蔭得安
居教子孫讀書足矣子步元以光緒己丑科進士入館選甲午典
試甘肅易以爲國求賢力圖報稱值中東戰事方棘輒形憤悒乙
未和議成其子乞假歸省次年春以疾卒於家年七十有六子四
步元翰林院編修調鼎附貢生州判調玉邑廩生步墀
孫楫字駕航濟甯直隸州人原任大學士玉庭之曾孫戶部尙書
瑞珍之孫幼聰敏讀書即得理解爲其祖之所鍾愛道光己酉庚
戌兩遭 國恤時瑞珍爲禮部尙書每於典章儀制輒命楫博考
詳稽因備悉中朝掌故恭逢咸豐元年

山東通志

補遺

人物

十一

山東印刷公司

覃恩廕生以員外郎用分工部屯田司行走是年秋應順天鄉試中式舉人二年壬子科聯捷成進士改翰林院庶吉士三年癸丑散館以內閣中書用閣數月遽轉侍讀長漢票簽事書司票擬夜檢檔册默識旁諮期無舛誤爲歷任內閣大學士所倚重五年乙卯科充四川鄉試副考官所取多知名士七年升禮部主客司郎中記名御史九年己未科充會試同考官補福建道監察御史稽察海運倉有各省奏留丁憂人員請量爲分別以示限制疏十年復充庚申科會試同考官轉掌陝西道御史巡視東城值津洋不靖奉

命辦理五城圍防時有以

巡幸爲言者乃合滿漢科道聯銜諫阻未幾夷氛漸逼

山東通志

補遺

人物

十三

山東印刷公司排印

乘輿駐蹕木蘭京師戒嚴人心洶懼楫與各城不分畛域晝夜梭巡嚴禁訛傳以杜搖惑復責成副指揮添設偵探以察敵情協司城門啟閉民情又安十一年補工科給事中值

穆宗毅皇帝迴鑾先後與議

宏德殿讀書及

兩宮

皇太后垂簾各條款呈進明臣張居正帝鑑圖說奉

旨留覽轉兵科給事中有請銷除載垣造作諭旨疏同治元年巡視北城拏辦著名光棍挾仇毆傷承審官員奏奉

諭旨交刑部嚴訊奏參條陳祀典語多謬妄之學政張錫幬奉

旨允行旋丁父憂三年服闋調戶科給事中請以西北城副指揮

改爲繁缺俾資治理六年補授廣東高廉道兼攝高州府事八年
丁生母憂服闋仍補高廉道旋署廣東按察使飭紀整綱惟明克
允次年受代督辦善後總局充文武鄉試監試官晉鹽運使銜兩
署督糧道篆旋奉

旨開缺送部引

見邇年選廣東雷州府調補廣州府廣州地大物博最稱繁劇勤
敏詳審處之裕如升廣西右江道年餘晉湖南按察使人都陞
見遂補授順天府尹整躬率屬吏治日隆旋奉開缺之

諭優游日下詩酒自娛未幾卒於京師寓次年七十有二

呂憲瑞字芝巖又字輯堂泰安府萊蕪縣人父傳誥字蕉雨咸豐
五年舉於鄉仕至濟甯州學正萊蕪有汶源書院經傳誥集資興

山東通志

補遺

人物

十四

山東印公司排印

復嚴定課程文風日起科第不絕有團長某議戶民應納錢糧悉
歸團練以爲勇費經其痛陳利害厲聲阻止其事遂寢保全甚衆
憲瑞咸豐九年己未科舉人同治元年壬戌科進士以知縣分發
湖北初署黃陂補江陵調署東湖所在有警旋調漢陽移署蘄州
最後調黃岡在官十餘年盡心民事未嘗罣吏議江陵故有龍山
書院廢弛已久憲瑞捐廉俸倡復之又築江隄數萬丈工成而民
不勞漢陽自西洋通商華夷雜處號難治遇事一處以至公商民
帖服蒞任年餘吏畏民懷大吏列其績以卓異薦任黃岡時已升
補隨州旋以父憂去官繼又丁母憂服闋選河南登封縣值歲大
饑先發倉穀以振飢民撫集流亡不至失所長官廉其能調滑縣
未久會以部員推升授禮部精膳司主事京察列二等截取直隸

州知州分發河南尋補許州直隸州光緒十五年蒞任因地制宜百廢具舉如緩徵糧期裁議漕費尤彰彰在人耳目其未至許州任也豫省大吏擬仿山東覈減錢糧章程提州縣平餘以佐國用而以其半予民憲瑞獨以爲州縣官須稍使有餘以資辦公否則賢者無以爲治不肖者益有所藉口以陵民且裁半予民徒歸吏胥中飽何若令州縣量力報効民無擾而官亦不至辦公拮据其識見遠大多類此者復膺卓薦入覲 飭回任候升甫復任逾年遂卒年六十有五

戴恩溥字瞻原萊州府平度州人咸豐己未 恩科舉人同治乙

丑科進士 殿試以主事用分兵部升員外郎擢陝西道監察御

史轉掌浙江道巡視西城管工科掌印給事中有請減山東丁漕

山東通志

補遺

人物

十五

山東印刷公司排印

膠澳畫界二疏爲一時傳誦授廣西右江兵備道粵西爲久亂之地盜匪淵藪郡縣官吏懦者不敢問强者又濫殺以邀功右江所屬宜山縣永定土司有寇警屢報長官置罔聞至土司全家被擄恩溥蒞任會民團圍捕之拔土司家屬於賊中馬平令陳景華號慘酷果於殺戮獲匪稍涉疑似者悉殲之他邑亦往往效尤遂嚴定法令州縣獲匪者非送所轄府聽鞫讞明確不得以匪論復躬親督察濫殺之風爲之戢全活良民甚衆江水暴漲沒柳州城爲文祭之水立消災黎咸慶更生時當道議盡撤舊有防營別調客軍實之恩溥聞之歎曰妄事紛更塗飾耳目是盡驅之爲盜也時事至此尙可爲耶遂投劾歸未幾柳城遂陷於叛卒人以是服其先見歸里後蒔花種竹以書史自娛而蒿日時艱憂懷不去於宣

統三年春卒於家年八十五歲子式棻南城副指揮分省知縣孫熙綬候選縣丞藜經學堂法科畢業生

袁恩詔字觀堂濟南府長山縣人爲直隸總督守侗五世孫世居焦家橋稱望族家道中落恩詔生而貧困髫年卽刻苦自勵年十八入邑庠弱冠食餼旋膺拔萃咸豐辛亥年丁父憂貧不能舉喪賴妻沈氏鬻奩資乃得如禮自是肄業省垣溧源書院以膏火自給刻志勤學文名日起每試輒冠其曹捻匪之亂慮故鄉不保乃迎母及二弟至省僦居城南朱氏宅下帷攻苦學日益進嘗累月不出而賓客問字戶屢常滿所交多知名士爲學不專舉業凡經史古文詩歌詞賦旁及醫卜星命之學並深造有得同治元年壬戌並辛酉科舉於鄉乙丑成進士授知縣分江蘇時曾國藩督兩山東通志補遺

人物

十六

山東印刷公司

江一見許爲循吏旋補寶應縣知縣爲治一本儒術不邀功不沽名不諂上官而勸學愛民行以至誠嘗校童子試前列十五名院試並皆獲售闔邑士林傳爲佳話聽訟案無留牘然不輕准狀曰一人構訟十人失業薄物細故之爭甯使負屈於鄉里猶愈於受累於公庭也治逾年士民愛戴已而受代調省居一年充癸酉鄉試同考官得士六人皆一時知名之士事竣奉檄回任未及行丁母憂去在官數年廉潔自矢未嘗妄受一錢旣奉喪歸里營葬畢囊無餘貲服闋無力赴選乃請就教職值歲饑饘殮不繼就食齊河主講督揚書院院中肄業者向日寥寥及恩詔至生徒麇集齋舍爲塞時士尚帖括多空疏每思救其失月課必兼經古之學多士服膺至今稱頌弗輟居四年選萊州府學教授到任一年以光

酉春二月卒於官年六十有二著有一枝巢詩文集各四卷制藝六卷藏於家子崇鎮光緒丁酉科拔貢癸卯科鄉試舉人考取內閣中書

李法中字心傳濟南府德平縣人府學生員性至孝自幼讀大學論語卽謂聖賢語言皆分內事父母歿三年不入內寢平生無妄語無惰容教人以小學近思錄爲敦倫立品之方文章根據理要著有讀大學劄記論語劄記性理劄記士大夫競相推重以爲篤行君子子敬修敬身敬熙皆舉於鄉敬躋歲貢生皆能世其家學敬修字子靜幼聰敏讀書能強記好吟詠守庭訓事親未嘗有違忤與諸弟共筆硯講論切劘父患風痺復病疽禱於神乞減己壽以愈親疾光緒丙子科舉於鄉一上春官不第逾歲卒著有望雲

山東通志

補遺

人物

十七

山東印刷公司排印

吟館詩鈔

敬身字省吾生而沈慎長受書庭訓綦嚴獨坐齋室至日哺忘食弱冠受知於學使同治癸酉膺選拔貢生鄉試中式舉人甲戌應禮部試未及覆試遘疾歿於京師年甫三十有一

敬熙字文止幼隨父兄避亂省城肄業溧源書院試輒冠其曹爲學恪守庭訓好詩易嘗曰易以寡悔尤詩以道性情於日用行習最切光緒乙酉科拔貢未及廷試丁父憂辛卯舉於鄉主本邑書院八年歷主鉅野日照各書院禹城校士館時有倡議廢講五經者獨斥駁之嘗曰士不患貧患不立志耳所著有臨邑縣志光緒三十二年卒年五十九歲

夏辛酉字庚堂曹州府鄆城縣人先世業農以孝義著稱辛酉生

而穎異性沈毅舉止嚴正咸豐間洪楊亂起齊魯數被蹂躪辛酉
尙未冠覩兵禍憤甚潛出從戎隸忠親王僧格林沁麾下以驍勇
聞嘗使風雨昏黑中偵敵數十里外還報不逾晷刻陳賊形勢及
可取狀如其言進擊賊大破之王特出牛醢黍飯餉之曰此壯士
食也宜食壯士吾與若共啖之其在軍專趨人之急不顧己私嘗
一日脫二將領於危爭欲官之固辭曰吾以義出非爲官也仁愛
士卒所部倍定額皆養以己財遇傷亡躬爲療治贍其家以故戰
輒得其死力比僧邸陣歿曹州辛酉乘聞歸省刀矛匹馬外無他
物父曰若好武今旣以勇名矣西賊尙未滅此正汝宣力之秋也
時大學士左宗棠奉 命西征駐軍直隸連鎮辛酉往歸之甫至
軍卽任偏裨居前鋒以同治七年赴敵迄光緒辛亥先後二十年

山東通志

補遺

人物

十八

山東印刷公司排印

大小數百戰平陝西復甘肅出嘉峪關定新疆克名城堅壘以百
數十計迭受重傷洊擢至頭品頂戴以提督記名

賜黃馬褂孔雀翎振勇巴圖魯勇號換霍伽春巴圖魯勇號三代
正一品

封典光緒三年母卒間歲辛酉始聞耗連牘乞歸時方進攻新疆
南路巡撫劉錦棠百計慰留旣不得請益悲憤誓死滅賊每戰身
先士卒所向披靡阿克蘇之役躍馬入賊陣生擒貂裘賊酋胖色
提要路打什連克烏什城喀什噶爾之戰槍中安集延王子巴什
麻木爾陣斬逆酋白彥虎之弟白彥龍賊每見所張黑旂輒驚謀
竄避當時

朝旨稱西征軍於冰天凜冽彌望戈壁之中一月內連復四城蓋

辛酉之功爲多及擢提督宗棠謂之曰子勇略冠世壯歲官一品宜讀書知古今事任艱鉅以報國徒勇者祇將材耳自是折節讀書無間晝夜逾歲盡通諸經復潛心乙部書詳考古今治亂山川疆域阨塞尤精於兵家言善將騎廳馳電發能以寡勝衆宗棠每次捷疏必數稱西征馬隊卽辛酉所將者也當逼勦逆酋安集延時以精兵數百破賊衆萬餘一日夜窮追二百八十里逸酋俘虜殆盡全局肅清實基於此所獲駝馬輜重充溢山谷諸軍隔宿乃至辛酉悉以付之並出所得旗幟金銀僞印分給諸將俾復命捷聞在事咸被超擢

朝命下錦棠強辛西南向坐親執爵爲壽招諸將曰諸君今日之榮皆夏君之賜也西域既定復籲懇歸養牘數十上不得行以出

山東通志 補遺

人物

十九

山東印刷公司排印

關十七八年母喪未終制老父在堂泣涕漚陳堅請不已至光緒十三年始邀准瀕行新疆居民焚香遮送數千里相望辛酉在兵間久一以撫民爲主劉錦棠密保將材疏中謂其樸訥忠誠智廉勇毅所至之處不獨秋毫無擾且愛民如子民亦愛之如父母云家居歲餘山東巡撫張曜欲畀以軍事重寄辛酉以寇亂旣夷不欲虛糜餉精力辭而於吏治河務海防諸要政當事有所諮詢必悉心建白十七年丁父憂時從張曜巡閱海防聞訃馳歸哀毀骨立閉門讀禮謝絕塵事二十年中東役起大學士李鴻章兩江總督劉坤一直隸提督宋慶同時檄赴前敵甫就道而東撫李秉衡邀辛酉回辦省防辛酉念東事急且素未識秉衡不可將抵德州州牧以秉衡命先期要諸途具白撫部已飛章奏留以去就與北

洋爭辛酉顧念鄉里復感秉衡意乃東折馳赴煙臺時東路軍且潰勢益迫秉衡擬赴西縣乃以嵩武東字五營付辛酉守登州登爲海疆要隘北與旅順大連對岸三面受敵劉公島威海衛旣危文登榮成復陷日人以艦隊爲犄角更番攻登州晝夜襲擊辛酉激勵孤軍身先士卒冒槍彈堅據海岸沙城面敵指揮巨彈掠馬過不少卻誓死守卒創敵完登州旣而繼祖母劉在籍歿例應丁承重憂秉衡奏請奪情軍務稍定則堅請終制秉衡復奏稱辛酉樸誠廉正謀勇兼優當敵軍迭攻登州勢已岌岌不可終日猶能持以鎮靜嚴督所部晝夜守禦以巨礮中敵艦危城賴以保全其治軍恩威並用與士卒同甘苦且膽識過人臨變不亂兵民無不信服其去留於東省安危大有關係奉

山東通志

補遺

人物

二十一

山東印刷公司排印

硃批仍留登防二十一年八月

簡放廣西右江鎮秉衡奏稱辛酉膽識過人治軍嚴整登萊數郡倚若長城請緩赴新任旋委總轄山東東中東正嵩武福字精健礮隊登榮水師馬步各軍二十三年冬德人襲執總兵章高元於青島遂據之

上諭辛酉率所部兼程赴平度防禦次年春調補山東登州鎮其年秋移軍青州二十五年

特派辦理日照教案是年秋還軍登州二十六年夏聯軍入京師辛酉率師入衛數與敵戰張家灣河西務黃村黑寺于家圍之間以餉匱援絕還防山東西北界二十七年軍青州移濟南明年駐德州二十九年冬日俄戰釁開

朝廷命辛酉衛畿輔旋授雲南提督仍留直隸三十一年春自保定移軍滄州兼統淮軍三十二年山東土匪勢熾屢挫陸防兵秦山迤西黃河南北皆被擾北洋道軍至再失利寇焰益張延直豫蔓徐淮於是魯人官京曹者皆憤聯銜訴臺省乞辛酉還

朝廷命其請命辛酉持節歸鄉里節制鎮道總司各路勦防事辛酉時就醫津沽聞命力疾行甫至鉅野族人某時以被脅欲爲匪作遊說急執而斬之諸軍大驚服復密偵弁兵通匪者置於法易其鎮將未三月擒斬渠魁陳土地陳二母牛孔廣清等於軍前事平得

旨優敘仍留東督辦清鄉辛酉以爲匪患之生其防勦責在兵而教養責在吏若第以保甲成法相敷衍則兵去盜歸墮前功乃嚴

山東通志

補遺

人物

二十一

山東印刷公司排印

定考成督飭印委查戶口收槍械手訂科條申約束暇則集鄉紳里老話農事問疾苦旌別善惡使各歸諭其鄉之子弟知所勸戒咨東撫於曹屬酌設工廠令貧民入廠習工作以資謀食駐東半載餘雖舊傷時作而事無鉅細靡不躬親三十年秋奉

命籌辦長江五省防務湖廣總督張之洞堅欲遣提督張某往大學士鹿傳霖曰吾庚子歲赴陝西途遇辛酉軍之戰後失道者雖午熱渴甚不敢摘食路旁瓜因令其護送赴行在沿途謹肅無譁者及到遣還人犒以二金抵死不受此雖一節豈他將所及邪與之洞爭甚力議始定是年九月辛酉入都與中樞籌商防江事兩宮以辛酉宿將

特賞紫禁城內騎馬三海乘船 內廷賜筵觀劇迭被

上方食品

御書文綺珍玩之錫十一月出都過濟南移交清鄉善後事於東撫感寒觸舊疾增劇仍率師南行家人泣請少留不許三十三年正月歿於鉅野軍次年六十有八彌留之際猶傳諭諸將整頓開拔無一語及私事 聞 朝廷震悼

特旨照提督軍營立功積勞病故例給卹遣官致祭

御賜祭文碑文

賞銀治喪飭沿途暨原籍地方官妥爲照料

敕原籍及立功各省建立專祠

國史館立傳

予諡壯武子繼泉繼葵孫東生運生

山東通志

補遺

人物

二十二

山東印刷公司排印

畢世榕字仲容登州府文登縣人其先多顯仕爲登州望族世榕生而岐嶷弱冠游庠慷慨有大志數應鄉試不售迺援例授縣令發保定試用時咸豐末寇夷交訐逼近郊圻團練防堵無虛日上官多倚以爲重初署豐潤縣事方之任豪民猾吏見今年少又世家膏粱子易之及蒞事究心民瘼洞見情僞旬稽審斷胥吏莫之敢欺尋補高邑知縣下車見城垣傾圮緩急一無足恃慨然曰城雖小燕趙古戰場也何無備至此方謀修城練勇而教匪已至掠趙州逼高邑東境世榕集官紳議之曰城不可守不如禦諸境上時募勇得千五百人世榕諭以忠義皆感激泣下將授甲犒以酒又從而獎勵之瀕行誓之曰今日之事有進無退退者必斬我退爾亦倒戈刺之於是士氣百倍迺委訓導劉毓珊典史姚廷謨守

城借外委鎖慎言督勇以出行抵破塔村遇賊力戰死之外委與焉是役也殺賊數百人世粹身被八創慎言亦被數十創事聞贈太僕寺卿予雲騎尉世襲建專祠鎖慎言附祀

陳開基字企韓亦字少文兗州府曲阜縣人遷居鄒縣宣村幼聰敏讀書輒數行下所從遊皆鄒魯名宿工書善繪事又喜爲五七言詩與同邑諸名士以詩倡酬無虛日咸豐七年鄒縣大饑捐貲設粥糜以食飢民全活無算未幾而鳳凰山教匪難作有姻婭任某陷賊中爲白於當道當道信開基言事旋得釋而任某家室蕩然乃依之以居歷五年如一日同治初元教匪猶熾豫徐捻寇連年北犯開基乃命其家人避居曲阜而仍自留宣村練鄉團以遏寇且戰且守所居有巨樓相傳爲國初其先代築以避土寇者

山東通志

補遺

人物

一二十二

山東印刷公司排印

至是復繕治之遇有警避其中者免擄掠一鄉倚若長城次年教匪平或勸之出仕報國亦以事親事畢納貲謁選三年選授浙江金華府經歷明年赴浙之官大爲布政使蔣益澧所賞四月檄飭赴任六月卽檄署武義縣事時寇亂甫平百廢待舉竟以積勞致疾卒於官年僅三十有六子二毓藻河南通判署項城溫縣滎澤知縣有政聲毓葵附貢生

高翰閣字墨林萊州府濰縣人同治壬戌恩科舉人辛未大挑一等以知縣用分發直隸或勸赴河工以母老辭旋乞假歸里奉母且讀且耕居十二年丁母憂服闋奉檄到省嘗讞獄定州散賑保陽皆殫竭心力克稱厥職尤究心水利承修千里隄工河防至今任邱雄縣猶利賴之又建議近隄諸村落人民與居隄內者均

請免工徭大學士左宗棠奉命查河將從其議會有言不便者議遂中止嗣借補通州石壩州判漕糧輸京師者州判有催提巡防之責任事勤勞濟以廉正洵保知府補用晉三品銜會有某督倉縱子納賄任用私人同官莫能糾其失翰閣慨然曰地近輦轂而上下相蒙若此是尙可仕耶遂請開缺歸直隸候補旋乞修墓假回籍優游林下者十餘年所居距縣署不二里雖公事未嘗入公門每晨起必至先人墓所叩謁徘徊良久始去手植松楸近千餘株於光緒三十年卒子崧生歲貢生賦生壬寅補庚子辛丑科舉人

趙開運字子元濟南府新城縣人幼失學晚得呂近谿小兒語張楊園訓子書深嗜而篤好之尤慕忠孝節義事每舉昔人嘉言懿

山東通志補遺

人物

一二十四

山東印刷公司排印

行爲家人津津樂道性孝友父年八十餘猶健在服勞奉養無不周至兄弟姊妹耕讀婚嫁皆身任之而於財物一無所私咸豐辛酉南匪犯境預購一地名金屯率衆避亂其中得免於難時人咸服其智嘗與鄉里壯健者五六月人猝遇賊騎四合同行者皆失色開運曰勿畏率衆依林薄各持鳥銃自衛大呼殺賊賊氣懾解圍去是又智勇之大過人者當是時鄉里辦團輒擅殺戮或私相報復開運獨多所匡救亂後歲洊饑家遂中落然利濟之心不少怠遇儒生有學行者待之彌恭自新學興謂其孫曰居今當閉戶讀書勿圖進取可也庚子京師之變聞之至爲流涕洎兩宮迴鑾而後喜形於色丙午壽登九秩舉爲鄉飲大賓鄰邑進祝詞者無算及得疾自知不起猶語語以勤儉訓子孫丁未年九

十一卒遠近皆歎曰老成人亡矣

丁瑞趾字子振青州府諸城縣人舉光緒乙亥制科孝廉方正性好施與賑饑濟貧若出天性精醫理置藥肆收療老幼鰥寡孤獨給其衣食遠近稱爲善人咸豐辛酉秋八月捻匪入境殺人盈野避亂於藏馬山突遇匪衆將加刃焉一賊大呼止止曰爾非茂甲莊人丁子振乎瑞趾愕然曰汝安得識吾匪曰猶記前三年有病丐臥公門側乎丐卽我也於時村人將棄我而公獨移我於家醫治衣食而後遣之今遇公正我報公之日也羣賊於是義而釋之惟留其乘馬而去性尤孝友幼失恃事繼母秦氏如所生母年百歲瑞趾亦且八十餘而昏定晨省無異孩提兄早亡事寡嫂敬慎有加治家嚴肅而待人和易故親族鄰里無不奉爲楷模年九十

山東通志

補遺

人物

二十五

山東印刷公司排印

二卒於家鄉人私諡曰端恪先生

徐文勳字彬溪青州府諸城縣人未弱冠補弟子員幼端重進止有法度性尤孝友父母歿事繼母能得歡心兄弟貧約者減己資賙恤之兄子登俊貧不能力學躬教養以資成立精醫術延聘者不以貧富歧視重然諾接人溫厚而不可以非義干徐氏爲一鄉望族文勳最推爲長者子官俊邑庠生

畢茂昭字存樸一字靜山登州府文登縣人性孝友髫年就傅與兄瀚昭共筆硯出入必偕侍父宦吳中肄業紫陽書院弱冠旋里應童子試邑令奇其文拔冠多士補博士弟子旋食餼益肆力於學問自左國兩漢下逮唐宋大家文罔不研究尤殫心於天文地理河道倉儲諸說條分縷析以蓄爲有用之學丁父憂哀毀骨立

事母備極色養及其兄成進士供職京曹家事則茂昭任之敦宗睦族人無間言同治壬戌 恩科舉於鄉辛未大挑一等以知縣分發福建以其兄年逾六旬不忍遠離卒弗往光緒二年山東大饑偕其兄與邑令會商振濟多所存活事後勸辦社倉積穀募朱子社倉范文正公義田諸法酌古準今定規條數則捐穆子千餘斛置里中以備凶荒與人交不設城府尤善處人骨肉以婉辭正義告之聽者無不心折光緒戊子兄病歿悲痛逾節忽忽若有所失遂於庚寅年五月卒年七十有七所著有義易片玉禹貢輯解麟經紺珠麟經擷映魯論輯解增補校正鄉黨圖考渾天儀圖說天戒錄社倉雜議訓蒙瑣言皆待梓

鄭作相字仲巖一字埜夫沂州府日照縣人五歲就塾不數年徧

山東通志

補遺

人物

一二十六

山東印刷公司排印

讀十三經旁涉詩古文詞言動異常童長老皆器之弱冠入邑庠旋食廩餼久困棘園未博一第未嘗稍形怨尤劬書力學終身不倦咸豐辛酉年捻匪自淮北竄日照肆行劫掠作相約族人爲入山避寇計暇與村衆講論詩書弗輟寇退山外室廬俱燼遂結廬韓山之側第一泉因自號一泉山居幽僻不廢吟誦以前賢矩矱律己以先儒語錄設教四方從學者日衆量材啓迪多所成就學宗六經尙書毛詩皆有手訂本尤嗜周易著有易說揆方十二卷又有所訂薛文清公讀書錄摘要呂新吾呻吟語錄要集陳文恭公訓俗遺規若干條爲一泉山房誠子編嘗修邑志先搜訪節烈婦女數百人上於有司得 旌表如例以脫稿甚速思增損成書未就於光緒十五年卒年六十有二門人私謚爲文愨先生

張兆楷字叔則萊州府濰縣人同治壬戌 恩科舉人辛未科貢士甲戌科補行 殿試 賜同進士出身以知縣用援例待銓逾年選授江蘇興化知縣素性沈默持躬簡樸事母以孝聞伯兄兆棟以進士仕至福建巡撫而兆楷素履自如無異寒畯其涖興化任也值歲大旱蝗起躬親督捕捐俸振濟民困以蘇明年運河水漲率衆急赴高郵壩晝夜防禦匝月不得息水既平則又歷鄉社講水利修隄防風餐露宿日不暇給竟以是積勞成疾明年遽聞其母病歿一痛幾絕卒至不起邑民驚悼如失慈父母比喪歸老幼奉香泣送者不絕於道故至今猶稱頌不衰云

郭杭之字子方一字湘帆萊州府濰縣人山西布政使夢齡子幼隨父任自楚而蜀而隴而豫而晉所至攬江山之勝飫聞庭訓又

山東通志

補遺

人物

二十七

山東印刷公司刊印

得良師益友愈廓見聞及父以告歸歿於家居喪盡禮服闋補博士弟子員同治庚午補丁卯科舉於鄉先是丁卯年粵匪餘孽竄入登萊協辦大學士李鴻章駐濟甯檄提督劉銘傳拒賊於膠萊河復屬杭之兄弟佐治糧臺事定不邀獎敘以功推其兄後大吏以籌餉辦團有年不忍沒其勞績遂以主事請保並加員外郎銜再上公車不遇中遭季兄之喪遂以家政自任而訓迪羣從子弟皆循循有禮法邑內有大興作及族中事往往就之諮度如修復書院及窩治土匪所籌畫爲多至己丑科復應禮部試不售遂絕意仕進甲午中東事起猶佐治鄉團時有議遷避者概置不問一以鎮靜處之人服其識庚子夏拳匪亂起

兩宮西幸聞之至廢寢食謂諸子曰吾家世受 國恩爾等當砥

品礪行無墜家聲功名非所計也生平好學工詩尤熟悉 本朝掌故於光緒三十四年卒於家年七十有一所著青桐軒集十卷鄉人私諡曰敏端先生

王練字澄江沂州府莒州人同治庚午科併補丁卯科舉人性孝友慷慨喜施與當咸豐同治間捻匪擾山東以諸生倡議築圩堡衛鄉里巡撫丁寶楨追賊過莒練發私財助饟精巡撫以急公好義旌之先是嘗以監修莒州城敍勞獎以教職復因從軍湖北保中書銜甲戌秋奉委署即墨縣學訓導在任八年振興儒術獎勵寒畯士有微長譽之不容口所成就者衆謝事後主講勞山書院者又八年值歲饑捐緡煮粥以食飢民邑中建試院辦積穀籌振款無役不與士民有爭訟者往往得其一言而釋適勞山道士與居民爭訟十餘年未結乃爲之居間調停遂卽罷訟邑人士感之懸額於學署以表揚盛德且於勞山上清宮爲位以祝其長生其感人也類此於光緒十八年卒年七十有四

山東通志

補遺

人物

二十八

山東印刷公司排印

賈成霖字少魯濟南府歷城縣人幼而岐嶷長好學尤工楷法應童子試輒冠其曹弱冠遊庠旋食餼乃久困棘闈未博一第咸豐間隨辦本邑團防保以教職選用旋隨親王伯彥那謨祜征邊外馬賊以功晉直隸州州判指分山西候補歷任大吏咸器重之委辦撫署文案及防河諸事宜俱能稱職旋丁母憂歸里服闋仍回晉省尤爲巡撫曾國荃所賞歲大旱勸捐辦賑聲譽大著保升直隸州知州檄署壽陽縣事地當孔道又值法人負約徵調殷繁皆咄嗟立辦措置裕如補交城縣民納糧無串票吏胥緣爲姦利成

霖捐資刊發奸民斂手稟之大府具陳弊端鐫碑永守大禮後逃
民復業爭田奪陌者控訴不已爲之尺度寸量經界釐然獄訟以
息嗣巡撫張之洞禁種罌粟督責亟嚴成霖以縣內貧民倚爲生
活操之過蹙恐生他變往返辨論頗觸其怒幾挂彈章不得已親
督夫役查禁陟山涉水無虛日煙苗芟刈殆盡轉荷優獎調署永
濟值甘軍過境兵差絡繹皆儲待以供未嘗苛歛於民旋調徐溝
甫蒞任洞渦水大漲村廬漂沒亟籌巨款築新隄補舊隄晝夜督
修越七旬而工竣民賴以安大吏上其功以知府用在徐溝最久
豁荒糧辦積穀謀生息而民不病於差免株連而民不累於訟勸
農興學百廢具舉旋奉檄權代州徐之民臥轍攀轅相屬於道及
抵代勤於吏職如在徐溝時抵任一年勞形案牘染患潮溼右臂
麻木未幾次子長孫相繼歿感傷悲悼病目復劇遂以疾終年七
十歲子振鏞陝西米脂縣知縣振銘業儒

山東通志

補遺

人物

二十九

山東印刷公司排印

王希賢字伯舉濟南府淄川縣人同治庚午補丁卯科舉人少有
膽略年十六值捻匪擾山東邑人倡辦團練禦寇青石關以祖父
年邁代之行無懼色同治初劉德沛據淄川爲亂僧忠親王率師
屢攻不下希賢率鄉勇助軍修濠塹事定不受獎敘勵志爲學鄉
舉後五上春官不第光緒六年大挑一等以知縣分發直隸候補
洊保同知銜直隸州知州權隆平縣甫三月頌聲大作又代理柏
鄉縣輿頌如隆平丁祖母承重憂去官服闋循資補曲周縣先委
署雞澤縣事既蒞曲周以勤慎自矢邑有巨盜劉鳳祥久捕不獲
用鉤距法偵知所在率勇勦其穴遂成擒先後獲夥盜百餘人置

諸法閭閻以安值歲饑穀價翔貴常平倉穀又多紅朽爲之出陳易新捐廉俸以蘇民困存活甚衆在任四年百廢振舉暇則微服出城與鄉農父老團坐敘家人瑣事故一方利弊得以周知初去雞澤而之曲周也雞澤之民餓送者直至曲周戊戌歲以終養得請曲周之民誤傳爲因公呈吏議聯名數百人涖府懇留既告之故始釋然歸里後足不及城市者又二年乃丁母憂服除或勸之出終不應不數年遂卒長子乃祿庚子辛丑 恩正併科舉人次乃禮次乃祺

王珠裕字還浦濟南府章邱縣人同治庚午科舉人五上春官不第由 國史館謄錄議敘知縣因襄治河工保以本班儘先選用主講張家口掄才書院時中東戰事起御史安維峻以建言獲譴

山東通志 補遺

人物

三十一

山東印刷公司掛印

發張家口珠裕素欽其爲人乃迎致館中備相款洽將去復薦之代主講席嗣謁選得河南湯陰縣知縣湯陰爲燕趙南北通衢下車伊始訪有盜魁某爲地方之害設計密捕置諸法由是境內乂安復倡修邑中書院捐助生徒膏火遇訟事無大小必親研鞫胥吏莫敢欺期年後有議頌德政者曰吾居官但求上不負君下不負民而已何用此虛文爲也在任二年以積勞致疾於光緒二十五年歿於任士民巷哭比喪歸奠祭者填塞街衢曰天何奪吾賢父母之速也其得民心如此子翰壬寅補庚子辛丑科舉人

李豐綸字吉侯萊州府掖縣人父圖以嘉慶癸酉科拔貢仕至直隸無極縣知縣豐綸幼穎異十歲徧讀十三經不煩提誨卓然自立父以病去官僑居濰縣豐綸侍奉醫藥十餘年以其間益治學

問習爲古文詞及父卒哀毀成疾又迭遭寇亂家事日替而嗜學益勤治經尤長三禮及左氏春秋其意以爲三禮者先王經世之大法春秋者先聖馭世之大權其言曰左氏傳五十三例乃魯史舊例非孔子筆削之例也凡經文不合於例者皆聖人特筆擬著一書曰春秋辨例由傳書以求聖人之筆削又嘗謂治經不可不明地理因據國語水經注證葵邱之會在晉地非宋地也蓋其自得於中者如此與人交終日溫溫不聞有臧否語於同治癸酉科中順天鄉試舉人未獲大用赴河南禹州妻父之招遽於新鄭縣溝中遇大雨山水暴漲以殞其身年僅三十有五聞者無不痛惜之

呂憲棟字松巖萊蕪縣人憲瑞從弟由同治癸酉科拔貢舉光緒

山東通志

補遺

人物

三十一

山東印刷公司排印

元年制科孝廉方正試列二等以州判候銓居京師丁母憂服闋改捐知縣分發河南戊子年春到省丁父憂起復充讞局承審官勤於其職有要人與貧民爭宅基函託當道思逞其欲憲棟持平剖決曰虐人媚人吾弗爲也案遂定乃辭讞局會陝州牧何某請其佐州治屬邑有被控因公苛斂者州牧屬憲棟按其事密訪得實乃痛懲邑紳與胥吏蒙蔽者而令得原未獲大用竟以疾卒於陝時論惜之

杜景渭字礪谿萊州府掖縣人父鏐字韞輝以謹厚稱一鄉目爲善士景渭與弟景漢幼相友愛終其身未嘗相尤少承父志持躬勤儉中歲起家致資鉅萬鄉黨待以舉火者幾千家光緒辛巳山東黃河決口奉母命捐千金濟振得旨建坊乙未春日本兵入

登州地青萊震動景渭倡修村堡所費數萬時東撫李秉衡帶兵駐萊州防守軍糈缺乏復助饟銀二萬兩米萬袋并出資修餉道自其所居之沙河鎮至府城李秉衡奏請獎敘並頒給匾額以旌之生平以利物濟人爲己任性喜文學嘗捐資創立願學義塾聚掖以南子弟秀良者延師課之所成就甚衆於光緒三十年冬卒年八十有五子春榮中書科中書向榮特用知府

張汝弼字鄰予濟南府歷城縣人幼嗜學補博士弟子員以諸生從戎募擒匪平獎從九品既又隨辦惠民桃源堵口大工不忍苛碎編戶與丁儉同甘苦旋以勞績保獎五品藍翎議敘縣丞中歲橐筆入蜀仍洩戎行管帶馬邊鎮邊營上籌邊三十二策大吏偉其議同官翕然推服願集千五百金納資爲令汝弼堅辭乃已時

山東通志

補遺

人物

三十一

山東印刷公司排印

腦木基木薩蠻曾逞亂爲民害汝弼設伏生擒以獻大吏稱許上其功未下以母老乞歸養教授生徒執經問業者無虛日鄉里偶有不協得汝弼一言而釋年五十餘卒子玉庚朔元濟元

王守訓字松溪登州府黃縣人祖允中官至河南按察使父棠官至陝西維南縣知縣守訓幼穎悟長而沈酣經籍所聚書多至六七十萬卷慕鄉先輩郝戶部懿行之學生平著述無虛日中同治庚午山東鄉試副貢生援例爲中書舍人直內閣在公無廢事以省親請開中書缺歸侍其父未及里父已病歿服闋再入中書遂以乙酉丙戌聯捷成進士改翰林院庶吉士散館授檢討逾年冬復丁母憂兩遭父母大故皆以供職京師不得親視含斂爲抱終天之恨於兄弟尤能怡怡相友愛雖析居無間言在翰苑歷充

國史館協修 武英殿纂修管主講瀛洲書院教諸生有經法所著述曰詩毛傳補證適齋經說讀禮日記春秋地理補考習言考義稱謂雜考韻字折衷漢碑異文錄王氏水源錄文學天性齋詩文集繩牀百詠金波詞登州詩話其尤關一郡文獻曰登州雜事凡成書三十卷病革時猶以搜采未盡爲憾遂卒

楊世文萊州府濰縣人幼業儒應童子試至老不售嗜酒工畫家故貧一子早卒一孫尙稚咸豐十一年春二月捻匪東犯鄉人洶洶走避世文飲酒至醉以其孫付鄉人曰爾輩行矣賊不來我守廬賊來我守墓衆請其故曰我自幼讀書食太平之粟七十年今墓木已拱惟有痛飲大罵而死於先人側耳賊退鄉人稍稍返比至莊有犬狂奔來迎人作招呼之狀咸以爲異尾之至楊氏塋見一尸刀傷洞胸伏而僵旁有酒壺則世文也鄉人斂之啟其亡妻之壙而合葬焉

山東通志

補遺

人物

三十三

山東印刷公司新印

劉英魁字升三濟南府章邱縣人以武生從戎隸漕運總督周天爵及歷任山東巡撫閻敬銘丁寶楨麾下轉戰於蘇皖燕魯之間殲厥渠魁戰功卓著身被數十餘創洵保至藍翎守備同治二年補授泰安營因舊傷復發卒於任光緒間題請入祀昭忠祠

譚崇字峻山萊州府濰縣人性迂謹母前卒事父曲盡子職凡父飲食起居以及便溺侍奉無不周至歷晝夜寒暑無間幼從其父爲富人掌簿記已而父被擯崇曰父去子居將焉用之遂謝去以賣水爲生計嘗過富室門有小兒金跳脫一崇納袖中置水擔坐俟之俄一乳媪奔出張皇四顧崇知其幼主所遺付之乃去尤寶

重字紙每出行拾歸必滌垢裹以淨巾積多則焚撒灰清流而後已又不敢踐石坊影人問其故曰坊影落地字影亦落地故不敢置錢腰囊中以錢有字不敢褻也父疾病則皇皇不知所之父歿哀毀骨立既葬廬墓側每食必祭祭必哭哭必涕泗交流冬月祭畢粥成冰無力復舉火則帶冰以茹如是者三年其廬墓歸之明年是爲同治戊辰秋大旱豆萁箴箴落田中種麥幾失時當事奔走祈望兼旬猶不雨人情洶洶同時有柴孝子名大鏞亦親亡廬墓者二人偕誓曰吾聞匹夫積誠可以動天盍捨身命以拯衆生乎卽日不食虔禱關帝廟閱二晝夜果雨人咸呼爲孝子雨

盧樂成字和堂泰安府萊蕪縣人十四歲補博士弟子員留心經世之學不沾沾以帖括爲弋取科名計處兄弟以和分炊時以良

山東通志

補遺

人物

三十四

山東印刷公司排印

田讓其兄而自取礮者視從子一如己子飲食教誨無異視時捻匪竄擾境內舉辦團練閭里安堵如故而無知之徒創學好會以煽惑愚民樂成曉以大義弭患無形嗣遊學省垣肄業深源書院癸酉舉於鄉丙子成進士 殿試以知縣即用分發廣東到省卽爲大吏所器委入讞局清理上控多案遂以聽斷著稱檄署東莞縣知縣邑當粵省東路之衝地連惠潮民情凶悍難治而尤以械鬪沙田之案爲最夥遇案虛心研鞫務得其平習俗一變海洋劇盜出沒無常懸賞擒其首要脅從者令其自新粵省之有自新所蓋自樂成始也虎門爲東莞重鎮外人進口門戶有法教士李默者接濟械鬪軍火樂成廉得其實起出萬磅及七千磅大礮三尊稟陳大吏照會該國撤李默回國暇時栽培士類整頓寶安龍溪

兩書院甄錄諸生拔其尤者厚其膏獎科名稱盛旋調南海縣知縣爲政以清廉爲歸適有洋人推溺華人致干衆怒焚毀教堂勢甚洶洶樂戍馳往彈壓救出洋人未斃一命嗣經奏結賠款不至平到任三月乃有奉 召查辦之案先是東莞紳士某子強聘劉氏女爲妾樂戍訊斷如例該紳構蜚語中傷之遂爲言官所劾欽使彭玉麟秉公查訊事得白僅以教授改官去去之日紳民挽留及老幼郊送者難以數計抵里後閉戶讀書不預外事時黃河汎濫爲患山東巡撫張曜聞其賢委其襄辦隄工工成不邀獎敘選曹州府學教授訓勉諸生士風丕振黃河上游決口曹州府毓賢委辦孫樓隄工一年而成俸滿二次東撫李秉衡保以學識兼

山東通志

補遺

人物

三十五

山東印刷公司排印

優留心民事奉

旨送部引見未及入都而感受溼氣卽膺疾乞休因隱居泰山之麓於辛亥正月卒年七十二歲

張星吉字翊辰曹州府荷澤縣人同治癸酉科拔貢光緒壬午科舉人丙戌進士翰林院庶吉士散館授編修充甲午科順天鄉試同考官癸卯科雲南鄉試正考官得士稱盛補 國史館纂修上陳政事書補編書處纂修戊戌奏罷招信股票庚子

兩宮西幸奔赴 行在洋人議款要挾百端星吉抗疏力爭和議既成護 駕回京復痛陳時事逮自雲南試竣回京覆命

德宗垂詢時局星吉奏對樞臣須用正人一正人進則衆正人俱進國事始可有爲 上頗嘉納嗣授廣西右江道蒙特達之知感

恩圖報有奮不顧身之概調署桂平梧鹽法道下車書與受同科四字於官廨以清白自矢改陋規水果銀四千兩報歸正用查獲英國郵船裝載私貨照例懲辦復據約與其領事力爭竟帖服以去旋調雲南迤南道署迤東道在迤南本任清理積案讞決疑獄日數十起時兵政久弛爲之整鄉團編軍隊增餉汰弱卒成勁旅懲治思茅會匪洞燭幾先擒匪首倪某戮之解散脅從反正者幾數千人爲大吏褒獎迤東爲產罌粟之區雖經嚴禁陽奉陰違乃親行勸諭查豪強數人繩以法始克鏟除旋丁母憂歸里抱病治喪哀禮兼盡於宣統三年卒於家年五十有九子光第孝廉方正同知恩第候選通判錫第癸卯科舉人

蓋澧之字蘭洲武定府蒲臺縣人由諸生膺光緒元年制科舉孝

山東通志

補遺

人物

三十一

山東印刷公司排印

廉方正 朝考以雜職用指分湖北補布政使照磨豪爽迢邁與人率多坦白無城府在楚年久於地方吏與利弊無不洞悉於心故歷任布政皆倚重之東人之至湖北者無論仕宦商賈每事必諮詢之有貧苦而流落異鄉者亦必調恤備至人人稱頌其德嗣推升知縣歸部候選選授貴州青谿縣知縣赴引入都適值庚子拳匪之變乃未及引 見倉卒出都年餘丁母憂服闋歸貴州候補旋卒於黔省寓次身後蕭條旅櫬幾不得歸

閻淑立字晴川濟甯州金鄉縣人弱冠應童子試以詩賦冠其曹補博士弟子金鄉素不諳音韻之學自淑立始大啓其緒工楷法屢爲學使所稱賞選辛酉科拔貢生 廷試未入選考取 國史館謄錄留京供差有同年生方臨莊病歿旅寓經紀其喪調恤備

至先是應同鄉張某之聘至杭州未幾而張歿宦橐蕭然爲文以告僚友咸感其義致賻贈而後旅櫬得歸故里嗣在濟南濼源書院肄業及累年教授生徒積有膏火資數百金爲友人稱貸因渡河沈舟金盡失不能償遂焚其券更以好語慰之其慷慨好義多類此乃久躋名場屢試不售至己卯科始舉於鄉年已五十餘矣又十二年辛卯卒於單縣鳴琴書院講席年六十有三子滋拔貢生渥歲貢生

唐傳猷字晉徽兗州府鄒縣人先世居濟甯嗣遷鄒世世耕讀幼清懼補博士弟子旋食餼咸豐辛酉科以拔萃貢成均逾年

廷試列高等以七品小京官用分吏部升主事光緒四年奏派充普陀峪萬年吉地監修克勤厥職是冬以勞敍晉階免補主事

山東通志

補遺

人物

三十七

山東印刷公司排印

以員外郎候補並加四品銜家本寒素初官京師傭書篆隸以自給書名震都下久之有傳布 醇親王府邸者甚被嘉賞命撰句書絹箋譯草帖篆鏡銘如是者十餘年 賜賚頻繁從未有所干請緣是爲王器重時大學士寶鋆長吏部尤震其書名屢索分篆而亦未嘗有私謁風節尤爲儕輩所欽僑寓都門多疾以子承烈需次四川迎養至蜀旣又改官陝西復迎之長安途間得泄疾醫治漸愈乃突以痰證遂卒年七十有七著有松鶴堂詩集若干卷子承烈四川知府陝西卽補道

承烈字冕周隨父傳猷官京師由供事供差 方略館繼充謄錄總辦以縣丞議敘同知分發省分歸候補班儘先補用加運同銜指省四川署馬邊廳同知拓墾荒田四十餘畝禁質各支夷目五

十餘名三年夷不敢犯邊遂卽眞除旋權瀘州權雅州府皆有殊績先是英人窺蜀富饒欲行輪利交通大學士李鴻章久經允許立約至十年期屆英商立德樂造固倫輪船擬上駛四川大吏函阻之英使責我負約聒於總署咨川督遴派得力大員赴宜昌與議上駛章程川督劉秉璋知承烈有幹濟才乃檄往開議與英領事往復辯駁卒能折彼驕悍就我範圍遂以雇用民船暫行通商定議川督多其功奏補甯遠府知府甯遠地臨邊徼漢夷雜處刁悍號難治歷年地方官隱忍姑息諸夷時出劫掠肆無忌憚有何夷者尤趨捷擅智辯爲患且數十年官吏莫敢誰何承烈抵任廉其實率練勇禽治之翦其醜類而後北山居民始得安枕議設土千戶八土百戶十四復仿治馬邊法禁質夷目五十餘名以故終

山東通志

補遺

人物

三十八

山東印刷公司排印

其任無夷患調署成都府知府視事僅十日卽值教案呈吏議落職大吏惜其去委辦三瞻對章谷朱窩改土歸流事宜定稅率章程二十六條事聞詔嘉其能趣入覲再起爲陝西候補知府逾年丁父憂適畿輔拳匪肇亂

兩宮西幸陝省大吏電促墨經從公至則昕夕備置自

乘輿以至隨扈諸王大臣設支應局供給大差事無鉅細次第畢具創在事各員不支薪水之議省費特鉅辛丑

上迴鑾召見開封行在以道員留陝西補用迭荷珍綺之

賜署鳳邠鹽法道陝安道權按察使加布政使銜 奏派總辦陝省統捐事宜駸駸乎大用矣竟以咯血諸恙歿於西安省邸年五

十有七

高繼昌字詹五濟南府歷城縣人父善志下北河防同知鄭工合龍出力洊保道員繼昌中光緒八年壬午科鄉試舉人援例爲內閣中書歷充本衙門撰文 國史館校對己丑科順天鄉試彌封官旋丁父憂回籍時山東巡撫李秉衡創辦因利局檄繼昌董其事措置裕如服闋回京補原缺俸滿截取同知分發江蘇候補臬司陸元鼎察其廉明派充發審局待質所等差累年疑案經其研訊多判結未期年平反三十餘案蘇省定制平反五案者准予拔署優缺一次繼昌需次經年未獲權篆人以之詢蘇撫答曰非不重任特以省獄繁多尙須其悉心清理也嗣以派辦海運勞績累保以道員用時靖江知縣董觀瀛者繼昌之鄉人也在任久病積

山東通志

補遺

人物

三十九

山東印刷公司印

欠公款鉅萬蘇撫將據實彈劾繼昌請代彌補遂委權靖江縣事人咸代爲之慮而繼昌毅然任之受篆後旬稽錢穀鉅細靡遺凡有益於民者莫不殫盡心力是歲蝗不入境闔邑人咸謂至誠所感期滿求去或詢其故曰吾代董彌虧非爲私交爲公款耳今款足而弗去是私也吾何取爲遂爲上游器重調太倉州癸卯充江南鄉試內收掌官旋署金匱縣事蘇撫端方調赴蘇省檄治太平洲洲在鎮常之交水泊多盜劃界設圩因勢利導期年大治擢授太湖同知飭赴本任洲民攀轅泣留巷爲之塞太湖濱浙梟匪出沒無常

朝廷銳意勦除命巡撫瑞澂督辦清鄉靖湖通判某疏防褫職繼昌兼理之有人誣告協鎮徐某通匪瑞將置之法繼昌力白得釋

乃捐廉募勇偵騎四出轄境漁船編製爲防太湖獨免於亂
上傳旨嘉獎竟於是秋在任病故士民巷哭至今靖江紳耆猶謳
思弗衰云子四標庠生榮植棟皆幼讀孫二象賢希賢

朱廷佐字君弼濟南府歷城縣人幼嗜讀年十六父歿經理家政
措道裕如咸豐間捻匪東竄隨辦團練尤著勞勩嗣辦理鹺務因
公賠累家計中落而委心任運口不言貧事母孝謹有加戚黨益
推重之九試棘闈終不得售迨光緒初年丁母憂喪葬盡禮服闋
乃以候選主事改就通判指分江蘇到省後適山東黃水爲災奉
大府檄解山東賑銀自念桑梓之邦災黎可憫以所領川資悉數
賑濟災區絲毫未嘗入己東撫奉獎之迭奉檄委黽勉從公矢勤
矢慎尤以愛民爲念遇有水旱偏災傾囊相助以此爲大吏倚重

山東通志

補遺

人物

四十

山東印刷公司排印

自辛卯委下關釐差旋調大橋界口力發橋仙鎮灣頭邵伯諸釐
卡裕民恤商涓滴歸公以故收數常溢累記大功酌委拔署辛丑
年辦理昭信股票案內議敍花翎改就同知以年老歸田家居年
餘旋以疾終年七十六子壽蕃官江蘇候補道

劉元亮字菊農濟南府章邱縣人自幼讀書勤敏過人爲文下筆
立就入學食廩餼肄業濟南各書院與諸名士交一時文名藉甚
其爲學不專主漢宋而各通其門徑充光緒十一年選拔貢生次
年考取八旗教習十四年舉於鄉明年連捷成進士改翰林院庶
吉士庚寅散館授編修丁繼母憂主講東昌啟文書院以實學啟
迪後進多士皆樂從遊服闋入都供職二十三年奉

命視學廣西課士以嚴濟寬絕資緣釐積弊士習大變按臨所至

日坐堂皇爲諸生講經術文章人人悅服庚子變起京師

兩宮西狩慨然曰國憂主辱主辱臣死吾受國厚恩欲稍竭愚忱以盡臣子之分乃發憤上書指陳戰守和機宜疏上不報逾年覆命陝西行在所遂乞假省親二十七年假滿入都歷充要差是時新政繁興更定官制授爲翰林院撰文益感激圖報復與同鄉諸鉅卿勦建齊魯學堂規模條款皆經手定日以孔孟之道訓迪諸生故齊魯學堂獨無囂張之習於光緒三十四年正月卒於官年四十八歲生平澹於榮利持身以介而與人以和孝友出於天性嘗有權貴思得一見則顯官可致而義終不爲屈此尤爲人所欽服者也

于文中字景通又字子和萊州府濰縣人幼聰敏七歲入家塾父

山東通志補遺

人物

四十一

山東印刷公司排印

社有學行所講授詩古文詞輒能通大意苟有得札記之弗敢忘性醇謹侍親左右無違事繼母克盡孝道母晚年得廢疾坐臥飲食需人文中能先意承志曲得其歡心及父母相繼歿以哭泣過哀遂得目疾伯兄歿撫猶子三人如己出及家人議析居乃命己子二與兄子三均分焉遇春秋祭祀先一日卽齋戒必誠必敬以族譜失修日久爰集宗人倡立條規爲續譜復親爲之序少承先志不汲汲於科名弱冠後始補博士弟子中年迭遭大故至光緒己丑恩科舉於鄉年已五十有二矣再上春官不第遂絕意進取主講平度書院癸卯秋以疾卒子濂芳廩生清芳業儒王塾字元達登州府萊陽縣人翰林院編修蘭昇長子性敦樸沈毅寡言笑與弟埈相友愛讀書不待督責兄弟自爲師友父歿家

益貧乃橐筆走四方以餬口嘗佐四川學政朱道然廣東臬使于蔭霖幕皆倚之如左右手洎弟塿己丑科入翰林塾亦於是年恩科舉於鄉明年連捷成進士改翰林院庶吉士散館授檢討歷俸六年戊戌保送知府分發廣西初至上官以書生日之及試以事知其才堪大用檄署桂林府知府桂林爲粵西首都獄訟紛繁在任僅九月積案以清復行保甲法獲著名盜匪百餘名百姓安堵時巨盜劉連貴者逃入湖南界懸重賞嚴緝卒獲之於八百里外其任事果敢率類此大吏因此益賢之未幾百色廳員缺百色號巖邑逼於新寇衆莫敢往乃檄塾攝其任慷慨奮發亦思有以自效未及行而身染時疾遽卒於粵年五十有一

臺柏紱字繡麟一字綬卿青州府諸城縣人幼承家學讀書能刻

山東通志

補遺

人物

四十一

山東印刷公司排印

苦自勵尤慨然有志於功名嘗一應鄉試不第乃援例入郎署因父母春秋高遂乞養歸歸則侍父縱遊名山大川於諸城所謂琅邪九仙者無一時不往嘗旬月忘歸及父母有疾藥必嘗而後進遭喪皆盡禮人以爲孝服除改同知分發河南爲巡撫涂宗瀛所賞委解陝州急振星夜馳往借地方官散放不濫不遺活饑民無算又嘗司辦粥廠散放棉衣皆躬歷街巷視其極寒苦者賙卹之或勸以節勞弗顧也在讞局遇有疑獄必加矜慎奉文提光州巨案其人昭以金求緩峻拒之其自守如此權汝甯通判其地界連湖北號難治勤於其職吏畏民懷廉俸外不名一錢光緒己丑庚寅山東黃河漫溢由豫轉餉至東東撫張曜稱其賢勞十九年近畿大水慨捐巨款以拯災黎大吏上章優敘保以知府銜並孔雀

翎丁酉年卒年五十有二生平性喜施與嘗乞假歸里有善舉無不樂爲故人尤多稱道之

成象乾字子健青州府樂安縣人家貧少入鄉塾每日必先負薪而後之塾讀書年十三從父館於郡城晝則爲人索綯至夜乃得力學恆經年不解衣寢年十五即訓蒙以養親年十九入邑庠旋食餼光緒十五年舉恩科鄉試二十年恩科成進士以卽用知縣分發福建其蒞仕也以伉直不爲當路所喜或有以枉尺直尋之說進者象乾謝之曰得失命也不爲動在閩五年偶有差委皆困甚嘗思挂冠去僚友咸慰留之不果戊戌秋委辦官溪釐局卽於是年九月卒於差次年五十二歲人咸惜之

山東通志

補遺

人物

四十三

山東印刷公司排印

世之志雖數膺鄉試不第援例以知州候選光緒二十年甲午科赴順天鄉試值中東戰起京朝顯官往往送眷屬旋里兆訥每論及憤氣填膺於茶樓酒肆往往指名而罵詈之同人咸勸之曰子獨不恤言語賈禍乎應之曰余得與東漢及明黨錮諸賢並傳榮莫大焉嗣於二十六年以知州謁選復值拳匪之亂投到吏部日礮彈如雨毅然赴部不爲懼迨

兩宮西狩未及引見歸逾年選授山西吉州知州下車伊始以培植士類爲先書院考課勸士子首應讀儒先語錄講求性命之學然後及古文辭先是吉州每遇鄉試從無獲售之人是科兆訥備資斧送士子赴陝關附考獲中副車一人旋調署沁州治績一如在吉時卒以不善伺應上官因微眚罷職旋里後沁人恆來書通

問光緒末年 朝廷銳意變法兆訥聞之輒爲不平至宣統年新政日繁逆知禍患不遠每誡家人曰吾大清民也如有不諱當以大清衣冠殮我於宣統三年正月卒於家

以上人物

托渾布字安敦號愛山姓博爾濟吉特氏蒙古正藍旗人嘉慶戊寅 恩科舉人己卯科連捷成進士以知縣即用分發湖南洊擢至布政使道光十九年晉山東巡撫生平長於幹濟禽猾獲醜警捷若神涖東撫任正恒海疆多事登州一隅濱海暎咭喇番舶北駛所必由經營防禦迭上籌策聞警卽往駐其地鑄火器簡選鋒周攬成山之罟之間擇險設伏得其要最每畫圖陳狀重洋列島如指掌番舶自天津還遵時議布德示威整旅頒犒番估爲羅拜去無何撫局變卽大修戰備訓水師斷井泉築沙壘迨廈門定海

山東通志

補遺

宦蹟

四十四

山東印刷公司排印

相繼陷益務團練習火攻之術彼時夷船有北駛而迴帆者蓋知東北有備又感其威德誓不犯東境在任三年防海居半心力爲瘁其他正身率屬愛才訓士善政不可枚舉舊在臺洋所得溼疾復作漸至大瘡請假調理 特命侍郎麟魁代其任仍與會商防務先後假三月復強起視事歲莫疾劇再請

上始允歸逾年卒年四十有五

張亮基字石卿江蘇徐州府銅山縣人由道光甲午科舉人援例爲 內閣中書轉侍讀擢雲南臨安府知府洊升巡撫調撫湖南署湖廣總督有知人鑒若胡林翼江忠源塔齊布皆所識拔卒爲中興名臣名將咸豐三年秋授山東巡撫十月涖任值粵逆竄直隸靜海縣武定德州等處戒嚴四年正月亮基馳赴德州一帶禦

之而山東無可恃之兵飭兗沂曹等府及各州縣挑選精壯各四十人送德州教練得二千餘人設部伍以勸之山東伏莽遍地邪教會匪及各州縣聚眾抗糧之案層見疊出復飭通省舉行團練爲定章嚴檄行之使堵禦逆匪兼緝土寇疏奏奉旨報可直隸景州與德州接壤土匪肆劫掠民不聊生景州百姓乞援於亮基亮基不忍以越境故置不問乃親率兵勦捕搜獲巨匪百餘人置之法民情始定德州監生邢志舜糾眾數十村莊抗糧屢拒官兵地方官吏不能治至是弋獲誅之事聞奉

諭有辦理甚好才堪大用之褒旣而連鎖賊南竄德州適當孔道亮基乘夜赴劉智廟設伏以待賊不得逞嗣安徽賊由豐工渡黃竄單縣金鄉鄆城范縣壽張等處將軍善祿遷延不勦僅爲尾追

山東通志

補遺

官路

四十五

山東印刷公司排印

之計亮基聞警馳扼濟甯迎擊而賊已竄陷陽穀莘冠各縣旋撲臨清謀至亮基曰臨清爲運河上游最稱繁盛無臨清則運道不通於是兼程日行百五十里赴援檄臬司厲恩官會勦三月初六日馳抵臨清所過約束謹嚴並迭獲他營不法之勇處斬以徇是時賊聚臨清城南及城東之黑莊亮基督兵至距賊二三里而營初七夜選奮勇隊設伏要擊飭前隊五十人效賊裝雜入賊營中拋擲火彈大隊蜂擁而至賊眾驚惶我兵乘之斬獲無算遂平黑莊賊壘毀其礮臺木城時欽差大臣勝保在隔岸之陳家窩駐紮索餉銀五萬兩充賞亮基駁之曰兵到此未殺一賊何以賞爲勝管紀律廢壞兵隊藉搜土匪爲名滋擾淫掠較逆匪爲甚百姓赴訴勝保勝保置之不理又訴於亮基咨請嚴懲不報乃疏劾勝

保擁兵養寇狀兼以屬境城池失守自請嚴議旋得

旨加恩交部議處臨清城西南北三面賊圍攻甚急亮基設伏誘賊伏兵羣起乘勢掩殺賊大奔潰先是約勝保善祿分攻城西各賊而自攻城南甫出軍與賊接勝善各軍早已撤退賊四面麇集幾瀕於危亮基激厲將士爲死中求生之計衆皆感奮莫不以一當百陣斬其僞冬官僞丞相等奪獲器械不計其數乘勝將九家村等處賊巢燒毀斃賊無算由是爲勝保所忌又因索餉不遂忤其意上疏誣劾亮基奏報不實欺飾冒功奉

旨革職遣戍 命下之日將士憤恨欲與勝保爲難亮基勸阻乃止卽日交山東巡撫關防於新任巡撫崇恩毅然就道而臨清州城於是陷於賊矣五年 賜環值河南蘭儀河決發交東河總督

山東通志

補遺

宦蹟

四十六

山東印刷公司排印

差委復自蘭儀至山東蒲臺濱州等處周歷查勘因條陳築堰切灘塞支河三策皆切中窾要奉

旨允行後復 簡放雲南巡撫擢總督旋又因事罷黜同治十年卒於揚州旅次年六十五歲宣統二年湖南山東紳士追念前功赴都察院籲請 予諡奉

旨照准 賜諡惠肅

胡廷幹字鼎臣河南光州人同治甲戌進士由部曹擢福建知府洊升按察使光緒二十七年 簡山東布政使到任卽護巡撫事嗣回本任整飭官常勤求民隱不期年而俗爲之變嚴定州縣交代章程以徵賦之盈絀爲殿最考課亟嚴民自樂輸而無擾累卽稅卡之征收釐局之抽納莫不考覈精嚴在事者不敢有絲毫蒙

蔽故在任三年藩庫積帑至數百萬兩自前布政丁寶楨後所未有也署理巡撫尤能正色率屬嚴憚而不苛刻數月卽擢江西巡撫以去繼任者曾未移時而所積之庫帑竟一空如洗矣論者無不思念之至贛未久以辦理教案未善罷黜遂卒

以撫上

黃體芳字漱蘭浙江溫州府瑞安縣人同治癸亥科進士改翰林院庶吉士逾年散館授編修升侍讀癸酉科貴州鄉試副考官簡山東學政抵任後整飭文教獎拔寒畯汲汲如恐不及奏請添設提覆一場每按臨所至於考試文童正場終日端坐堂皇雖盛暑嚴寒不稍怠惰擇其文理清暢試卷較原額加倍錄取於次早懸牌招覆親加面試命題後或作起講或作兩比定以字數限以晷刻交卷即時批閱汰去支離仍照原額取中以是鎗替懷挾之風

山東通志補遺

官蹟

四十七

山東印刷公司排印

不禁自戢故其取進文章真才爲多嗣後遂永著爲令繼任者踵而行之東省文風由是大振其他考試生員及旋省時試濼源書院加課無不認真甄錄所刊校士錄爲歷來之最一時傳誦幾於家置一編而廉隅自飭杜苞苴謝請託積弊一清待士子嚴以寓寬率屬僚正而不刻至其正色立朝犯顏敢諫實不愧爲一代名臣洊升至侍郎以建言獲咎降爲通政使司通政使遂卒子紹箕光緒庚辰科翰林淹博宏通尤能克紹家學

政學

溫承惠字景僑山西太谷縣人乾隆乙酉科拔貢由部曹外擢府道洊至直隸總督因事褫職嘉慶二十三年起用爲山東按察使洊任一年吏治爲之一變擊貪酷蘇民困善政難更僕數尤爲人嘖嘖稱頌者以平反泰安徐文誥冤獄爲最著徐文誥者泰安縣

之富民也以巨盜入室拒捕鎗傷其護院壯丁柏永柱身死泰安知縣汪汝弼驗屍填格當開導文誥曰家長疑賊殺雇工人罪止科徒爾有力之家盍納贖收贖蓋將爲諱盜情盈谿壑計也而文誥不察僅以白金三千兩爲壽拒弗納遂捏砌供詞誣文誥以火器傷人照故殺例論死時巡撫某與承審之濟南府某皆與汪有舊始終袒庇鍛鍊成獄文誥弟文顯伏闕訟冤奉

旨嚴斥經部駁令覆審猶復拷掠逼供刪改讞詞而獄終不得白案懸已數年矣適承惠陳臬來東察卷內疑竇甚多反覆推求復於所獲他盜供內有劫奪文誥家物語已粗得端倪更出贖購線訪獲首要到案訊吐實情文誥之誣益明遂緩其獄由是忤撫部意旨撫拾他事劾罷之褫職遣戍去之日撫部送之候館萬民洵

山東通志

補遺

宦蹟

四十八

山東印刷公司排印

洵詬訾至不可道慮有他變踉蹌返署然仍怙前非力圖翻異再命濟南府覆鞫之文誥候鞫於階下有他囚過而詢之曰若非徐文誥乎以山東數十年未有之好按察竟爲若事罷黜若尙視然見人耶因以鎖鍊痛擊之濟南府聞之慚阻趨入適徐氏入京復控於是特簡大臣文孚來東覆勘爰照承惠所議釋文誥罪俾歸故業承訊各官降黜有差而承惠先數月已之戍所矣未幾

賜環錄用爲某省布政使道光初年致仕卒

按察使文誥

黃大鶴字芝山陝西同州府大荔縣人道光己酉科拔貢吏部七品小京官補文選司主事升驗封司員外郎考功司郎中京察一等光緒元年授山東沂州府知府時丁寶楨巡撫山東於屬吏賢否考察亟嚴一見即甚器之沂州地當孔道爲東南門戶盜匪出

沒無常大鶴泣任迭禽積年巨匪每盛夏馳騁叢山榛莽間盜匪因之斂迹良民以安郡有琅邪書院相傳爲晉王右軍洗硯池址亂後廢圯乃減俸葺復延名宿主講爲之訓迪土風丕振三年調濟南府知府故事一切控案皆上訴於首郡實爲發審總滙案牘山積方嚴率屬判決持平繁獄爲之清六年薦卓異卽拜分巡兗沂之命職故兵備又近兼軍諮部民勇及任數日先後獲騎賊多名道路相聞曰是前次黃沂州也其爲民悅服如此兗南泗水其橋達九省多年失修行者病涉乃報大府倡資興築五閱月而成行人稱便如防黃流而兩慶安瀾設痘局而民無夭札皆善政之昭昭者九年升鹽運使鹽多稗耗一一考覈不數月利弊瞭如十二年春署按察使抵任未久竟以疾歿於任所年六十有五子

山東通志補遺

宦蹟

四十九

山東印刷公司排印

銓河南尉氏縣知縣華山東淄川縣知縣晉山東候補道

鹽運使

姚錫華字曼伯江甯上元縣人道光壬辰科舉於鄉辛丑科成進士以知縣卽用分發山東歷官新城長山安邱齊河等縣知縣擢桃源同知署曹州府知府升山東督糧道當其任安邱也日坐堂皇坐兩吏堂隅訴者入互書之使不得增損徐諭之曰汝辭直矣彼曲者必以爲辱辱將怨汝而尋讐同處親族里黨之中獨不能小讓以解怨釋讐乎歸更思之如不可忍者官不難爲汝判決也於是曲者尤感悟往往罷訟邑徵例納錢折銀解司庫是歲銀驟貴虧累頗鉅紳耆請增納緡錢錫華謝曰父老意良厚比歲銀賤而今適貴命也使我去而價平地方受加賦之害我何心也自今其照章納銀使官民兩利可乎人情大悅邑無逋負其治盜也優

養名捕獲必重懲嘗謂捕不食於官必食於賊一案之費輒數百金吾以此金發捕捕亦何樂豢盜由是盜發卽獲相戒不犯其境在官三年民俗不變其治新城長山一如安邱而政差簡最後治齊河安邱民相率走數百里獻旗匾頌德政其在糧道任駐紮德州值粵匪擾直境分竄高唐德州腹背受敵守禦百計城賴以完丁父艱去服闋補雲南糧道升按察使晉布政使以疾乞休同治九年卒於家年六十有七子延福亦官山東知縣精岐黃數著循

馨

節錄碑傳續集

黃良楷字品芳號立山江西清江縣人由道光間鄉舉起家任山東樂安縣知縣在官九年膺上考 賜孔雀翎移在平縣時擒匪

孫三羅漢幅匪魏徐元等倡亂大吏諭良楷知兵調蘭山縣辦賊

山東通志補遺

官蹟

五十

山東印刷公司刊印

戰曹平溝禽賊渠王興未餘黨走聚江南邳州良楷越境往勦平之移知滕縣粵匪窺北方良楷奉檄救金鄉以兵三百人往陣斬僞土司將軍金鄉圍解之曹州率八百人受土寇王尙義降先後得衆萬人出追臨清賊尙義感良楷恩力戰焚徐家樓殲賊無算從親王僧格林沁滅李開方於馮官屯曹州土寇復起又平之侍郎勝保勦捻逆張落刑奏以良楷自隨山東巡撫執不可良楷亦以疾辭事未定 朝命授良楷濟東秦武臨道遂留山東尋奉命幫辦三省會勦以孤軍駐永城淮南北互長七百里賊衆四出良楷大小七十餘戰賊不得越永睢巡撫文煜調良楷當徐邳間賊移駐紅花埠勦沂州土寇戰於蘭陵追殲於堽莊再隸僧親王軍解滕縣圍降白蓮池賊殲其餘黨山東巡撫閻敬銘以良楷精

吏治使核州縣交代清釐五百餘案奏加按察使銜致仕歸卒年

七十有八

節錄集碑

劉含芳字薌林安徽池州府貴池縣人幼從戎隨大學士李鴻章轉戰蘇常湖州運輸軍械無闕誤以功敘道員二品銜鴻章晉直隸總督兼北洋大臣含芳統魚雷營屯旅順光緒十八年補山東登萊青兵備道邇年始到官是時以泰西火器相尙言兵事者尤以購器械爲急務含芳性明達於事無不諳練又主軍械久攷別良楛曲得理解李鴻章興立海軍築礮壘設船塢備鐵艦通電綫置魚雷開醫院含芳贊助之力爲多嗣任山左猶隸北洋逮甲午倭韓之難作威海旅順相繼不守敵據甯海州城前鋒距煙臺道署十三里時山東巡撫李秉衡駐兵煙臺西國諸領事以巡撫在

山東通志

補遺

宦蹟

五十一

山東印刷公司排印

則攻之急於租地不便遂退守萊州復勸含芳引避含芳曰巡撫大臣可去吾守土之吏去將何之離煙臺一步無死所矣於是置鴆兩盃與其妻日服公服坐以待斃意氣堅定民恃無恐有潰卒數千操兵噪譟求食勢將圍含芳疾馳至皆斂手聽約束解囊橐數萬金以遣散之西國商民聞潰卒至咸戒備既去數日乃覺因大歎服威旅淪陷而煙臺孤懸獨完和議既成大臣遣含芳渡海勘日本還地見重鎮悉爲煨燼歎曰威海旅順大連灣昔皆荒島余數十年經營苦心構成嶮塞錮京畿門戶今竟委爲敵有感憤流涕遂以疾自劾歸旋卒年五十有八

以上道

熊方受字介茲號夢菴廣西永康州人乾隆庚子科舉於鄉癸丑成進士改翰林院庶吉士散館授檢討在詞館八年改刑部曹轉

江西道監察御史擢山東兗沂曹濟道兼黃河兵備道故事道員於士民赴訴者不過接轉而已率無所可否方受一以事理爲衡訴詞每有獲伸者嘉慶十八年九月防河在工次聞曹縣之變未知虛實卽募土夫勇敢者二百名星馳赴難聲稱率弁兵五千人賊望風棄城逃至縣境之扈家集等處屯集方受以故得入城繕守具督兵勇搜剿先後敗賊目李克讓蔡五倫曹永貴李克順之衆惟李克讓逸去餘悉就禽事 聞拜孔雀翎之 賜十九年調赴睢工督挑引河以事忤使者被劾奪職既竣事降一等開復二十年補東昌府山東自乾隆六十年 恩赦民欠之後州縣虧累愈積愈重往往提取漕餘致規於本管府州以爲彌縫之計各府州亦願戀觀望莫能實舉其事者東昌轄縣皆有漕方受先事卽和入民欠具詳巡撫據以入告

上察其朦混適巡撫身故褫藩司職會新任巡撫視事督同新任承宣確查剔除舊虧而新虧又鉅議以墊支墊解作抵適署任濟南府某者新撫之夙好也遂由濟南府自定冊式札致十一府照式造送彙呈巡撫方受以關涉錢糧文案例由承宣核准呈巡撫以達大部從無首府彙呈之事不照行因觸上官之怒以迂緩不任事劾之原品休致道光元年之揚州爲書院主講五年卒王繼庭字筠軒順天府武清縣人道光庚戌科進士由部曹記名

御史授青州府知府咸豐十年涖任時值歲饑倡捐賑濟官紳踊躍輸將全活無算巨匪李金鼇旬結擒匪窺青州繼庭捕獲之斬於堂下其黨謀劫奪示以首駭然散是時擒匪大股東竄督鄉團乘城拒守捐俸建廬舍於城頭以爲更番休息之所雖幸解圍而民心皇皇恐賊復至適繼庭因公被議幕中人咸勸之速離危地曰官之於民猶父之於子也焉有子將罹患難而父託遠行以避之者乎於是募勇丁修城垣軍械勇糧無不備具併捐千金以爲練勇之費新任知府潘駿文未到青時以爲城必空虛既抵任見其設施乃大驚服是年秋賊果大至而青州城奠如磐石皆繼庭之力也民爲建生祠於范公亭側時撫臣悉其賢留襄辦軍務賊平旋里以勞績開復原官保升道員奉 旨仍歸本班知府補缺

山東通志

補遺

宦蹟

五十三

山東通志卷之五十三

後以道員用同治五年由里居 特起爲兗州府知府仍以疾辭十三年卒青州人復請祀之於宋十三賢祠

盧昌詒字栗甫湖北黃岡縣人初名英備同治庚午舉於鄉辛未成進士以主事用分吏部光緒十四年補文選司主事旋派考功司掌印考功主檢察持人短長吏易爲姦昌詒熟習成案吏莫能欺謾竟以議御史屠仁守上書言事罪畸輕獲嚴譴落職越數年張曜巡撫山東乃招昌詒至幕府參北洋戎務尋 奏請送部引見大學士李鴻章又以朝陽平匪案 奏請改官皆有 旨不允行二十年中東戰事起山東巡撫李秉衡治兵東萊邀佐戎幕夙夜勤勞明年和議成乃 奏其通達治體值危險艱難之際能持以定識定力洵爲緩急可恃之才遂奉

恩旨開復原官發往山東差遣旋保歸直隸州知州又以河工斂勞奉

旨以知府補用加三品銜甫逾月 特授泰安府知府蓋異數也抵任後頗多善政如平反新泰冤獄履勘東平州水災民至今稱之是歲調署濟南府知府適大學士李鴻章奉

命勘黃河每事必就之諮詢昌詒亦知無不言又明年遂補授濟南府敍治河功保以道員在任候補加二品銜會毓賢巡撫山東治盜嚴而尤惡平民奉教者時有白蓮餘孽結鄉里無賴假稱義民毓賢信之昌詒知亂機已伏嘗反覆爲撫部陳說不納及平原拒捕事聞乃奉檄往治始至猶諭以禍福而匪黨已負嵎竝傷官兵遂定議進剿斃巨匪二十餘人餘匪奔散乃解脅從與民相信

山東通志 補遺

宦蹟

五十四

山東印刷公司排印

毓賢聞報反大怒謂所戮義民幾獲重譴迨袁世凱來撫是邦尤倚重之庚子之秋齊魯之間幸得救安未被拳匪之禍者昌詒實有力焉明年春疾作力請開缺世凱爲上 奏猶稱其學識閎通以之分守一郡不足展其才奉

旨俞允過道班未幾有改設學司之 命繼任撫部擬以昌詒當其任而患恙已深遂於次年旋里又明年三月遂卒年六十有六昌詒少習古文而於姚鼐梅伯言尤能深悉其宗派故爲歷任巡撫代作奏議皆能得其體要所著有濟南存稿及養拙齋詩文集在東旣久嘗編輯河工成案積三四十巨册云

以上知府

張興宗字肯堂浙江鄞縣人由國學生就選引 見以知縣發山東試用按察使唐某一見識之命以查賑核其浮冒者汰之餘皆

疏通其戶口而增給之按察大喜言於撫部檄知堂邑縣事蒞事之初見所徵錢糧皆憑戶房吏所造赤歷流水簿而幕友不過核其大概苟求無錯而已未嘗一一核對也而吏得因緣爲姦興宗別令幕友之精於會計者將赤歷逐戶查對核實旬消摘拏皆自內出吏不得豫乃稍稍懼嗣後浮收漸絕因念前此查賑之役皆由保甲之法未善若保甲果精豈有貪狡混列老弱漏遺之患乃實心行之周詳審悉其後疊有水旱被賑惟堂邑最易理盜賊亦爲衰止境內自正供外尙有餘稅其上之布政者十三而司牧多自潤焉興宗隨所得繳之罔贖遺者其治讞也習知冗費紛繁故准理呈詞定在三日內出票而鈔詞出票拘犯之費免簽牌時量其路之遠近親筆限期訊問而挂牌之費免到案者卽時審鞫有

山東通志

補遺

宦蹟

五十五

山東印刷公司排印

覆訊者卽在次日而遷延守候偵探指撞之費免堂邑人命之獄頗多於相驗尤謹所全活申雪不能悉記及權臨清州牧值乾隆二年州境大無大吏授以工代賑之法題開武城臨清夏津一帶運河而人衆工鉅晝則步行河干夜則持籌握算所發帑銀實不足以給民之食而督催甚急乃大憂之是役竟遂以積勞成疾右足爲汗濕所傷屈申不得自如初興宗之試事期年迭爲長吏所賞欲薦之而不果乃歷攝臨清高唐館陶皆有聲譽有富人以八百金爲暮夜壽峻拒之而未嘗以語人善政之及民者不可以條舉終以持正過嚴同寮請託不遂構以蜚語因以去官堂邑之民譁然攀轅塞路不可遏抑

天子亦念其勞再 召見將令之直隸奏對畢疾動蒲伏不能起

矣本縣爲民父母嫉惡如仇何忍縱數百虎狼嗷我赤子爾宜自
此洗心奉公守法毋倚勢作威凜之凜之汝賊纍纍適足爲汝災
道光初濰大水大于河白狼河虞河諸隄潰決淹村莊無算梯躬
往勘驗諭以疏流築隄周歷川原指畫形勢買莊潘家莊胡林埠
固柳社平安社楊家營隄防以次告成至今賴之月朔課諸生於
書院諭之曰讀書將以致用諸生今日爲文章他日將有臨民之
責一切學校農桑河渠荒政宜先事講求再莅蒙陰任尋調禹城
循聲大噪以卓異升濟甯州知州因與上官不合挂冠徑歸

秦金鑑字厚齋浙江山陰縣人道光甲午科舉人辛丑科進士以
知縣卽用分發山東二十一年補高密縣知縣癸卯甲辰兩充鄉
試同考官得士稱盛修城敍勞加知州丁憂服闋擢福建甯府

山東通志

補遺

宦蹟

五十七

山東印刷公司排印

知府授興泉永道署按察使以事罷職旋復其任高密也清勤自
矢開誠布公而機牙肆應遇事立斷有車網魴鱗二村素頑梗金
鑑威德並施弊俗以革鄰邑膠州豪管大成繫獄自裁其家以杖
斃訴上官褫州牧韓某職有鍛鍊之者檄金鑑覆訊金鑑廉得其
實爲申辨復韓官時有貴族女適濰縣劉氏女少寡無子家鉅富
爭嗣久不決大府檄金鑑鞠之兩造皆輦金相覬覦一日將訊有
董弁者來謁延之坐而自出定讞以判詞入示董董逡巡退在高
密五年挑五龍河修夷安書院士民德之同治二年卒於家

蔣慶第字箸生直隸玉田縣人咸豐二年壬子 恩科進士以知

縣卽用分發山東三年權嶧縣率數百人越境防寇於徐州府之
下塘臨行以印綬付典史曰我敗走毋納我且死不敢以身累城

也已而寇他去任濰縣勤政愛民吏不能欺在官數月卸任去士民遮道攀轅送至十餘里外調博平武城等縣所至政績稱最繼乃調補章邱縣章邱富甲他縣號稱難治值同治丁卯年捻匪東竄整團練繕城隍嚴爲防禦并督紳士等添築關廂各圩牆以資捍衛當防堵喫緊之際晝夜登陴寢食俱廢復以溫語慰藉團衆期以同心努力以遏賊氛故能大衆一心賊至竟不得逞是時大軍過境將入城慶第豫牛酒逆諸郊陳於帥前曰謹犒師請駐軍十里外勿驚城市民或誣馬純序爲奸民大府檄誅之慶第廉無他乃馳數百里見大府曰公檄知縣誅馬純序誅叛賊耶抑誅良民耶誅叛賊純序非其人厲聲辯論獄竟得解平日治獄詳慎常懼其枉小有誤必悔而正之至其廉以持躬嚴以馭吏聽斷平允

山東通志

補遺

宦蹟

五十八

山東印刷公司印

吏畏民懷暇則整飭文教與士子以道義相切劘繡江書院廢弛有年重葺而更新之增設膏火士多嚮學邑民爲立生祠在東有年屢膺同考試官得士稱盛曩以功已保以知府花翎厭棄外官積習遂赴部註銷援例改爲內閣中書於是退居濟南省城杜門謝客閉戶著書從不與仕宦交遊所與俱者二三文字知交而已學粹品端爲一時之冠卒於濟南旅寓所著有友竹草堂古文行於世子志達癸巳舉人式理壬辰科翰林院檢討升御史

陳恩壽字伯平浙江山陰人順天宛平籍父顯彝山東候補道署登萊青兵備道有能聲恩壽幼隨父宦遊山左性警敏號知兵佐其父令館陶卽出奇計扞賊納贖爲鹽大使保升知縣需次東省甫弱冠署登州府萊陽縣當咸豐辛酉歲捻匪任柱率大股東竄

漸近萊陽督鄉團禦賊於小姑河獲間諜三人釋不誅曰俾知我有備則不敢復窺及賊擾蓬萊福山慮鄉兵弱且未諳紀律賊復來則腹背受敵練精兵千餘設伏山谷絕賊歸路大創之捐資安置鄰邑流亡發常平倉以振人食其利調恩縣捕役田文升者大猾也黨羽數百人散布鄰縣前縣嚙莫敢發恩壽到任設機禽治之鄰境皆安捻匪宋景詩出沒東昌百計抗禦闔邑無擾調長清未久卽有肥城縣黃崖山之變黃崖山者介在肥城長清之間客民張積中講道之所也積中爲殉難臨清州知州積功之胞弟避匪亂居此因山爲寨盤踞其間左道惑衆省城官幕中人往往倚以爲重攜眷以居者甚夥人衆愈雜風聲愈熾巡撫閻敬銘廉得其情以書諭之答辭稍慢遂檄恩壽往察之率役登山適礮誤斃山東通志

補遺

宦蹟

五十九

山東印刷公司排印

恩壽從役一人及傷所乘馬卽馳歸敬銘以爲叛逆昭著派候補道王成謙督兵進剿恩壽流涕諫曰積中雖迹近謀叛餘皆無罪前日誤斃勇丁耳請分別治之勿玉石俱焚越日圍破寨民不戰而潰積中自焚死而依山以居之官幕死者無算無辜婦女皆裸身以處恩壽與登州府知府豫山見而憐憫飭丁星夜赴省購棉衣褲若干套人授一襲以蔽身而後分途安插且馳書至省使其戚族認領之保全婦孺無數其陰德在人尤至今爲人所稱道者也恩壽旣痛死者以無罪而橫罹凶慘又憾官吏之不能先幾安撫也自是有歸田之志明年遂投劾以歸侍其父於濟南寓所先是効力河工保知府花翎改指河南未到省丁父母憂服闋大府屢招致之終不肯出光緒九年歷城齊東利津等縣黃水爲災出

家財佐有司賑濟全活飢民尤衆一時善人之名傳遠近卽於是年冬遘疾卒於濟南館舍年四十有七士大夫相與弔於廬鄉民弔者日數百人及其殯也家祭巷哭道路填塞觀者無不歎息其厚德之感人深矣子二齡宛平學廩生已前卒冕癸未科一甲一名進士翰林院修撰

全士錡字鑑三順天府涿州人同治癸亥科進士以主事用分戶部改知縣選授山東嘉祥縣時匪亂初定下車伊始廉得高金榜者擾良民立爲之澹臺河決捐廉請貸活民甚衆移章邱章故繁劇日收狀數十且訊且判決如神昧爽坐堂皇恆不暇食寒暑不少間浮役至千五百人甯幹臣者尤稔惡置之法餘悉遣汰良民以安權壽光改德州後調歷城歷城爲會垣首邑多以奔走上官

山東通志

補遺

宦蹟

六十

山東印刷公司排印

爲能而讞竟不暇自決假手寮友丁役蒙蔽痞隔舞文弄法弊端不可勝數士錡悉豁除之人能自鳴其冤多年積案一鞠輒定窮弱熙熙豪橫斂迹值丙子鄉試士錡主供給捐廉雇覓書手認真謄錄而以資募修卷之風以絕旋補德州未幾以疾旋里光緒九年黃河決侍郎游百川奉命查勘調士錡隨往力疾趨公多所規畫卒以疾不能支乞假旋里奉養二親閉戶課子讀書於光緒十二年卒於家年四十有九所著有味鐙叢書味鐙墨話味鐙詩草蜀遊紀程歸棹集淮遊草

劉嘉幹字慎齋順天府宛平縣人同治癸亥科進士卽用知縣分發山東歷任繁劇同治八年補益都縣精明強幹吏不能欺嚴懲豪猾澆風一變十年調歷城縣值前縣孫善述慘酷之後一以清

靜爲治不峻法而法自無枉不邀譽而譽日益隆在任三年廉潔自飭吏畏民懷仕至山東知府卒於省寓

陶錫祺字銓生江蘇陽湖縣人由國學生援例爲山東知縣屢膺繁劇迭著循聲光緒四年任恩縣遇事不勞而理在任三年調署臨清州知州治績稱最九年署歷城縣事正值黃河潰決全境爲災是時巡撫陳士杰設局收養災民先放急賑旋在省城設立工賑總局皆派官紳會董其事勘災散賑事務紛繁秋間侍郎游百川銜

天子命來東勘驗與東撫會奏建築黃河南北兩岸長隄歷城爲全省首邑錫祺晝夜奔馳勤勞罔懈每於散放錢米及冬令給發棉衣皆躬親檢點從不假手胥吏窮黎皆霑實惠迨隄段所侵地

山東通志

補遺

宦蹟

六十一

山東印刷公司排印

畝親偕員紳勘量如值發價一時廉幹之聲遠近交頌由歷城調署卽墨去之日自紳商士庶下至販豎走卒莫不遠送於郊遮道攀轅數十里不絕後洊保至道員三品銜以疾歿於省寓

潘民表字振聲江蘇陽湖縣人由舉人在上海籌辦各省義賑自光緒九年山東黃河決口淹沒者數十州縣下民昏墊蕩析離居慘狀爲從來所罕見於是南中義士惻然憫之捐集鉅資來東振濟舉嚴作霖施則敬及民表爲董共襄厥事其勤苦耐勞尤以民表爲稱首每涖災區不避風雨寒暑必以實惠及民爲歸風餐露宿處之怡如也一時善人之稱傾動婦孺旋以功保知縣留東補用署恩縣知縣邑有沙河爲民害下車捐俸築隄晝夜督修不辭勞瘁時有鄰封武城縣民恐隄築成則以鄰國爲壑糾衆阻止勢

極洶洶將謀生變民表反覆開諭飛稟長吏眾始帖然隄成築閘復舊制保全二百餘村百姓感德補平度州升泰安府慈祥和厚有古良吏風後復保道員改指陝西不數年卒於陝西差次生平事實宣付 國史館立傳 以上知縣

岳金堂字振侯直隸人同治甲子科武舉乙丑聯捷成進士由花翎御前二等侍衛授東昌營參將時兵政久弛士卒率市井貿易徒糜坐餉金堂蒞任汰贏卒覈軍實嚴明紀律撫軍大閱亟賞之邑陳口會賭風甚熾鄉民豪富以多金作孤注有傾家者金堂廉得其害悉為罷去由是宵小斂迹境內肅然光緒庚寅辛卯間連年大水隄不溢者一寸迭次率眾堵築晝夜立風雨中隄賴以完鄉民感之立石以誌功德嗣調任單縣以捕盜遇害東郡士人聞

山東通志 補遺

宦蹟

六十一

山東印刷公司排印

之巷哭三日

參上

國朝宦蹟

黃金得字式如號殿臣湖北穀城人少尙任俠輕財好義輿匪之亂倡辦團練合境百餘里賴以安堵湖北巡撫胡林翼保以把總儘先補用至同治六年來山東投効總兵王心安軍營委帶親軍值捻匪渡黃犯京師金得身先士卒所向克捷東撫丁寶楨知其才堪大用破格保獎由守備積功洊保至參將留東候補捻匪肅清復檄統帶河防營以資練習同治十年鄆城侯家林光緒元年荷澤賈莊決口之役夙夜在公勛勞尤著合龍後保以副將儘先補用並 賞給三代一品封典八年隨辦歷城桃園堵口大工工既竣東撫任道鎔保以記名總兵九年利津之十四戶又決復保以提督記名簡放兵部定例非戰功不得以提鎮請保議格不行

復 賞以三代正一品封典並加級有差嗣後堵合齊河之李家
岸陳家林騷溝等工靡役不從東撫陳士杰復保前職仍格於部
議是年齊東青城一帶水災氾濫人民流離金得破產賑饑全活
無算東撫張曜專摺歷陳金得戰績及治河之功請破格錄用以
提督記名簡放奉 旨允准迨福潤繼任東撫以金得資望最深
委以全省營務處節制巡防各營政績昭垂方冀大用乃以王事
勤勞致疾身殞人皆惜之生平專尚氣節見人勗以忠孝成人之
美濟人之急猶其餘事在東多年因家於歷城子二伯恩歷任四
川壁山鳴山知縣仲恩候選府經歷 流寓 補遺

山東通志

補遺

歷代

人物

六十三

山東印刷公司刊印

令派江浙稅戶船粟往哺文移峻急侯屢申乞截留綱運以救一
州久乃得請百姓呼舞米值頓減主帥不職屯軍橫里中民有訴
者侯命擒卒至於庭詰之有小校歷階上挾卒馳去侯大怒條軍
中不法事將按舉之同列避去不肯署侯爭愈力迄取卒置於法
城西有奸民假警邏為名橫行境上脇取民資久之益鳴張罪惡
盈貫敗獲收繫行賂規脫去吏皆許之矣侯持不可窮核奸狀得
罪數十斃於獄竟除其害公退之暇庭寂如水苞苴至門闔拒不
納倉庫羨餘例瓜分之獨卻不受有挾讐指平民為盜者笞掠誣
服侯輒平反之解縛縱去訟不已推款數四卒得實果非盜長官
縱其下受賄豪奪民妻侯慘於市歸其妻長官怒不恤也尤留意
學校興修宮室教育生徒儒服踵門者倒屣迎不及俗吏有謂侯

私於儒人者笑不答其爲政大略如此

姜禮山東歷城人同兄義隨吳良守江陰占寶池鄉三圖籍洪武十七年以驢死馬匹戍雲南臨安後衛會征大理功永樂元年調錦衣百戶隨駕克敵封昭信校尉陞陝西西安前衛百戶予世襲姜昇禮之子永樂二年襲百戶二十一年隨駕出征有功正統九年陞前衛中所副千戶予世襲姜猷昇之子景泰元年襲姜通猷子天順六年襲姜汝淮通子嘉靖間襲十八年調往北京聽征給假回籍姜棟汝淮子嘉靖末襲姜應兆棟子萬曆間襲姜聯芳應兆子襲封武略將軍

張昭濟南蒲臺人忠義前衛右千戶所司吏英宗復辟石亨曹吉祥等恃寵賣官至三千餘員昭奏之直隸山東大饑復上書言六山東通志補遺

歷代

人物

六十四

山東印刷公司排印

事上皆從之後任南昌府司獄學士張元禎謂之曰君昔三疏位卑而議論甚高官小而事業則大已寫入金滕令名無窮矣黃璉字汝器濟陽人成化辛丑進士知江陰擊奸踣惡器訟屏息徵入擬拜諫官見嫉於閣臣萬安遠遷鎮安知州有平亂功止得常調終杭州府同知子臣舉進士官翰苑以科名顯

張嵐字華巖歷城人嘉靖二十三年進士官至山西參議事嫡母曲盡其孝居喪三年不見婦女莅官清廉居鄉醕謹鄉評以爲人物稱首子志萬曆五年進士仕至湖廣參議孫延彬值國變隱居不仕羞出例金遂屢舉鄉賢不果

曹廷慧山東人以貢任江陰簿有智略精騎射邑令錢錞死難後寇復至城守者多鼠竄且勸偕往廷慧厲聲叱之顧其子曰此吾

與若死所去將安之遂奮臂大呼彎弓向賊罵曰吾射賊左眼則中左眼復罵曰吾射賊右眼則中右眼賊驚怖遁去

范承寵字秉義山東人隆慶己巳分教江邑捐俸爲講堂三間傍青雲樓濬沼築垣令諸生各以地遠近分日課業其中多所成就別駕高捷來署縣事卽其號題曰愛溪書院

以上歷代人物補遺

雷淵字希顏一字季默應州渾源人登至甯元年詞賦進士甲科調涇州錄事改東平河朔重兵所在驕將悍卒倚外敵爲重自行臺以下皆摩撫之淵出入軍中偃然不爲屈不數月閭巷間多畫淵像雖大將不敢以新進書生遇之尋遷東阿令

金定蹟補遺

譚昌言字聖俞浙江嘉興人萬曆辛丑科進士初知常熟縣有惠政後以知兵除山東督餉參政兼登萊海防監軍時山東事孔棘

山東通志補遺

歷代 宦蹟

六十五

山東印刷公司排印

登萊于額兵外增召募兵八萬島帥毛文龍欲由海道濟師御史游士任招募淮兵無現糧而譚遼民航海避難者數萬巡撫陶元暉疑不納飄泊海濱將爲亂登萊旦夕糜沸昌言聞兼道赴官密擒譚兵爲首者斬以徇餘悉不問分插遼人于登萊青三郡三千六百有奇編列戶籍給牛種流移得所居無何濰縣兵民相鬪濰令以遼衆反聞巡撫檄兵會勦昌言單騎入登營執遼將王進忠手曰遼民卽我民遼將卽我將誰言反者傳箭慰諭之將士皆感泣不煩兵而事解督撫上其功舉直省監司卓行第一詔不次擢用賜金加銜尋擢山東巡撫當是時島帥毛文龍鎮膠東籠海外織皮駝馬之饒括金貝以飽中人之府斬馘部民邀俘獻功自節鉞以下莫不怵息以承島帥之命昌言則每事必遏其姦全活良

民甚衆時朝鮮李崧弑篡請封帥甘其重寶導之來以介于璫昌言怒曰篡賊不討而封之何以示屬國拒不許登岸帥患事權不足以箝勒文臣私請勅使得兼舉刺昌言具揭力爭其非制不可會御史魏光緒給事中魏大中各疏文龍罪狀文龍疑出自昌言因搆蜚語借一司餉同知翟棟詞連及之謀煉煨成獄昌言念一身不足惜痛權姦覆國莫可救止憤懣嘔血卒于官邸山東百姓莫不哀其心而恨其事崇禎卽位忠賢伏誅錄以死勤事諸臣贈太僕寺卿賜祭葬復下禮部議諡法會明亡事遂寢

明宦蹟補遺

以上數傳前編已列排印時校閱偶疏竟致脫漏補錄於此

王振畿字化東兗州府滕縣人幼學爲文郡試謁僧邸祠愛楹聯有滿腔熱血灑向疆場語反復誦之旣而貧益甚以乙未年隨孔山東通志補遺

歷代

宦蹟

六十六

山東印刷公司排印

慶塘入武備學堂歲滿考試第一光緒三十四年冬

天子命徐世昌爲東三省總督檄往練兵越二年徐入總樞密以錫良代之遂辭去自歸北洋未幾而李經羲總督雲南李以武備爲天下重要亟需才且風氣初開舍振畿無以過也乃以爲陸軍步三十七協統領甚見倚重演之諸宿將皆失職怏怏口說以激怒軍士諸軍心銜之而未發也辛亥春蔡鐸以東洋留學生由粵至滇蔡鐸者湖南諸生至則乘隙鼓動諸軍士又時時露於色詞振畿知其叵測唯演督深信之未之察會統制缺出李首以振畿名上及命下乃以鍾麟同爲之遂佗祭失志以病乞去李益歉然固挽留之然重違其意遂以總辦兼正參議留總督署日煩爾爲我臥而治也日省視之撫慰不去口於是以三十七協統領授

蔡先是振畿時以間請曰蔡鏐禍樞也難馴留之必爲滇患請除之滇督故愛其才且罪過未彰恐負殺士名遂不用其謀而蔡之計畫遂成果以九月初八日滇兵鼓而起滇督旣聞難是時鍾麟同方駐兵於五華山遂拔振畿出視未至外門門者曰事急矣勿輕出乃請滇督暫避以隻身往調兵當是時五華山已兵變瓦解鍾已陣歿振畿固欲往邀擊之馬弁李樹彬從出督署數武革兵蠡午已至將昇之崇墉而殺之旣登心竊自計惟墜城可死然不能得轂身下內墉傷左股遂擁至皇華館見蔡蔡知振畿欲殺之也久矣然意不恨也裹其剏對榻相與語說以共起事竟夕無一言旦日具食振畿南嚮坐蔡鏐西嚮坐楊參謀坐其下蔡曰督帥遁矣滇無主煩公爲生民計公爲帥我倅焉一方不足平也振畿

山東通志

補遺

人物

六十七

山東印刷公司排印

嘿然目耽耽注蔡額袖抽鞞中波羅甯鎗擊之不中中楊參謀首立碎再發蔡遁去於是李根源以衆入促發鎗如蝟下振畿身被七剏立死旣死蔡乃哭而棺斂之招其家人至具金帛賻贖設位以弔歸其喪於家卒年四十有一

國朝人
物續補

張鶚曹州府定陶縣武生嘉慶十八年九月十日曹縣逆匪李克讓劉允中等戕殺文武官吏同日定陶亦變時鶚年二十四方里居一日突見三人過其里倉皇南出其工人識之爲孔興岡兩李姓也越二日聞變鶚與兄鵬糾集邑生員朱照東等誅逆朱出金二千兩粟米無算村人聚者數百共推鶚兄弟爲首官兵未至不敢擅動十二日夜孔李三人復過里已去覺之鶚曰彼迹可疑也盍追擒之衆請以兵往日無動衆彼見將逸矣獨與武生某聯轡出不持寸刃奪其陌刀三生擒以歸搜孔衣得白旗百斧一柄有血汚痕詰之知戕姚令劈獄巨逆也十三日兗沂曹濟道熊方受至鶚謁之熊以兵事委焉鶚內戚有糧在某所俾輦以濟軍鶚與衆徒往旣而先騎以歸遇長鎗賊五人力戰殺之明日入城獻俘

山東通志

補遺續增

六十八

山東印刷公司排印

馘鄉人報有百餘騎逼村而陣自辰相持及晡鶚急歸持長鎗單騎突陣故驚擾賊馬賊故不識騎馬驚賊紛沓墜焉先時戒衆椽繩四布及敗遇輒蹶遂生擒七十餘人馬六十餘匹十八日聞田姓武舉從逆欲說降之田馳去乃帶鄉勇五十二名赴大王集是時賊蜂屯西北鄙羣匪黨與相煽起期以日午舉事張筵於衢鶚揣賊不意命衆伏於村北聞銃進已乃單騎挑之鶚誘之將出衢銃發衆急出繞賊後鶚馬遮其前賊不測衆寡衝狹自相蹂躪遂殲焉凡斃賊二百餘名生擒六十餘人潰者悉奔大壘賊怒甚廿日燕朱照東里以致我師鶚領四百人赴之一望如雲橫延四五里衆色變鶚曰勿恐我單騎衝西北賊若陣動爾等急擊北面我旋騎會之遂策馬斬前驅半尸淋漓馬上鶚隨之破陣而入賊遂

亂鄉兵喊助聲撼山谷賊窺我兵不前奔復止旋以徒繞圍我軍我兵北餘兵鏖戰不能當當是時賊環騎圍鶚於場間圍數匝鶚控騎不動賊謂可生獲鶚見我兵圍解賊徒且至遂馳騎大呼而出至里知不能守戒車先發奔城賊圍合邑已空烈焰四起鶚復透重圍出幾不免至城人心恟懼鶚諫觀察使曰此足一動城且屠東北四十八里魚肉矣大人卽出印章發賈人囤粟鶚復收聚鄉勇爲戰守計一面往曹州告急鶚曰事急矣今夕賊必至我策騎觀之賊見我必不動遂率兩騎以出賊果疑不敢逼城是夜四面火起達曙不息都司周天章與鶚秘計揚言攻邯鄲集賊果盛兵備廿四日周與鶚率百騎鄉勇千人往發邯鄲忽改道攻榮家園賊倉呈四備然恃木柵如堵長鎗環列以待有少年賊黃衣朱山東通志

補遺續增

六十九

山東印刷公司排印

頂冠伐鐘甚急是日西南風起鶚令備薪屬發銃斃鳴鐘者賊潛伏西南擲炬及屋火發賊氣奪四顧我兵大喊破柵入比連三壘皆破三壘者賊聚妻孥於是胥屠焉追奔斬千餘級賊大哭始欲奔滑矣先是賊乘朱樓之戰氣百倍羣逆煽惑聚愈衆宵小乘時焚掠無虛日及衄氣少熄人心遂定越二日破宗家塘邯鄲集賊斂兵守李家樓范家莊復破之及同運司劉清總兵馬建基破賊於胡家集安陵集劉復大創賊於紡山殘餘逸滑曹屬賊悉平鶚共手擒大賊首李克讓李名揚焦大法蔡五倫孔興岡等節次打仗率領生擒賊一千六百餘名斬馘無算事歲巡撫同興奏

聞恩賞鶚花翎守備銜朱照東七品銜鵬把總銜

續補節錄周文

鍾麟同字建堂濟甯州人幼好學家貧落魄有大志光緒初歲屢不登不能常舉火其母以縫紉佐其讀書不稍輟既而貧益甚無侘傺失志之色年未弱冠聞大學士李鴻章創辦武備學堂於威海於是棄故業從之遊既考入期滿當課最時同學者爲王振畿范鍾嶽皆相愛也然與王交尤篤二十六年粵督張之洞電檄赴鄂委筦武建二旅第二營逾二年兼統右旅第一營又逾一年粵督端方委密查湖北全省軍務是年六月粵寇起粵督岑春煊奏調赴粵剿匪既至剿撫兼施寇遂平駐軍龍州旋奉檄赴越南文淵諒山河內察核對訊事受知於督辦鄭孝胥委率軍官考察日本軍政三十一年歸國是年以粵西肅清保以知府補用十一月復委遊歷越南三十二年岑督委統廣東新軍第二標既而以疾

山東通志

補遺續增

七十一

山東印刷公司排印

辭赴天津就醫直督袁世凱委帶陸軍第四鎮礮隊三十四年直督楊士驤會同校閱大臣廢昌保以道員補用并賞戴花翎宣統紀元

皇上以雲南爲邊防重地

命李經羲爲總督經羲故器麟同材

奏調差遣與王振畿范鍾嶽靳雲鵬孔慶塘等先後至滇是時天下陸軍權最重而革命家時時以口說鼓動之蔡鐸方以三十七協統持革命尤力麟同與王振畿皆知其蓄謀數爲演督言之卒不悟值辛亥八月湖北肇亂天下響應蔡鐸乃與其黨徒期會於九月初舉兵誅諸將之不附己者部署既定或由內斬關入先攻軍械局麟同見事急乃疾據五華山扼咽喉要地是時陸軍俱變軍械局已爲革軍攻破相持一夜子彈已空麟同知勢不可支遂

同參議靳雲鵬下山餘兵星散從者僅護弁數人而已沿街百姓
注視之麟同自陳到滇數年從未擾害百姓事至此天也乃大呼
力竭以手槍自轟擊未絕義弁馮文繡張耀奎肩輿昇之總辦某
令衛生隊昇赴醫院行至南門內七十四標及礮隊截留之斷其
首懸之國門越日或合身首縫紝之以薄材葬於西門外又十餘
日蔡鏗訊得之易棺停於老君廟事 聞

詔優卹予諡忠壯麟同服官二十年家無儋石充兵官算學教習
成就人材甚衆授命後王振畿范鍾嶽亦相繼以義死云

孫佩南先生傳略

孫先生葆田字佩南登州府榮成縣人寄居濰縣父福海道光癸卯舉人湖北知縣先生少嗜學篤好左國韓柳歐蘇之文既隨父之官受古文義法於廉卿張先生遂得進窺歸方堂奧時單伯平學博講學於濟南先生歸復從之遊因文見道蔚爲儒者焉同治庚午舉於鄉甲戌成進士觀政刑曹光緒初元以憂歸家貧積累乃以改外請八年選授安徽宿松縣知縣以經術爲治行翕然稱循良十一年乙酉科分校江南鄉試調署合肥縣知縣合肥多勳臣子弟率倚勢爲不謹以撓有司之法號難治先生一以公明處之皆不敢干以私會有縣民某逋巨室租巨室嗾豪奴威索毆縣民致斃先生聞其事立往驗治當是時巨室方以利罔死者家希

山東通志

附傳

一

山東印刷公司排印

罷訟而又狃於有司之莫敢誰何也殊不以屑意民亦習知令之畏巨室也道路藉藉慮死者不獲直及先生至依法驗得毆傷狀民則大喜過望奴前致辨先生復痛予笞衆益踊躍歡呼無不額手頌神君者於是先生具其獄逕白大府同列者多爲先生危而皖撫陳公獨韙之未幾巨室將摭他事中先生遂引疾歸於時直道猶伸先生既以文行著稱又以強項名天下去官後疆吏禮聘日至其門先生輒婉辭謝之後乃應山東巡撫張勤果公之招主尙志堂講席日訓諸生以敦本務實辛卯鄉試得舉多人咸以爲教澤所致也十六年勤果公薨於位繼其任者不復以局事爲急時先生弟未逾年而勤果公薨於位繼其任者不復以局事爲急時先生弟六階官於河南先生乃往視之大吏聞知留主大梁書院旋聘爲

大學堂監督未幾六階君歿於光州任先生護其喪歸又數年猶子昌燕亦相繼不祿復挈細弱以其喪歸濰一門孤嫠皆賴以存活用此累益重家亦益貧而先生處困境於辭受取與之節益介然無所枉撓由是山東學者識與不識翕然推服之海城李公之撫東也尤重其學行奏請於 朝獎以五品卿銜至丁未冬東撫楊文敬公復請主志局乃攜幼孫來與法容叔徵君商訂略例訪求通才相助既而法徵君歸道山先生獨爲其難願以採訪楷覈閱三寒暑僅成書白餘卷宣統二年歲暮先生將歸濰度歲承霖適奉存古學堂監督之檄先生亦膺教務長之聘遂就與商定規則乃別不十日遽於辛亥正月朔日以疾卒於濰年七十有二赴至會垣官紳士庶罔不以名德殂謝相歎息不僅承霖兩代契交

山東通志

附傳

二

山東印刷公司排印

爲之後生平著作已刊者孟志編略其校經室文集六卷刊於吳興劉氏者乃歿後同人搜諸其家爲之編輯其他文字雜錄散佚不知凡幾也今山東通志稿本初就先生已前卒因撮舉崖略俾後之景仰耆德者知此書爲先生之所經始也歲在著雍敦牂夏六月歷城毛承霖譔

山東通志

附傳

三

山東印刷公司排印

山東通志跋

光緒辛亥冬通志稿本初就夏初張漢三觀察已升任去東
秋末黃石孫太守請假離任是時世變已兆人情洶洶惟歷
城毛稚雲觀察尙襄局事遂以全稿裝潢成帙上之大府儲
諸公署越四年乙卯財政廳楊公味雲鹽運使王公鹿泉慨
然有籌款刊印之議先以大洋三千圓爲補助乃復邀約同
人開局校刊適福山于梓生觀察在省辦賑約之入局與徐
庚生主政周樞清大令撫取原稿商略考訂譌者正之缺者
補之復有遺漏撰補遺一卷以足之諸君子分司警校越三
年數月而後成敘事斷自辛亥而止接孫佩南先生未竟之
緒體例故應爾也溯自乾隆丙辰至今時代愈遠變亂迭更

山東通志

跋

一

山東印刷公司排印

衙署之檔案難稽郡邑之志乘失考採訪搜討掇拾亟難雖
不敢謂魯亥無訛脫誤悉補然較之辛亥初就之稿補者什
之四五正者什之二三從茲吾東文獻考鏡有資未嘗非快
心事也無如款項奇絀多方勸募幸得本省官紳與夫同鄉
之服官及統兵外省者解囊相助始得洋一萬數千圓付之
剗刷仍患款絀筆乃與山東日報館訂約以活字法排印成
書印刷五百餘部欸猶未敷乃售書以補之庶幾一百八十
餘年之簡編冀信今而傳後而孫佩南先生及諸同人纂校
之力與諸鉅公集腋之功俱將永垂奕禩矣至刊鐫之緣起
集捐之姓氏例得備著於編謹跋

歲在戊午前頭品頂戴江蘇候補道章邱孟繼笙謹跋

山東通志排印捐輸姓氏

山東財政廳長楊味雲先生撥助大洋一千五百圓

山東鹽運司長王鹿泉先生撥助大洋一千五百圓

山東泰武將軍靳翼卿先生捐助大洋一千圓

河南巡按使田煥庭先生捐助大洋一千圓

甘肅督軍張勛伯先生捐助大洋五百圓

湖北督軍王子春先生捐助大洋五百圓又集捐五百圓

計開

王先生金鏡捐助大洋一百圓

孫先生傳芳捐助大洋七十五圓

劉先生景春捐助大洋五十圓

山東通志

捐輸姓氏

孟先生昭月捐助大洋二十五圓

關先生際雲捐助大洋二十五圓

郭先生占魁捐助大洋二十五圓

馬先生汝麟捐助大洋二十五圓

聶先生慶寬捐助大洋二十五圓

張先生俊峯捐助大洋二十五圓

李先生彥昌捐助大洋二十五圓

呂先生玉貴捐助大洋二十五圓

李先生鵬揚捐助大洋二十五圓

吳先生龍圖捐助大洋十圓

李先生生長潤捐助大洋十圓

王先生仁沛捐助大洋十圓

潘先生守蒸捐助大洋十圓

丁先生培基捐助大洋十圓

以上共合五百圓

察哈爾都統張子志先生捐助大洋七十圓又集捐二百八十

一圓

計開

譚先生慶林捐助大洋四十圓

苑先生友棠捐助大洋二十圓

黃先生德桂捐助大洋二十圓

劉先生玉柱捐助大洋二十圓

山東通志

捐輸姓氏

周先生樹標捐助大洋二十圓

王先生鳳英捐助大洋二十圓

薛先生丕沾捐助大洋十圓

王先生丙彝捐助大洋十圓

李先生樹芳捐助大洋十圓

王先生廷賓捐助大洋五圓

于先生鴻儀捐助大洋五圓

尹先生祚霖捐助大洋五圓

陳先生祖培捐助大洋五圓

劉先生鐵山捐助大洋五圓

張先生建崑捐助大洋五圓

高先生鶴皋捐助大洋五圓

吳先生良弼捐助大洋五圓

王先生景祺捐助大洋五圓

薛先生性捐助大洋四圓

劉先生書霖捐助大洋四圓

安先生法顏捐助大洋四圓

高先生縉三捐助大洋四圓

宋先生景秀捐助大洋三圓

劉先生嗣昌捐助大洋三圓

趙先生廷蘭捐助大洋三圓

張先生裕淦捐助大洋三圓

山東通志

捐輸姓氏

三

山東印刷局代印

張先生漢傑捐助大洋二圓

王先生希祐捐助大洋二圓

高先生繼曾捐助大洋二圓

張先生秉厚捐助大洋二圓

尹先生錫三捐助大洋二圓

王先生鳳鳴捐助大洋二圓

王先生志澤捐助大洋二圓

王先生銑捐助大洋二圓

方先生城捐助大洋二圓

王先生宏濟捐助大洋二圓

李先生永吉捐助大洋二圓

蔡先生允恆捐助大洋二圓

周先生鴻俊捐助大洋二圓

劉先生孟中捐助大洋二圓

王先生廷琛捐助大洋二圓

王先生枚皋捐助大洋一圓

韓先生志霄捐助大洋一圓

宮先生慶泰捐助大洋一圓

陳先生恭治捐助大洋一圓

周先生雲亭捐助大洋一圓

曾先生廣居捐助大洋一圓

姚先生祖武捐助大洋一圓

山東通志

捐輸姓氏

四

山東通志 卷四 捐輸

劉先生宗淮捐助大洋一圓

以上共合二百八十一圓

何春江先生捐助大洋三百圓

呂鏡宇先生捐助大洋二百圓

吳仲怡先生捐助大洋二百圓

蕭紹庭先生捐助大洋二百圓

丁星甫先生捐助大洋二百圓

張顏山先生捐助大洋二百圓

李峩卿先生捐助大洋二百圓

夏溥齋先生捐助大洋二百圓

唐柯三先生捐助大洋二百圓

潘丹亭先生捐助大洋一百圓

閻雲卿先生捐助大洋一百圓

王石隲先生捐助大洋一百圓

劉子琇先生捐助大洋一百圓

張松山先生捐助大洋一百圓

李蓮溪先生捐助大洋一百圓

周蔭泉先生捐助大洋一百圓

張觀廷先生捐助大洋一百圓

盧景房先生捐助大洋一百圓

山東財政廳長安善甫先生兩次撥助大洋四千一百六十圓

共計捐款大洋壹萬叁千捌百壹拾壹圓

